

# LUKA

## Itōme Bielea Le Kumegō I Luka Ɔtsere

<sup>1</sup> Wū ɔnyii Tiofilo, maturi gbodzoo ɔpia so kube kumegō maawo so si matsere ira masegu i ara wa loba i bo ndě iso mase.

<sup>2</sup> Matsere le kumegō i mma lonya Itōme Bielea karōkasekō ɔgere bo awe, fie mato maya ne isā ana.

<sup>3</sup> Ne ɔso ne, Bokose Tiofilo, gō mme wū losu losia so iso lotsue ara wagbe ta karōkasekō ɔso ne, lobara adzuni so ile so loatsere wā kukaako losese-ɔ kumegō aba.

<sup>4</sup> Nto lobara ngbo ala lobie so aatsue ira biara ne mate-ɔ wodoroo.

### *Maye Yohanes Iye Mase.*

<sup>5</sup> Ɔwi gō ame i Herodes ɔde sigara i Yudea karō iso ne, Ƴaa soredze ɔwě ɔwe gō maro Zakaria. Ɔbore i soredze Abia ikuri ame. Zakaria gogbe ore maro Elisabet ne. Ɔ wū ɔbore i masoredze ɔyekpare ame.

<sup>6</sup> Ɔrã gu ore gogbe ɔse ngbã le Ƴaa masoredze awe i Ƴaa ano. Made ɔ mmara ɔduɔdu iso kukaako.

<sup>7</sup> Ƴee ne, maiye obi ala Elisabet de ɔlema fie ma inyoo ana ɔse katō i ako ame.

<sup>8</sup> Iyi iwě ne, Zakaria ɔkele ma Yudase isoreyo so ɔabara ɔ masoredze karabara ala ma ikuri iɔgo so maabara.

<sup>9</sup> I masoredze kubarara kanya ne, go mabara kareremi ne, Zakaria iso isia, ne oso okELE Yaa isoreyo ame so ðatsuedza kua korõkorõa otã Yaa i isorekasege iso.

<sup>10</sup> Ōwi go oto otsuedza kua korõkorõa mmõ ne, masumudze tsora xe i inyamõ mato makparama kayi.

<sup>11</sup> Yaa kpabo owẽ odji so ote wũ. Ōxe i isorekasege ga iso oto otsuedza kua korõkorõa kudearõ iso.

<sup>12</sup> Go Zakaria onya wũ ne, okpẽ so, ifõ omõẽ wũ gbaã.

<sup>13</sup> Yee Yaa kpabo gomõ oxere wũ so, “Zakaria, daanigã! Yaa onõ fõ kayi ikparama, ne oso fõ ore Elisabet to ðaxe obirereĩ otã-õ. Tã wũ iyere so Yohanes.

<sup>14</sup> Si maXe wũ ne, ato aana isoxõ, alele gbaã le kumegõ iade maturi gbodzo ana isoxõ.

<sup>15</sup> Oto ðade oturi siare i Yaa anõ. Ōdaanẽ ndã kpokporoa kumiwẽ me loamõẽ wũ duudu. Siwarã Bielea to siayi õ ame fie maXe wũ.

<sup>16</sup> Ō loakpesera Israel maturi gbodzo obo ma Sate Yaa kore ne.

<sup>17</sup> Ō ode loadẽ Bosate iba katõ fie siwarã gu ole go lowe i Yaa kanyadidze Eliya ame to iawe i õ ame. Oto ðafere mabi gu mase kanya ndu. Oto ðafinikira matsuelese okpesera mma nse mabu iti ame i ibõlõlõ iso. Nnegbe loatã Bosate maturi onyo tuee matã õ iba ne.”

<sup>18</sup> Mmõ i Zakaria to okare kpabo gogbe so, “Be loatã lofõ nnegbe loðe? Bo gu wũ iyo onyi odudu somina õõse katõ i ako ame.”

19 Ne kpabo to otã wũ mmuai sɔ, “Mme nde Gabriel go nse oya i Yaa katõ ne. Ɔ ode lopia me sɔ loyere-ɔ kanya gagbe ne.

20 Atoa sɔ aifo nne loyere-ɔ aɛ ne, ito iaba le kumego loye ku owi go i Yaa osia ita. Yee kumego aifo aɛ oso ne, fo onyagemi iisibata onya gbogboogbo nne loye oɔa i ne ame.”

21 Owi go i nnegebe oduɔu to ikela i katõ ne, mma nye masia Zakaria i isoreyo inyamo okpokpoto alaso maiye nne oso fie ñona opa ngbo.

22 Go oɔa ñabore i iyo ne, ñisito owo ika odeguma. Ne oso matsue sɔ onya idi ite i isoreyo mmo. Go ñito owo ika ode oso ne, nroo ka oto odidi si ñayere ma ira.

23 Owi go i Zakaria ooro ñ karabara i isoreyo ne, okpese okela ñ iyo.

24 Owi kurukutu kama ne, Elisabet oɔa ñala kayiri, ne oso okola so i iyo awa aru i kudokpo.

25 Ne Elisabet ode ika oye sɔ, “Kinio ne, Yaa onyɔ me nnya. Ɔodi me kunuare i ano okole me ano kato i maturi nde.”

### *Maye Yesu Iye Mase.*

26 Owi go i Elisabet kayiri ofo awa akuo ne, Yaa oɔa ñ kpabo Gabriel sɔ okela omage go maro Nasaret i Galilea karõ iso.

27 Osia wũ kanya i obite owe go maro sɔ Maria kore. Obite gogbe makare mata Yosef go lobore i igara David ojekpare ame ne.

28 Go kpabo oɔa ñabo Maria kore ne, oyere wũ sɔ, “Isobue ita-ɔ! Bosate piagu-ɔ fie ñ kusekuse ana sia-ɔ iso.”

29 Kpabo gogbe atõme okpokpotoro Maria adzuni ala ñino kaya gagbe karõ.

30 Mmò i kpabo to oḡere wũ sò, “Maria, daanigã ala Ḳaa nnyainyo piagu-ò.

31 Ato aba aala kayiri aḡe obirereĩ, tã wũ iyere sò Yesu.

32 Oto ñafò iyere gbaã fie maaro wũ sò Ḳaa Olesate momò obi. Bokose Ḳaa to ñasera wũ sigara le ñ owa tete David awe.

33 Oto ñaḡe sigara i Yakob mawa iso owi oduḡu ame. Fie ñ sigara iḡe iibafe inya ḡa.”

34 Mmò i Maria to okare wũ sò, “Nda nwagbe aawo oba gò loiḡe orereĩ kuwẽ?”

35 Mmò i kpabo gomò to otã wũ mmuai sò, “Siwarã Bielea to siayi fò ame fie Kato gu Karõ Baradze ole to ñaba-ò iso. Ne oso obirereĩ gò aḡe ne, maaro wũ sò, Osekelea, Ḳaa Obi Birereĩ.

36 Lobie sò loatã-ò itsue sò ne, fò onyiibi gò nde Elisabet fie oḡe olema ne, ka oto kayiri awa akuo atoa sò ñ ako oḡe katõ.

37 Alaso kuira iḡo Ḳaa ibara.”

38 Ne Maria oḡere wũ sò, “Nyò! Mme ne, Ḳaa oḡabo loḡe. Obara otã me le kumegò aḡe.” Ne Ḳaa kpabo orui ne.

### *Maria Okelē Elisabet Kòre.*

39-40 Ayi wamò ame ne, Maria oledza sò oḡe siwa okelē Yudea karõ iso i abe ndẽ. Okelē Zakaria iyo oḡe ñaya Elisabet.

41 Gò Elisabet onò Maria kaya ne, ñ obi gò i kayiri ame ko lotsue ngba, oluwẽ Siwarã Bielea oyi Elisabet ame oduḡu.

42 Ne ọto ọkpage silo kato ọye so, “Maafere-  
o kusekuse i maroogo nde fie fo obi go aaye ne,  
mafare wu kusekuse!

43 Mme nde nna fie Bosate onyi aaba oaya me?

44 Alaso oluwẽ go lono fo kaya ne, obi go mpia  
me i kayiri ame ko lokpe so i isoro ame.

45 Na isoro gbaã alaso afo kanya ga i Yaa kpabo  
oba oayere-o afe so iaba oso.”

*Maria Oka Siba Ipe Ono.*

46 Ne Maria o pia ono kanya so,  
“Wu ọtu to ole Bosate.

47 Fie so ọro me i Yaa go nde wu Didze iso,  
48 alaso onyigi me  
o odabo go loire kuira.

Ita i kinio ito ikere ne, mawa gu mawa tete odudu  
to maakpere me so oturi go ilegu.

49 Alaso Olesate obara ara siare ota me, fie  
o iyere se sekelee.

50 O nnyainyo se ita  
mawa gu mawa ma odudu nse maniga wu.

51 Odi o ole ote  
fie osamarã mma nse makole so kato i ma  
situ ame.

52 Okpasera magarakpakpa fie  
okole mma lobo so karõ kato.

53 Oso ara see omidza mma i kuka to,  
okpesera maranase mawereba.

54 O ano sia i itome  
ne oere bo mawa ose iso,  
fie ooba so oabuai Israel kafe.

55 Onyigi o nnyainyo ne osu ota Abraham  
gu o mawa ikpa ta kayi karokõ.”

<sup>56</sup> Ne ɔso Maria ka ɔwegu Elisabet awa ate ɔɖui fie ɔkpese ɔkele ɔ̃ aɖe.

*Ndupiedze Yohanes Iye.*

<sup>57</sup> Gɔ ɔwi ɔɔso sɔ Elisabet aaxe ɔbi ne, ɔɔe ɔbirereɪ.

<sup>58</sup> Ɔ magbamikui gu ɔ̃ manyii ɔɖuɖu ɔno iwawāra siare ne i Ƴaa ɔbara ɔtā wū. Ne ɔso managu wū isoɔ gbaã.

<sup>59</sup> Iyi ne maɖi ɔbi i iyo ne, mase maatu wū sirereɛ fie mabie sɔ si masu ɔ̃ ɔse iyere Zakaria masia wū.

<sup>60</sup> Ƴee ɔ̃ ɔnyi iinɔgu ma karɔ. Ɔɔere ma sɔ, “Misia wū Yohanes.”

<sup>61</sup> Mawararā ku wū sɔ, “Mi ɔɔɔɔɔɔ ɔmele mase marɔ ngbɔ?”

<sup>62</sup> Mmɔ maɖiɖi nroɔ makare ɔbi ɔse sɔ mme iyere ɔto ɔbie sɔ masia ɔbi.

<sup>63</sup> Zakaria ɔkare ita ne iso mase matsere ara. Gɔ ɔfo ne ne, ɔtsere sɔ, “Ɔ iyere nde Yohanes.” Ne ɔso ibara ma ɔɖuɖu ɔ̃ii.

<sup>64</sup> Ɔluwɛ Zakaria ɔnyagemi ɔkurisi ɔtse ika ide ile Ƴaa.

<sup>65</sup> Ifɔ siare ɔmɔɛ ɔ̃ magbamikui itā sɔ itɔme negbe ɔki ikā Yudea simagɛ dze i abe iso abuiti ɔɖuɖu ame.

<sup>66</sup> Mma ɔɖuɖu lonɔ ara wagbe ɔla maɔkare sɔ sɔ, “Mme ɔturi igbā i ɔbi gɔgbe to ɔba ɔaɖe?” Makare sɔ ngbɔ ala ite sekelee sɔ Ƴaa korɔ sia wū iso.

*Zakaria Ɔɔe Itɔme Ɔse.*

<sup>67</sup> Mmɔ i Siwarā Bielea ɔbo i ɔbi ɔse Zakaria ame ɔɔe ɔse sɔ,

- 68 “Mitã bole Bosate go nde Israel Yaa alaso obuai kađe, ođi bo so boana isobue.
- 69 Osu Đidze go mba ole otã bo go lobore i ñ ođabo igara David okpare ame.
- 70 Oxe ose kokooko okigu i ñ kanyamađidze sekelea iso so
- 71 ñađi bo oboregu i mma nto mabie bo ikpi gu bo matsirise oduđu nroõ ame.
- 72 Oxe so ñanyo bo nnya le kumego oxere bo mawa ose  
fie ñanyigi kanya ga onyi ku bo mawa.
- 73 Okã ndamu otã bo owa Abraham teteree so,
- 74 ñađi bo oboregu i bo matsirise nroõ ame otã bo bobara ñ karabara so ifõ iisibakpẽ bo.
- 75 Oto ñaseklera bo fie ñabara bo bololo i ñ ano i bo agbanayi oduđu ame.
- 76 Fie fo, wũ obi ne, maakpere-o so, Yaa Olesate kanyadidze.  
Fo loadje Bosate katõ aledza ori atã ñ iba ne.
- 77 Ato aadı ate maturi so maana idj ala mato maana akpi isu itse.
- 78 Bo Yaa se oxara so pokosoo fie oba nnyainyo. Oto ñasese bo Đidze go loafie ofere bo le kuẓẽ.
- 79 Oto ñatã ikpawai negbe oba itã maturi ma nsi i idududu ame  
fie kukpi ifõ to ma  
so ñako bo okigu i isobue ori iso.”

80 Go obi oba ñare iti ne, owe ole i Siwarã Bielea ame. Owe i fafuĩ ame ngbego i maturi na gbogbogbo owi go ñoledza so otã so ñabara ñ karabara i Israel.

## 2

### *Maye Yesu.*

<sup>1</sup> Ɔwi gɔmɔ ame ne, Roma Igarakpakpa Kaisaro Augusto ɔtã ɔle sɔ matsere maturi ma ɔɖuɖu mpia i Roma Sigarakadekɔ ame ayere.

<sup>2</sup> Maturi ayere itsere deakatɔ negbe ame ne, abã ɔkpakpa gɔ marɔ sɔ Kirenio nto ɔɖe Siria karɔ iso.

<sup>3</sup> Ne ɔso ɔbiara ɔkele ɔ aɖe sɔ ɔatsere iyere.

<sup>4</sup> Yosef ana ɔbɔre i Nasaret ɔmagɛ ame i Galilea karɔ iso ɔkele Betlehem ɔmagɛ ame i Yudea karɔ iso ngbegɔ maye igara David. Yosef ɔkele mmɔ alaso David ɔkpare ame ɔbɔre.

<sup>5</sup> Ɔko Maria gɔ makare mata wũ fie ka ɔto kayiri ana ɔsegu.

<sup>6</sup> Ɔwi gɔ mapia i Betlehem mmɔ ne, Maria ɔwi ɔɔɔ sɔ ka ɔaye obi.

<sup>7</sup> Ɔɔɔ ɔ obi deakatɔ gɔ nde ɔbirereĩ. Ɔmini wũ i ɔkati ame ɔsu wũ ɔrara i ira ne ame mase mafere mabɔi aɖera, alaso maina kabokɔ i mafɔ kawekɔ.

### *Yaa Makpabo Ɔsu Itɔme Bielea Mabo Maserekɔdze.*

<sup>8</sup> Ɔwi gɔmɔ ame i karɔ gamɔ iso ne, maserekɔdze mawɛ pia mmɔ mato manyɔ masere iso ku kasɛ.

<sup>9</sup> Yaa kpabo ɔwɛ ɔɖi so ɔte ma fie Bosate ifie ɔfere ma ibɔre i kato. Itã sɔ ifɔ ɔmɔɛ ma gbaã,

<sup>10</sup> Yee Yaa kpabo ɔɔere ma sɔ, “Midaanigã. Itɔme see ne loatã maturi ɔɖuɖu isoɔɔ losu lobo mi.

<sup>11</sup> Nome ikpene negbe iso ne, maye Ɖidze gɔ nde Bosate Kristo matã mi i igara David ɔmagɛ ame.



12 Nne miasu minya wũ miđi ite nde so ne, mito mianya obi ɣete go mamini i okati ame fie ore i maboi ara kađekõ.”

13 Oluwẽ ne, Ƴaa makpabo ikuri siare obore i kato maba mabuai kpabo gomo iso matse Ƴaa ile so,

14 “Ikpawai nde Ƴaa okpe i kato dzoroo, isobue itã karõ iso maturi oduđu ma i Ƴaa se ođe!”

15 Go Ƴaa makpabo orui makele kato ne, maserekodze oɣere so so, “Mitã bokelē Bethlehem boanyo nne loba fie Bosate to ođi ote bo ngbe.”

16 Ne oso mapē siwa mase maanya Maria gu Yosef gu obi ɣete go nre i maboi adera kađekõ.

17 Go manya wũ ngbo ne, maɣe ara wa i Ƴaa kpabo gomo oɣere ma i obi iso.

18 Mma oduđu lonõ ara wa i maserekodze oɣe ne, ibara ma xii.

19 Ƴee Maria omõ ara wagbe oduđu opia i õ adzuni ame ola õobu wã iti ame.

20 Maserekodze okpese makele mato male Ƴaa makole õ iyere kato i ira ne manya gu nwa manõ oso alaso iba ngbo tutuutu le kumego i Ƴaa kpabo oɣere ma.

### *Masia Obi Ƴete Iyere.*

21 Iyi farafanava go mađi obi i iyo fie matu wũ sirerẽ ne, masia wũ iyere so Yesu le kumego i Ƴaa kpabo gomo oɣe fie mala õ kayiri.

### *Masu Yesu Makelegu Ma Yudase Isoreyo.*

22 Go owi oɣo so Yosef gu Maria aabara so sekelee i kubarara kanya le kumego i Mose mmara ote ne, mako obi ɣete ana makelegu

Yerusalem sɔ maasu wũ mapia i Bosate nrɔɔ ame.

<sup>23</sup> Le kumegɔ matsere mapia i Yaa mmara ɔko ame sɔ, “Ɔbirereĩ deakatɔ biara gu boi rerẽ deakatɔ biara ne, ikote sɔ maate wũ mase i kurue matã Bosate.”

<sup>24</sup> Mase maafẽ ara matã Yaa alaso mmara ɔkare sɔ maasu aborɔnuma xee kukpaboi kunyɔ mafẽ ara mata wũ.

<sup>25</sup> Ɔwi gomɔ ame ne, ɔrerẽ gɔ marɔ Simeon ɔwe i Yerusalem. Ɔde ɔturi sɛɛ gɔ nse ɔnigã Yaa fie ɔto ɔnyɔ ɔri ɔtã Israel idj. Siwarã Bielea segu wũ fie

<sup>26</sup> sisia ita sitã wũ sɔ ɔibakpi gbogboɔgbɔ ɔnya maye Yaa Kristo gɔ maye mase kokooko.

<sup>27</sup> Ne ɔso Siwarã Bielea ɔko Simeon sikelɛgu ma Yudase isɔreyo. Gɔ mayese ɔsu Yesu biɛɛ mabɔ sɔ maba maabara kubarara gɔ i Mose mmara ɔkare sɔ mabara ne,

<sup>28</sup> Simeon ofo ɔbi ɔla i nrɔɔ ame ɔle Yaa sɔ,  
<sup>29</sup> “Kinio ne Bosate, gɔ ɔɔbara nne aɣe ase atã me ne, ka aawo fɔ ɔɔabo ɔri ɔɔɔi i isobue ame.

<sup>30</sup> Mme mɔmɔ ku wũ anɔ ne, loɔnya Ɖidze

<sup>31</sup> gɔ asese sɔ ɔba ɔɔɔɔɔi maturi ɔɔɔɔɔi katɔ.

<sup>32</sup> Ɔ nde ikpawaĩ ne loadj fɔ kudɔɛ ite maturi ma loide ma Yudase ne.

Fie ɔɔɔɔɔi fɔ ibu ɔte fɔ kaɔɔɔɔɔi Israel maturi.”

<sup>33</sup> Ara wa i Simeon ɔɣe i ɔbi iso ɔɔara Yosef gu Maria xii.

<sup>34</sup> Ne Simeon ɔtã ma kusekuse ɔɣere ɔbi ɔnyi sɔ, “Yaa ɔɣe ɔse i ɔbi gɔgbe iso sɔ, iaki i ɔ iso ne, maturi gbodzoo aarɔ, fie iaki i ɔ iso ana ne, gbodzoo ana to maata maya i Israel. Maledza wũ

idi so ñađe ikparĩ ne iso i maturi aade ika mata maya.

<sup>35</sup> Oto ñađi maturi adzuni werea obo i ogbami. Nnegbe oso ne, ibo gu ibebero to iabo-o i otu ame le ipemi matsue-o awe.”

<sup>36</sup> Orõgo owe go nde Yaa kyaadidze maro wũ so Hana owe i mmo. O ose Fanuel obore i Aser kale ame. Ako akodze pe ose i kurã iyo fie o orã okpi.

<sup>37</sup> Jose sikuedze ofo ako fasinafasina-ina. Kasẽ i kakome ne, ose owe i ma Yudase isoreyo ole Yaa onyi kanya okparama kayi ana.

<sup>38</sup> Owi gommo ame ne, o wũ obo isoreyo obo ñape Yaa siba. Ode ika i obi gogbe iso otere maturi ma odudu nto manyo ori so Yaa aadi Yerusalem.

### *Makpese Makel Nasaret.*

<sup>39</sup> Go Yosef gu Maria ororo kubarara le kumego i Yaa mmara ote ne, makpese makel ma ađe Nasaret i Galilea karõ iso.

<sup>40</sup> Obi omoo ore iti fie owe isosare gu iwola ana gbaã go itã so obo Yaa ano.

### *Yesu Okel Ma Yudase Kasorekõ*

<sup>41</sup> Iko biara ne, Yesu mayese se mase Yerusalem maade iyi ne mase maro so Kukpi Otakuwara Bo Iyi.

<sup>42</sup> Ne oso go Yesu ofo ako aweo-anyo ne, mase Yerusalem le kumego mase mabara kokooko awe.

<sup>43</sup> Go maade iyi maro fie makpese mato makel ma ađe ne, Yesu okpese owe i Yerusalem go o mayese iitsue.

<sup>44</sup> Mabu sɔ ɔpia i maturi ma nse i ɔri ndě, ne ɔso mase ɔri ikpenɛ iwě buu fie matse wũ ibie i ma maledze gu malaa ndě.

<sup>45</sup> Gɔ mainya wũ ɔso ne, makpese makele Yerusalem mase mapia manyɔnyɔ wũ.

<sup>46</sup> Ikpenɛ teare iso ne, mase maanya wũ i ma Yudase isɔreyo gɔ ɔ gu ma Yudase maratedze mawě si. Ɔto ɔkã ma atsue ɔkare ma atɔme ɔno.

<sup>47</sup> Mma ɔduɔdu lonɔ ɔ ara karɔ ididi ne, ibara ma xii i ɔ iwola wodoroa ne ɔto ɔtã ala atɔme mmuai ɔso.

<sup>48</sup> Ibara ɔ maɣese le kure gɔ manya wũ ngbo. Ne ɔ onyi ɔkare wũ sɔ, “Ɖbi, be ɔso fie abara bo ngbo? Bo gu fɔ ɔse ɔɔmararã so bowe bobie-ɔ.”

<sup>49</sup> Ne Yesu to ɔtã mmuai sɔ, “Be ɔso fie mipia mibie me? Miiɣe sɔ ikote sɔ loawe i wũ ɔse iyo?”

<sup>50</sup> Ʋɛɛ mainɔ nne ɔɣere ma karɔ.

<sup>51</sup> Ne Yesu ka ɔta ɔsiai ma marui makele Nasaret, ɔbo so karɔ ɔtã ma. Ʋɛɛ ɔ onyi ne, ɔkola ara wagbe i ɔ iti ame.

<sup>52</sup> Yesu ore iti i sosina gu iwola ame, ɔbo maturi gu Ʋaa ɔduɔdu ano.

### 3

#### *Ndupiedze Yohanes Ɖya Itɔme Bielea Isã.*

<sup>1</sup> Igarakpakpa Kaisaro Tiberio iko weoruva i iyara iso ne, Pontio Pilato loɔe abã ɔkpakpa i Yudea karɔ iso. Galilea karɔ iso ana ne, Herodes loɔe ɔkpakpa fie ɔ kpeama gɔ marɔ Filipino ɔɔe Iturea gu Trakoniti abuiti iso ɔkpakpa. Lisania ana ɔɔe Abilene ibuiti iso.

<sup>2</sup> Hana gu Kayafa loɔe Ʋaa masɔredze makpakpa pelepele. Iko nemo ame ne, Yohanes gɔ

ndɛ Zakaria obi ofo silo oboregu i Yaa kore i fafuĩ ame.

<sup>3</sup> Ne oso Yohanes owe oki i Yordan sikipokpo gu abuiti ame odudu oto oye Yaa itome so, “Mifiniki mibore i mi akpi ame si mifo Yaa itupie kubarara si Yaa aasu mi akpi otse mi.”

<sup>4</sup> Le matsere mapia i Yaa Kanyaɗidze Yesaya oko ame so,

“Ɔwẽ to ɔla kulu i fafuĩ ame so,

‘Miledza Bosate ori mise.

Mibara ð siri tororo.

<sup>5</sup> Miyira kugbolomi odudu

si mibie abe gu kubemi odudu mibo karõ.

Mibara siri gogolɔa odudu tororo.

Si mitã so siri woworea odudu iso aase solɔsolɔ.

<sup>6</sup> Mmo i maturi odudu aanya Ɖidze go i Yaa osese ne!’ ”

<sup>7</sup> Maturi gbodzoo oba so Yohanes si opie ma ndu ye Yohanes oye ma so, “Mi ma lo nyanyarĩ le maye! Nna loyere mi so miawo otere obore i Yaa kutsue ikpadzẽ ne ðabo i maturi lalaa iso ame?”

<sup>8</sup> Mite i mi nsegbai ame so miofiniki mibore i mi akpi ame. Midaabu so go Abraham mawa mide oso ne, Yaa iibakpadzẽ mi kutsue. Nto loyere mi so Yaa to ðawo mawa obara oɗi i ata wa nfere i ngbe ame otã Abraham.

<sup>9</sup> Minyo! Maɔkarã kaye i adziri iso koko so maatu wã ta siɗu ame. Kudziri biara go loise kuɗõ abi see ne, maɗae kõ mapeyu matsuedza.”

<sup>10</sup> Mmo mato makare wũ so, “Be si bobara kinio?”

11 Ne Yohanes to ɔɣere ma sɔ, “Ngo mba awu aka anyɔ ne, ɔsu awẽ ɔtã ngo nna kuawẽ. Ngo mba aradea si ɔɣe wã ɔtã mma nna.”

12 Ma lampofɔdze mawẽ ana ɔba sɔ ɔpie ma ndu. Makare wũ sɔ, “Ratedze, be si bobara?”

13 Ne ɔto ɔɣere ma sɔ, “Midaafɔ sikã i maturi kɔre miɔo kumego i mmara ɔkare.”

14 Makpakpɛdze mawẽ ana ɔba maakare wũ sɔ, “Bo ne, be si bobara?”

Ma wũ ɔɣere ma sɔ, “Mitã mi kuso si kusi mi. Midaasu ɔle mifo kuwẽ sikã i ɔri go loikote iso. Midaaɔae kuwẽ ana kanya.”

15 Maturi ɔriinyɔ ɔtse kato ikole. Matse ibu sɔ bere Yohanes nde Kristo go mato manyo ɔri.

16 Ne ɔso Yohanes ɔɣere ma ɔɔɔɔ sɔ, “Ndu losu loto lɔpie mi, Ɂee ngo nsiai me i kama ne, ɔmo ɔɔo me fafaafã. Loikote sɔ loabɔdzo lokurisi ɔ ndokota kɔra. Ngogbe nto ɔasu Siwarã Bielea gu ɔto ɔpie mi ndu.

17 ɔto ɔ ifera ne ɔasu ɔfe simɔɔo ɔɔi i aradea ame fie ɔasu kamɔ ɔfere i kawu ame. ɔto ɔatsuedza simɔɔo gu ɔto go loibanyi ɔnya!”

18 I siri agbãagbã iso ne, Yohanes ɔɔiɔi Ɂaa itɔme karɔ ɔte maturi ku ɔle sɔ mafinikira ma nsegbai.

19 Ɂee Yohanes ɔkidza abã ɔkpakpa Herodes ala Herodia go nde ɔ onyiibi ɔre fie ɔfo ɔyiri iti. ɔkidza wũ ala ara nyanyarã mama wa ana ɔto ɔbara ɔso.

20 Nne i Herodes ɔbara i ne kama go inyanyarĩ iɔo nde sɔ ɔtã mamɔẽ Yohanes mapia i iyo.

*Yohanes ɔpie Yesu Ndu.*



ɔse nɔɔ Matata ɔse nɔɔ Natan  
 ɔse nɔɔ David  
 32 ɔse nɔɔ Isai  
 ɔse nɔɔ Obed ɔse nɔɔ Boaz  
 ɔse nɔɔ Salmon ɔse nɔɔ Naheson  
 33 ɔse nɔɔ Aminadab ɔse nɔɔ Admin  
 ɔse nɔɔ Arni ɔse nɔɔ Ezron  
 ɔse nɔɔ Perez ɔse nɔɔ Yuda  
 34 ɔse nɔɔ Yakob ɔse nɔɔ Isak  
 ɔse nɔɔ Abraham ɔse nɔɔ Tara  
 ɔse nɔɔ Nahor  
 35 ɔse nɔɔ Seruk  
 ɔse nɔɔ Regu ɔse nɔɔ Peleg  
 ɔse nɔɔ Eber ɔse nɔɔ Sala  
 36 ɔse nɔɔ Kainan ɔse nɔɔ Arfaksad  
 ɔse nɔɔ Sem ɔse nɔɔ Noa  
 ɔse nɔɔ Lamek  
 37 ɔse nɔɔ Metusala  
 ɔse nɔɔ Henok ɔse nɔɔ Yared  
 ɔse nɔɔ Mahalaleel ɔse nɔɔ Kainan  
 38 ɔse nɔɔ Enok ɔse nɔɔ Set  
 ɔse nɔɔ Adam ɔse nɔɔ ʒaa.

## 4

### *ʒbosam ɔla Yesu ɔnyɔ.*

1 Ɔo Yesu ɔɔɔɔɔ i Yordan ɔwore ame ne, Siwarā Bielea ɔyi i ɔ ame, ne si kɔ wū sikelegu fafui ame ne.

2 Mmɔ i ʒbosam ɔla wū ɔnyɔ akpenɔ sina buu ne. Ɔwi ɔɔɔɔɔ ame ɔɔɔɔɔ ne, Yesu iide kuira ne ɔso kukā ɔkpɛ wū i kawirikɔ.

3 ʒbosam ɔɔɔɔɔ wū sɔ, “Si fɔ nɔɔ ʒaa ʒbi ne, ɔɔɔɔɔ ita nɔɔɔɔɔ sɔ ikpese aɔɔɔɔ.”



<sup>4</sup> Үεε Yesu ɔɣere wũ sɔ, “Matsere mapia i Ɔko Sekelea ame sɔ, ‘Iide adera ɔnɔwẽ iso i ɔturi aase ngbã.’ ”

<sup>5</sup> Ne kama ne, Ɔbosam ɔledza wũ iko ikelegu kakɔi kɔlea kawẽ. Ɖte wũ kayiiso Sigarakudekɔ ɔduɖu i ɔwi kurukutu ame.

<sup>6</sup> Ne ɔɣere wũ sɔ, “Loasu kayiiso ɔle gogbe ɔduɖu gu kã karana lotã-ɔ alaso mme masu matã fie loawo ɔsu ɔtã ngo loɖɔɔ.

<sup>7</sup> Nwagbe ɔduɖu to aakpese fɔ are si abɔ iti karɔ atã me.”

<sup>8</sup> Mmɔ i Yesu to ɔɣere wũ sɔ, “Matsere i Ɔko Sekelea ame sɔ ne, ‘Bosate Үaa ɔnɔwẽ nde ngo lokote sɔ maape agegẽ matã, masɔɔ.’ ”

<sup>9</sup> Ne kama ne, Ɔbosam ɔledza Yesu iko ikelegu Yerusalem ma Yudase isɔreyo itititẽ pelepele. Ne ɔɣere wũ sɔ, “Si Үaa ɔbi adɛ ne, nyua so sɛ aawuĩ i karɔ.

<sup>10</sup> Alaso matsere i Ɔko Sekelea ame sɔ,  
‘Үaa to ɔatã sɔ ɔ makpabo  
aaya madzue-ɔ kukaako.’

<sup>11</sup> ‘Mamɔ-ɔ i nrɔɔ ame sɔ aibasɔ fɔ kukpa  
awuĩ i ita kuiwẽ iso.’ ”

<sup>12</sup> Үεε Yesu ɔɣere wũ sɔ, “Ɔko Sekelea ɔɣe sɔ,  
‘Daala Bosate Үaa anyɔ.’ ”

<sup>13</sup> Go Ɔbosam ɔro Yesu ɔla ɔnyɔ ne, ɔrui ɔnyua  
wũ ɔwi kekeĩ.

*Yesu Ɖtse Ɖ Karabara I Galilea Karɔ Iso.*

<sup>14</sup> Yesu ɔyi ku Siwarã Bielea ɔle fie ɔkpese ɔba  
Galilea. Ɖ iyere ɔre i abuiti wamɔ ɔduɖu ame.

<sup>15</sup> Ɖte ara i ma Yudase kasarekɔ fie ɔbiara ɔle  
ɔ ara ite.

*Masẽ Yesu I Nasaret.*

16 Nnegbe kama ne, Yesu okelɛ Nasaret ngbego makararã wũ ita i ñ sibiɛɛ ame. Ma Yudase Iwarãyi iso ne, okelɛ ma Kasarekõ le kumɛgo osɛ oɔɔɛ obara. Ne ota oya so ñaka Ōko Sekelea ne.

17 Masu Yaa Kanyaɔɔɔɔze Yesaya oko matã wũ. Go obusi oko ne, otse ika i ngbego matsere so,

18 “Siwarã Bielea si me iso  
 alaso Yaa osola me nnoĩ  
 so loasu ñ Itõme Bielea lokelɛgu mawereba.  
 Ōpia me so lose loɔɔɔɛre mayoredze so maana  
 iwarã.

Mma ano lobie ma wũ mato maanya ara.

Mma mpia i inyewe ame ne, ma wũ maana  
 isobue.

19 Si lotã matsue so Yaa owi go ñaɔɔɔɔ ñ mare  
 oɔɔɔo.”

20 Ne Yesu okarĩ oko osu otã ngo nto onyo kasarekõ iso fie orui osɛ i karõ ne. Maturi oduɔɔu ma i kasarekõ mmɔ oɔɔɔi ano mafere wũ iso tuee.

21 Ne Yesu to oɔɔɔɛre ma so, “Ōko Sekelea ame ara wa minɔ loka ngbe ne, nome kaɔɔɔɔ gagbe iba i ne ame.”

22 Ō atõme wa oɔɔɔɛ gu kumɛgo i ñ onyagemi to ota obara mma nto makã wũ atsue xii. Makare so, “Iɔɔɔɔ Yosef obi oɔɔɔ ngbe?”

23 Mmɔ i Yesu to oɔɔɔɛre ma so, “Loɔɔɛ so mito miapɛ me igbã negbe sa so, ‘Wase, sa so fo mɔmɔ.’ Fie loɔɔɛ so mito miayere me ana so, ‘Ara wa bonɔ so ato abara i Kapernaum ne, bara wã i fo aɔɔɔ ngbe ana.’ ”

24 Ne Yesu to oɔɔɔɛre ma so, “Lobie so loɔɔɛre mi gbaã so ne, Yaa kanyaɔɔɔɔze kuwẽ na kuware i ñ mɔmɔ aɔɔɔ.

<sup>25</sup> Gbaã idę sɔ makuędze gbodzoo ɔwe i Israel karɔ̃ iso ku ɔwi gɔ i Ƴaa kanyaɔɔɔdze Eliya ɔwe fie kado iipe akɔ atę gu awa akuɔ. Kukā ɔbo i karɔ̃ ɔɔɔɔdu iso.

<sup>26</sup> ƳEE ne, Ƴaa iipia Eliya sɔ ɔse ɔ̃abuai Israel kuędze kuwẽ idɔ kuędze gɔ i Zerepta ɔmagẽ ame i Sidon karɔ̃ iso.

<sup>27</sup> Ana ne, ɔnye rętea manyese gbodzoo ɔwe i Israel ku ɔwi gɔ i Ƴaa kanyaɔɔɔdze Elisa ɔwe. ƳEE ma kuwẽ iina isosare idɔ Naeman gɔ lobɔre i Siria karɔ̃ iso ɔnɔwẽ.”

<sup>28</sup> Gɔ mma mpia i kasarekɔ̃ mmo ɔno ara wagbe ne, sikipã ɔmoẽ ma gbaã.

<sup>29</sup> Mata mali Yesu maɔi i ɔmagẽ ame makęlegu kuwarue i kabemi ga iso matsue ɔmagẽ masia kutsueti ku adzuni sɔ maali wũ makpasera si ɔkpi.

<sup>30</sup> ƳEE Yesu ɔki i ma ndẽ ɔfe ɔrui ɔęe ma.

### *Yesu Ɔsa Siwarã Lalaa Ɔɔi I Ɔturi Ɔwẽ Ame.*

<sup>31</sup> Nnemɔ kama ne, Yesu ɔrui ɔkele Kapernaum ɔmagẽ ame i Galilea karɔ̃ iso. Mmo ɔte maturi ara ku Iwarãyi iso ne.

<sup>32</sup> Ɔ ara ite ɔbara ma ɔɔɔɔdu ęii ala ɔte wã ku ɔle.

<sup>33</sup> I ma Yudase kasarekɔ̃ mmo ne, ɔrerẽ ɔwẽ ɔwe gɔ siwarã lalaa si wũ iso. Ɔsiagu kulu titiiti sɔ,

<sup>34</sup> “Ao! Be aba abara i bo kɔre ngbe Yesu Nasaretse? Ɔba ɔɔba sɔ aba aawɔra bo? Nęe ɔturi gɔ aɔe! Fɔ ndę Ƴaa Ɔturi Sekelea ne!”

<sup>35</sup> Mmo i Yesu ɔsa siwarã dzemɔ sɔ, “Lo kutsue! Bɔre i ɔ̃ ame fe!” Siwarã ɔnyedẽ ɔrerẽ gogbe,

sipuri wũ siwuĩ i karõ i ma katõ fie sibõre i õ ame. Үεε õire igbe kuiwẽ.

<sup>36</sup> Ibara maturi odudu xii ne mato makare so so, “Mme itõme igbã ide i ngbe? Ɔrerẽ gogbe ba ole oto otõme opia siwarã lalaa i maturi ame fie sito sibõre ana.”

<sup>37</sup> Ne oso Yesu iso itõme okã mmõ abuiti odudu ame.

### *Yesu Ɔsa Maturi Gbodzoo.*

<sup>38</sup> Gõ Yesu obõre i ma Yudase kasarekõ mmõ ne, okеле Simon iyo. Ɔ masõõgo re oto onye, obe oto ne oso matã Yesu itsue.

<sup>39</sup> Gõ ose õaya i õ kõre i ngbego ore ne, osa onye siwarã odu i õ ame. Ɔluwẽ osare ota owa adera otã ma.

<sup>40</sup> Ito ikеле ixẽkеле ne, maturi oko ma manyii ma nto manye sinye agbãagbã mabo Yesu. Ɔsu nrõõ ɔɔsia ma iso owẽ owẽ osa ma odudu.

<sup>41</sup> Siwarã lalaa agbãagbã ana obõre i maturi ame sito kulu so, “Fõ nde Үaa obi ne!” Үεε Yesu osẽ otã sẽ õitã siɔe ika, alaso siye so õ nde Kristo.

### *Yesu Ɔwe Ɔte Ara I Ma Yudase Kusarekõ.*

<sup>42</sup> Gõ kaɔe osẽ ne, Yesu obõre i omagẽ ame okеле kawerekõ, ne oso maturi otse wũ inyonyo. Gõ manya wũ ne, maibie so okpese orui i ma kõre.

<sup>43</sup> Үεε oɔere ma so, “Ikote so loaxe Үaa sigarakadekõ itõme negbe i simagẽ tsora ame alaso ngbo i Үaa opia me so lobara ne.”

<sup>44</sup> Ne oso oɔe Itõme Bielea i ma Yudase kusarekõ i karõ odudu iso.

## 5

*Yesu Ōkpere Ō Marasuãdze ðeakatõ.*

<sup>1</sup> Iyi iwẽ ne, Yesu xe i Genezaret oþo kanya oto oxe Yaa itõme. Maturi to malili so so maabore mabo wũ manõ itõme ne oto oxe.

<sup>2</sup> Ōnya so sikolo inyo xe i oþo kanya mmõ go akpe maðidze oþso mabore mato mafore ma asabu.

<sup>3</sup> Ne Yesu oya oþo i okolo owẽ go nde Simon ore ame oxere wũ so oli õasia i ndu iso kekeĩ. Ne ka ose i okolo ame ote ara ne.

<sup>4</sup> Go ote ma ara oro ne, Yesu oxere Simon so, "Miwa okolo mikelõgu ngbego ndu owodoro kekeĩ si minabarã mi asabu midj akpe."

<sup>5</sup> Ne Simon otã wũ mmuai so, "Bokõse, kasẽ oduðu bobara karabara ku ano retea boidj kura. Yee ne, le kumego aye oso ne, loatã boapia asabu."

<sup>6</sup> Go mapia asabu ne, mamõẽ akpe asi go ma asabu otse ikeke.

<sup>7</sup> Ne oso ne, makpere ma malaa i okolo nyõare ame so maba maabuai ma. Maðj akpe mafere i sikolo sã inyo ame ayi gbegbeegbe go ikuti kekeĩ fie sikolo aatse ndu iwã.

<sup>8</sup> Go Simon Petro oña nne loba ne, ope agegẽ i Yesu katõ oxere wũ so, "Bosate, re me kama alaso kpibaradze loðe."

<sup>9</sup> Akpe gbodzoo wa maðj ngbe otã so ibara ma xii.

<sup>10</sup> Ngõ ame ibara Simon malaa Yakobo gu Yohanes ma nde Zebedeo mabi ana xii ne.

Mmõ i Yesu oxere Simon so, "Daanigã. Ita i kinio ne, maturi ka aadj atã Yaa."

11 Ne kama ne, gɔ makpadzẽ sikolo mabɔ i ɔkpokpo ne, manyua ira biara mase marui masiai Yesu.

*Yesu Ɔsa Ɖrerẽ Ɖwẽ Gɔ Nto Ɖnye Ɖnye Retɛa.*

12 Ɖwi ɔwẽ ne, Yesu ɔse ɔmagẽ gɔ ame i ɔrerẽ ɔwẽ gɔ nto ɔnye ɔnyeretɛa pia. Gɔ ɔnya Yesu ne, ɔpe agɛgẽ i ɔ̃ katɔ̃ ɔtã wũ iti sɔ, “Bosate, si aɔɔe ne, aawo me ɔsa lose sekelee.”

13 Yesu ɔɔi kɔrɔ̃ ɔpegu wũ, ne ɔyere ɔrerẽ sɔ, “Loɔɔe, se sekelee.” Ɖluwẽ ne, ɔna isosare.

14 Yesu ɔsẽ ɔtã wũ sɔ, “Daayere kuwẽ nne loba. Yee keɛe aasu so te Yaa soredze si atã ara wa i Mose mmara ɔkare si ite ɔbiara sɔ ɔosare.”

15 Yee Yesu iso itɔ̃me ɔki ikã i kakoi biara ibua. Maturi gbodzoo ɔba maakã ɔ̃ ara ite atsue fie ɔsa ma.

16 Yee ɔse ɔrui ɔkeɛe kawerekɔ̃ ngbego i kuwẽ na ɔse ɔakparama kayi.

*Yesu Ɔsa Ɖrerẽ Gɔ Lokpi Kasɛkase.*

17 Iyi iwẽ gɔ Yesu to ɔte ara ne, ma Yudase ikuri ne marɔ sɔ ma Farisise gu Mose mmara matedze mawẽ ɔbɔre i Galilea simagẽ ɔɔɔɔ gu Yudea karɔ̃ iso gu Yerusalem maba masi i mmɔ. Yaa ɔle gɔ i Yesu to ɔsa ala sinye ana pia i ɔ̃ ame.

18 Marerẽ mawẽ ɔsore ɔrerẽ gɔ lofɛfẽ ɔre i ɔkala iso mabɔ wũ. Mabie ɔri gɔ iso maaki fie maabogu wũ i iyo ame i Yesu katɔ̃.

19 Yee kumego i maturi ɔsi ɔso ne, maiye ɔri gɔ iso maaki. Ne ɔso masore wũ maya isã. Gɔ makpa isã ne, masora wũ ku ɔkala gɔ iso ɔre mase i Yesu katɔ̃ i iyo ne ame mapia.

20 Gɔ Yesu ɔnya ma kafɔkaɖe ne, ɔɣere ɔrɛrɛ ɔmɔ sɔ, “Wũ ɔnyii, losu fɔ akpi lotsɛ-ɔ!”

21 Ne ma Farisise gu mmara matedze ɔbu i ma situ ame sɔ, “Be ɔso i ɔrɛrɛ ɔgɔbe to ɔɣe amusuora ngbɔ? Ƴaa ɔnɔwɛ pɛ loawo ɔturi akpi ɔsu ɔtɛ wũ!”

22 Gɔ Yesu ɔtsue ma adzuni ne, ɔkare ma sɔ, “Be ɔso fie mito misusu ara wagbe igbã i mi situ ame?”

23 Be iɣe nse pɔkɔsɔɔ idɔ, ‘Losu fɔ akpi lotsɛ-ɔ’ ɛɛberɛ “Ta ya si ase?”

24 Loadi lote mi sɔ mme, ɔturi Awune ɔbi, ba ɔle i kayi gagbe iso sɔ loasu akpi lotsɛ.” Ne ɔso ɔfiniki ɔɣere ngɔ lokpi kasekase sɔ, “Nto loɣere-ɔ sɔ ta ya si asu fɔ ɔkala si akele iyo!”

25 ɔluwɛ i ma ɔɖuɖu anɔmi ame ne, ɔta ɔya ɔsu ɔ ɔkala gɔ iso ɔre ɔrui ɔɣo iyo ɔri ɔto ɔle Ƴaa.

26 Ibara maturi ɔɖuɖu xii. Kumego ifɔ ɔmɔɛ ma ɔso ne, matɛ Ƴaa ile ikare so sɔ, “Mme awawãra boto bonya i ngbe nɔme?”

### *Yesu ɔkpere Levi.*

27 Nnɛmɔ kama gɔ Yesu ɔbɔre i mmɔ ne, ɔnya lampofɔdze ɔwɛ gɔ marɔ Levi gɔ ɔsi i ɔ karabara ame. Ne Yesu ɔɣere wũ sɔ, “Ta siai me.”

28 Levi ɔta ɔsiai wũ ɔnyua ira biara ɔɛ.

29 Levi ɔtã mawa aɖera ɔtu ɔpɔɔ siare i ɔ iyo ɔtã Yesu. Maturi gbodzoo gu ma lampofɔdze ana pia i mma ɔkpere ɔbo mmɔ ame.

30 Ma Farisise gu mmara matedze ma mpia i mmɔ ɔtɛ kawararã ku Yesu masiaidze sɔ, “Be ɔso mito miɖe mine ku lampo mafɔdze gu makpibaradze?”

31 Ne Yesu to ɔtã ma mmuai sɔ, “Mma nsare iise mabie kuwabaradze, manyese nse mabie.

32 Iide maturi ma nse bɔbɔlɔ loba lokpere sɔ mafiniki ɣɛɛ makpibaradze.”

*Yesu ɔɔɔ Ika I ɣaa ɔri ɣɛɛ Iso.*

33 Maturi mawẽ ɔkare Yesu sɔ, “Be ɔso fie Yohanes masiaidze se manyi kanya makparama kayi, ma Farisise masiaidze ma wũ ngbɔ ame ne, ɣɛɛ fɔ mare ma ne, ɔɔɔ gu ɔne ko mato?”

34 Ne Yesu ɔtã ma mmuai sɔ, “Mifo miɔɔ sɔ ɔrɔ̃go kɔɔɔ malaa aase kukã go ɔrɔ̃go kɔɔɔ pia i ma kɔre? Ooɔo! Iibakote ngbɔ!”

35 ɣɛɛ ne, iyi iwẽ to iba go maakɔ ɔrɔ̃go kɔɔɔ maruigu i ma kɔre. Mmɔ ne, iisidɔ kuwẽ loayere ma sɔ manyi kanya.”

36 Nnegbe kama ne, Yesu ɔledza ma igbã ipɛ sɔ, “Kuwẽ iise ɔke ɔkati ɣɛɛ kasei ɔta ɔkuere iyoi. Si ɔbara ngbɔ ne, iibakote, ɔ̃ke ɔkati ɣɛɛ siefe.

37 Ngbɔ ame maise masu ndã ɣɛɛ mafere i bɔi ɔko akpo kuere ame ne. Si iba ngbɔ ne, ndã ɣɛɛ to miafu mitã sɔ akpo kuere aabie itã ndã ɔwiri.

38 ɣɛɛ ndã ɣɛɛ ne, sikomi akpo ɣɛɛ ame mase mafere me.

39 Ngbɔ ame ana si ɔturi ɔɔne ndã kuere ka ɔto ɔrẽ ne, ɔ̃sise ɔbie miɣɛɛ. ɔse ɔɣɛ sɔ, ‘Mikuere le miɔ miɣɛɛ!’ ”

## 6

*Yesu Gu Ma Farisise ɔkpadzẽ So I Iwarãyi Iso.*

1 Iwarãyi iwẽ go Yesu se ɔto ɔfe i kakpekɔ kawẽ ame gu ɔ̃ marasuãdze ne, marasuãdze ɔtse atita ibebese iɣɛɛ iwe.



<sup>2</sup> Mmo i ma Farisise mawẽ to makare ma so, “Be oso mito mibara nne i mmara iitã ori so maabara ku Iwarãyi?”

<sup>3</sup> Ne Yesu otã ma mmuai so, “Miika i Oko Sekelea ame nne i David obara owi go i kukã okpẽ wũ gu ñ maturi?”

<sup>4</sup> Obo i Yaa iyo ame ose ñasu ađera wa masu masore Yaa ode okuti otã ñ masiaidze ode go mmara iitã ori ido Yaa masoredze onowẽ.”

<sup>5</sup> Kawirikõ ne, Yesu oxere ma so, “Oturi Awune Obi nde Iwarãyi Sate.”

### *Yesu Osa Orerẽ Go Korõ Lokarĩ*

<sup>6</sup> Iwarãyi mama ne, Yesu ose ma Yudase kasarekõ ose ñate ara. Orerẽ owẽ go kudearõ lokarĩ owe i mmo.

<sup>7</sup> Ne go mmara matedze gu ma Farisise mawẽ to mabie ori go iso maaki fie maadae Yesu kanya so oxere ma mmara oso ne, makarã ano so maanya si ñasa sinye i Iwarãyi iso.

<sup>8</sup> Yee go Yesu xe ma adzuni oso ne, oxere orerẽ go korõ lokarĩ so ota oya i ma katõ. Ne orerẽ gomõ ota obo ñaya i katõ ne.

<sup>9</sup> Ne Yesu to okare ma so, “Be i mmara ote? So oturi aabara isee ebere ilalaa ku Iwarãyi? Ile so aabuai oturi ebere aanina ñ ngbã?”

<sup>10</sup> Yesu ola ano i ma odudu iso oxere orerẽ gomõ so, “Nabarã fo korõ.” Onabarã kõ, oluwẽ ne, korõ ko lole wũ.

<sup>11</sup> Sikpã omõẽ ma odudu ne oso matse adzuni imõẽ i nne maabara Yesu iso.

### *Yesu Odi Katõmemasẽdze Iweo-inyo.*

<sup>12</sup> Ōwi gomo ame ne, Yesu okɛle kabemi kawẽ iso ɔse ņakparama kayi kasẽ ɔduɖu.

<sup>13</sup> Gɔ kaɖe ɔsẽ ne, ɔkpere ɔ marasuãdze ɔsirakanya i ɔ̃ kɔrɛ, ne ɔɖi ma iweo-inyɔ ɔtã ma iyere so ɔ̃ katõmemasɛdze ne.

<sup>14</sup> Ma nde Simon gɔ ɔtã iyere so Petro gu ɔ̃ ɔnyiibi Andrea gu Yakobo gu Yohanes gu Filipino gu Bartolomeo

<sup>15</sup> gu Mateo gu Toma gu Alfeo ɔbi Yakobo gu Simon gɔ mase marɔ so, “Ōturi gɔ lokpẽ i ɔ̃ kaɖe iti,”

<sup>16</sup> gu Yakobo ɔbi Yuda gu Yuda Iskariot gɔ lokpese ngo loadɖi wũ ɔtã.

### *Yesu Ōsa Maturi Gbodzoo.*

<sup>17</sup> Ōwi gɔ i Yesu gu ɔ̃ katõmemasɛdze ɔso i kabemi gamɔ iso maba ne, maba maya i katɛfekõ kawẽ. Ō masiaidze gbodzoo gu maturi ikuri titiiti ne lobɔrɛ i Yudea karõ ɔduɖu iso gu Yerusalem gu simagẽ dze mpia i ɔpo kurue Tiro gu Sidon ɔba maasakanya.

<sup>18</sup> Maba so maano ara wa i Yesu to ɔte fie ɔasa ma sinye agbãagbã dze mato manye. Mma ana i siwarã lalaa to siɖaa ɔba fie ɔsa ma.

<sup>19</sup> Ōbiara to ɔbie so ɔapegu wũ alaso ɔle to ɔbɔrɛ i ɔ̃ ame ɔsa ma ɔduɖu.

### *So To Siɔɔ Mawẽ Fie Inyewe Ana To Iatu Mawẽ.*

<sup>20</sup> Yesu ɔnyɔ ɔ̃ masiaidze i katõ ne ɔgere ma so, “So si siɔɔ mi mawereba

alaso mi ɔkpe nde Ƴaa sigarakadekõ!

<sup>21</sup> So si siɔɔ mi ma i kukã to kinio,  
alaso mito miami!

So si siɔɔ mi ma nto mibiɛ kinio,  
 alaso mito miama!

<sup>22</sup> So si siɔɔ mi si maturi ɔtsiri mi  
 fiɛ masẽ mi  
 fiɛ mato matia mi, maɣɛ mi iso ara lalaa ala  
 mme, ɔturi Awune ɔbi, iti!

<sup>23</sup> “Mina isoɔɔ si nwagbe ɔɔɔɔɔ ɔba ngbo, mito  
 i isoɔɔ ame alaso ɔaa to ɔatã mi kuso siare i  
 kato. Alaso ara wagbe igbã i ma mawa ɔbara  
 ɔaa Kanyamaɔidze ne.

<sup>24</sup> ɔɛɛ ndzo miɔe mitã mi maranase  
 alaso mioɔna mi ɔkpe i ngbã meɣbe ame!

<sup>25</sup> Ndzo miɔe mitã mi ma lomi kinio,  
 alaso Kukã to kuakpẽ mi

Ndzo miɔe mitã mi ma nto mima kinio,  
 alaso mito miamararã so mibiɛ nnɔme!

<sup>26</sup> “Ndzo miɔe mitã mi ma i maturi ɔɔɔɔɔ se  
 male kinio.  
 alaso ngbo ame i ma mawa ɔla maɔle mal-  
 adze ma nse maɣɛ so ɔaa kanyamaɔidze  
 maɔe ne.

### *Ɖɔɛ Fɔ Matsirise*

<sup>27</sup> “ɔɛɛ mi ma nto mino me ne, nto loɣere mi  
 so miɔɔe mi matsirise si mibara isɛɛ mitã ma.

<sup>28</sup> Mma nse magbarĩ mi ne, mitã ma kusekuse.  
 Mma ana nto mabara mi ɔtile ne, mikparama  
 kayi i ma iti.

<sup>29</sup> Si ɔrere ɔpe-ɔ ɔrɔta i kutsueti kuwẽ ne,  
 finikira kunyɔare tã wũ. Si ɔrere ɔmɔẽ fɔ kato  
 awu wa apia ɔbe-ɔ iso ne, ɔi nwa apia ase karɔ  
 ana tã wũ.

<sup>30</sup> Ɔturi biara go loakare mi ira ne, mitã wũ. Si ɔrere ɔmɔẽ nne nde fo ire ɔsu ne, daati wũ kama so aakpese afo.

<sup>31</sup> Kumego abie so mabara matã-ɔ ne, fo wũ bara ngbo tã maturi mama.

<sup>32</sup> “Si maturi ma nse maɔɔe-ɔ ɔnɔwẽ ase aɔɔe ne, be ɔso fie maale-ɔ? Akpi mabaradze ma wũ mase maɔɔe mma nse maɔɔe ma.

<sup>33</sup> Si maturi ma nse mabara-ɔ isee ɔnɔwẽ ase abara ise atã ne, be ɔso maale-ɔ? Akpi mabaradze ma wũ mase mabara ngbo.

<sup>34</sup> Si ngo loana nne ɔnye i fo kɔre ɔtã-ɔ kotoo aanye ira atã ne, be ɔso fie maale-ɔ? Akpi mabaradze ma wũ mase manye ara matã mma loawo ma ɔkpeseɔ ɔtã.

<sup>35</sup> Ƴee ne, miɔɔe mi matsirise si mibara isee mitã ma. Minye ara mitã ma Ƴee midaanyɔ ɔri so maakpeseɔ mabo mi kokooko. Si mibara ngbo ne, mi kuso to kuasi fie maakpere mi so Ƴaa Kato gu Karõ baradze mabi. Alaso Ƴaa ba kayiribielea ɔtã ta mma nse masu karõma mape ala maturi siba gu maturi lalaa.

<sup>36</sup> Minyɔ maturi nnya le kumego i mi ɔse Ƴaa se ɔnyɔ nnya.

*Yesu Ɖte Ara Ɖsegu I Atõme Iyegu Fo Ɖlaa Iso.*

<sup>37</sup> “MidaaƳegu maturi atõme si Ƴaa iibaƳegu mi atõme. Daatã maturi ipɔ si Ƴaa iibatã-ɔ ipɔ. Su tse maturi si Ƴaa aasu ɔtse-ɔ.

<sup>38</sup> Mitã maturi ara si Ƴaa ana atã mi ara. Gbaã ne, kaboũsuai see ga loyi ɔpɔɔɔpɔ, matitidza masera kabie kawiri maako ala matã mi.

Kaboũsuai ga igbã ako ala ara atã fɔ ɔlaa ne, kã ame igbã maasu mako matã-ɔ ne.”

<sup>39</sup> Mmɔ i Yesu to ɔpɛ ma igbã nɛgbɛ sɔ, “Si nɔbiɛdze to ɔkɔ nɔbiɛdze ne, iwo ame i ma inyɔɔ aakpase mabo.

<sup>40</sup> Rasuãdze kuwẽ iise ɔɔɔ ɔ ratedze. Ƴɛɛ si ɔro ara ɔsuã ne, ɔase le ɔ ratedze awe.

<sup>41</sup> “Nda ato abara fie ato anya iku nɛ mpia i fɔ ɔlaa inɔmi fie aito abara kuira i idzirikpo nɛ mpia fɔ mɔmɔ inɔmi iso?

<sup>42</sup> Nda aabara fie aaxere fɔ ɔlaa sɔ, ‘Wũ ɔnyii, tã loɔi-ɔ iku i inɔmi’ ku ɔwi gɔ nɛ lomɔ idɔ pia i fɔ inɔmi ame? Ladze! Ɖi idzirikpo nɛ mpia-ɔ inɔmi tɔtɔ fie aanya kukaako aɔi fɔ ɔnyii iku i inɔmi.”

### *Kudziri Biara Ku Kɔ Abi.*

<sup>43</sup> “Kudziri sɛɛ iise kuɔɔ abi nyanyarĩa fie kudziri lalaa ana iibawo abi sɛɛ ɔɔɔ.

<sup>44</sup> Kudziri biara ne, kɔ abi aasu anya kɔ aɔi ite. Kuwẽ iise ɔtɔtɔɛ figi abi i miyu kudziri iso fie maisɛ matɔtɔɛ adziribi ɔɛa i itongbã iso.

<sup>45</sup> Ɖturi sɛɛ ne, ara sɛɛ ɔsɛ ɔɔi ɔbɔɛgu i ɔ ara kakɔlakɔ ga ndɛ ɔ ɔtu ame. Ɖturi lalaa ɔ wũ ne, ara lalaa ɔsɛ ɔɔi ɔbɔɛgu i ɔ ɔtu ame. Alaso nɛ loyi ɔturi ɔtu ame ɔsɛ ɔɔi ɔbɔɛgu i ɔ kanya ame.

### *Nɔ Yesu Itɔme Si Abara I Ne Iso.*

<sup>46</sup> “Be ɔso fie mito mikpere me sɔ Bosate, Bosate, ɣɛɛ miito mibara ara wa loto loɣere mi iso?

<sup>47</sup> Ɖturi biara gɔ nɛ ɔba wũ kɔɛ fie ɔto ɔno ara wa nto lote fie ɔsɛ ɔbara iso ne, loate mi nɛ i ngɔmɔ ɔɛ.

48 Ɔse le ɔturi gɔ si ɔ̄atsue iyo ne, ɔpia ne i karɔ̄ ame ku ata siare kukaako fie ɔtsue kubereku ɔsia iso. Si ɔwore ɔyi fie ndu ɔbo kabereku gamɔ iso ne, iyo nemɔ iibabiɛ alasɔ mapia ne i karɔ̄ ame kukaako.

49 Ƴɛɛ ɔbiara gɔ nse ɔnɔ wũ itɔ̄me fie ɔ̄ise ɔbara i ne iso ne, ɔse le ngo lotsue ɔ̄ iyo ɔsia i karɔ̄ kunu iso ɔ̄ipia ne i karɔ̄ ame. Si ɔwore ɔyi fie ndu ɔbo iyo nemɔ iso ne, iabiɛ ifu i karɔ̄ pelepele!”

## 7

*Yesu Ɔsa Ɔ Romase Kpakpɛ̄dzekpakpa Ɔwɛ Ɔɔ̄abo.*

1 Gɔ Yesu ɔɔro ma nwapbe ɔɔɔɔ ɔɔɔɔ ne, ɔrui ɔkele Kapernaum.

2 Roma kpakpɛ̄dzekpakpa ɔwɛ i mmɔ ba ɔɔ̄abo gɔ ɔbuɔ ɔse ɔɔ̄ɔe gbaã. Ɔɔ̄abo gɔgbe ɔmɔ̄ɛ ɔnye gɔ ɔ̄ɔro ɔkpi.

3 Gɔ ɔkpakpa gɔgbe ɔnɔ Yesu iyere ne, ɔpia ma Yudase makpakpa mawɛ sɔ makpere Yesu matã wũ si ɔba ɔ̄asa ɔ̄ ɔɔ̄abo ɔtã wũ.

4 Maba maatã wũ iti teteree sɔ, “Ɔrɛrɛ̄ gɔgbe ɔkote ɔtã sɔ aabuɔi,

5 alasɔ ɔse ɔɔ̄ɔe bo aɔe kaɔe. Ɔ mɔmɔ lotsue bo kasarekɔ̄ ɔtã bo.”

6 Ne ɔso Yesu ɔta ɔsiai ma.

Gɔ iɔkuti kekei fie ɔ̄abo iyo mmɔ ne, ɔkpakpa gɔgbe ɔpia ɔ̄ malaa sɔ mase maɔɔere wũ sɔ, “Tete, loito lobie sɔ loada-ɔ. Loikote sɔ aaba wũ iyo.

7 Loikote ana sɔ loaba fɔ katɔ̄. Ne ɔso ɔɔ̄e itɔ̄me sese kere si wũ ɔɔ̄abo si ɔna isosare.

<sup>8</sup> Mme wũ ɔkpakpa loḍe i makpakpa mama kayirino. Loba makpakpēdze mama i wũ kayirino. Nse loḡere ngo sɔ, 'Kele ngbe' ɔkele, fie nse loḡere ɔmama ana sɔ, 'Ba ngbe' ɔba. Nse loḡere wũ ɔḍabo sɔ, 'Bara le ngbe' ɔbara."

<sup>9</sup> Gɔ Yesu ɔno atɔme wagbe ne, ibara wũ ɣaa. Mmo ɔto ɔfiniki ɔḡere mma nsiai wũ sɔ, "Nto loḡere mi sɔ loinya kafɔkaḍe siare gagbe igbã lonya i Israel karɔ ɔḍuḍu iso!"

<sup>10</sup> Maturi ma lokpese makele kpakpēdze ɔkpakpa gɔgbe iyo mmo ɔnya sɔ ɔ ɔḍabo ɔsare.

*Yesu ɔtara Kuedze ɔwē ɔbi Gɔ Lokpi.*

<sup>11</sup> Nnemɔ kama ne, Yesu ɔkele ɔmagē gɔ marɔ Nain ame gu ɔ marasuādze gu maturi gbodzoo ma nsiai wũ.

<sup>12</sup> Gɔ mabo kabenya ne, masaregu maturi ma nsore kpise maabiara. Ngo lokpi ne, kuedze ɔwē ɔbi ɔwē saã gɔ ɔḡe ɔḍe. Ne ɔso maturi gbodzoo ɔbɔre i kaḍe ame maki malo kuedze gɔgbe.

<sup>13</sup> Gɔ Bosate ɔnya ɔrɔgo ne, ɔ ara ɔḍo wũ kayiri. Ne ɔḡere wũ sɔ, "Lo kaku."

<sup>14</sup> Yesu ɔbo i maturi ndē ɔse ɔapegu nne iso masore kpise. Gɔ mma nsore ɔtui ne, ɔḡe sɔ, "Ɔporoporo! Mme sɔ ta!"

<sup>15</sup> Ɔluwē kpise ɔkpē ɔta ɔse ɔtse ika iḍe. Ne Yesu ɔtara wũ ɔtã ɔ ɔnyi ne.

<sup>16</sup> Ifɔ ɔmɔē maturi ɔḍuḍu gbaã ne matse Ƴaa ile iḡe sɔ, "Ƴaa kanyaḍidze siare ɔɔba i bo ndē. Ƴaa ɔɔba sɔ ɔaba ɔaḍi ɔ mare!"

<sup>17</sup> Yesu ira ne ɔbara ngbe ɔki ikã Yudea karɔ gu abuiti ɔḍuḍu iso.

*Ndupiedze Yohanes Ɔpia Ɔ Marasuãdze Yesu Kɔre.*

18 Gɔ Yohanes marasuãdze ɔɣere wũ ara wagbe ɔɔɔɔ ne, ɔkpere ma inyɔ.

19 Ɔpia ma Bosate kɔre sɔ mase maakare wũ sɔ, “Ɖɔ nde ngo maɣe sɔ ðaba eɛbere bonyɔ ɔmama ɔri?”

20 Gɔ maba Yesu kɔre ne, maɣere wũ sɔ, “Ndupiedze Yohanes lopia bo sɔ bo kare-ɔ sɔ, ‘Ɖɔ nde ngo maɣe sɔ ðaba eɛbere bonyɔ ɔmama ɔri?’”

21 Ɖwi gɔmɔ ame ne, Bosate ɔɔsa maturi gbodzoo sinye, ɔsa siwarã lalaa, ɔtã sɔ manɔbiedze gbodzoo ana to manya ara.

22 Ne ɔɣere mma mapia katõme sɔ, “Mikpese miɣere Yohanes ara wa minya gu nwa minɔ. Manɔbiedze to manya, mabafã to mase, mma nto manye ɔnye rɛtɛa iso to isekele, matsuetɛse to manɔ, makpise to mata fie mato maɣere mawereba ana Itõme Bielea.

23 So aaxɔ mma i wũ kurabarara iita kuya iso.”

24 Gɔ Yohanes marasuãdze ɔɔrui kama ne, Yesu ɔtɛ ika idɛ i ð iso iɣere mma losakanya mmɔ sɔ, “Ɖwi gɔ mibɔre mikɛɛ Yohanes kɔre i fafuĩ ame ne, be idɛ minyɔ ɔri sɔ mianya? Iyata ne i ɔwiri to ɔtidza?”

25 Be mibɔre mise mianyɔ? Ngo mpia ɔgo awu? Mma mpia ɔgo awu fie mato maɔɔ isoɣɔ ne, magara ayo mase mawe.

26 Mibua miɣere me nne mise mianyɔ! Ʋaa kanyaɔɔidze? Gbaã nto loɣere mi sɔ ɔɔɔ Ʋaa kanyaɔɔidze.

27 Alaso ð iso i Ɖko Sekelea ɔɣe sɔ,



'Loasese kpabo ɔɔɔ-ɔ katɔ, so ɔaledza maturi ɔtã fo iba.' "

<sup>28</sup> Yesu ɔledza ma iyere ana so, "Yohanes ɔɔɔ ɔturi igbã biara go maɔe i kayi gagbe ame. Yee ngo lokoso ɔɔɔ i Yaa sigarakadekɔ ɔɔɔ wũ."

<sup>29</sup> Tɔtɔ ne, maturi ɔɔɔɔɔ ɔɔɔɔ itɔme ne i Yohanes ɔɔe titirio ma lampofɔdze ma lobara Yaa kudɔe fie mafɔ Yaa itupie kubarara i ɔ korɛ.

<sup>30</sup> Yee ma Farisise gu Mose mmara matedze ɔɔɔ ara wa nde Yaa kudɔe kutã ma fie maibie so ɔpie ma ndu.

<sup>31</sup> "Kinio ne, mabe loasu nome maturi lokateragu? Nda mase?"

<sup>32</sup> Mase le mabiɛɛ ma nto maɔa kaxa i kuxa ame. Mawɔ to maɔere ma malaa so,

'Boka isoɔɔ aka botã mi,  
miito!

Boɔi sikubiɛɔ ana botã mi,  
miibie kaku.'

<sup>33</sup> Go Ndupiedze Yohanes ɔba ɔito ɔɔe ara ɔne ndã me loamɔɔ ne, miɔe so, 'Siwarã lalaa mpia i ɔ ame!'

<sup>34</sup> Mme ɔturi Awune ɔbi go loba fie loto loɔe ara lone ndã ne, mi so, 'Minyo ɔɔɔɔi gu tarɔdze gogbe! Ma lampofɔdze gu makpibaradze ɔlaa ɔɔe!'

<sup>35</sup> Yee Yaa iwola se ite so i ɔturi nsegbai ame."

### *Yesu ɔse Farisise Simon Iyo.*

<sup>36</sup> ɔ Farisise ɔwɔ ɔkpere Yesu so ɔba ɔaɔe aɔera i ɔ iyo, ne ɔse ɔase ɔtse araɔea iɔe ne.

<sup>37</sup> ɔrɔgo ɔwɔ pia i ɔmagɔ gomɔ ame go nsi ngbã nyanyarã. Go ɔɔɔ so Yesu to ɔɔe ara i ɔ Farisise gomɔ iyo ne, ɔsu nnɔi miwɔ me nse

miforẽ kərõkərõ fiε me ibui ɔnyɔ sɔlɔsɔlɔ ɔbo mmo.

<sup>38</sup> Ɔba ðaya i Yesu kama ɔto ɔbie nnɔme ɔfere i ð ngba iso. Ɔrõgo gɔgbe ɔsu ð iti siwerẽ ɔnyenyedẽ Yesu ngba, ɔfiɔfiɔ me fiε ka ɔsu nnɔĩ kərõkərõa memɔ ɔfere wũ i ngba ana.

<sup>39</sup> Gɔ Farisise gɔ lokpere Yesu ɔnya ira negbe ne, ɔɣε i ð iti ame sɔ, “Si ɔrerẽ gɔgbe ne ɣaa kanyadidze ɔɔɔ ne, tee ðatsue ɔturi gɔ igbã i ɔrõgo gɔ nto ɔpɛpɛgu wũ ngbe ɔɔ gu ngbã nyanyarĩa me igbã ɔsi!”

<sup>40</sup> Ne Yesu ɔfo kanya ɔɣere wũ sɔ, “Simon, lobie sɔ loaɣere-ɔ ira iwẽ.”

Ne Simon ɔɣere wũ sɔ, “Ratedze, ɣε nne aba.”

<sup>41</sup> Ne Yesu ɔse karõ ɔɣere wũ sɔ, “Maturi inyo mawẽ ɔla ɔrerẽ ɔwẽ kuso. Ɔwẽ to wũ le kuwa kuwẽ kuso. Ɔnyɔare to wũ le awa aweo kuso.

<sup>42</sup> Ma inyo magbe kuwẽ iiwo wũ kuso ɔtã. Ne ɔso ɔsu kuso gɔ mato wũ ɔɔɔɔ ɔtse ma. Maturi inyo magbe ndẽ ne, nna loadɔε ɔrerẽ gɔgbe ɔɔɔ?”

<sup>43</sup> Ne Simon ɔɣε sɔ, “Lofɔ loɔɔ sɔ ngo masu kuso siare matse.”

Mmo i Yesu ɔɣere wũ sɔ, “Aɣε kukaako.”

<sup>44</sup> Yesu ɔfiniki ɔnyɔ ɔrõgo gɔgbe, ne ɔɣere Simon sɔ, “Ato anya ɔrõgo gɔgbe? Gɔ loba fo iyo ne, aitã me ndu sɔ lofore ngba. ɣεε ɔrõgo gɔgbe ɔsu ð nnɔme ɔfore me ngba fiε ɔsu ð iti siwerẽ ɔnukutu me.

<sup>45</sup> Gɔ loba fo iyo ne, aipɔre me apia me isoɣɔ. ɣεε ita i ɔwi gɔ lobo i fo iyo ne, ɔrõgo gɔgbe iinyua wũ ngba ɔsɔla.

46 Aitã me nnoĩ sɔ lopia i iti. Ḳεε ẽ ɔsu nnoĩ kɔrõkɔrõa ɔfere me ngba ɔduɔu.

47 Ne ɔso nto loɣere-ɔ sɔ ne, ẽ kuɔɔe gɔ ɔɔi ɔte me ɔso ne, ɔna ẽ akpi gbodzoo wa ɔbara isu itse. Ɖuri gɔ masu akpi kekeĩ matse ne, ẽ kuɔɔe ana ne, kekeĩ kere kuse.”

48 Mmɔ i Yesu to ɔɣere ɔrõgo gɔmɔ sɔ, “Ɖna fɔ akpi isu itse.”

49 Gɔ mma nsi i ɔpɔrõ katõ gu Yesu ɔno ara wa ɔɣe ne, makare so sɔ, “Nna ɔɔe ngbe fie ɔto ɔwo maturi akpi ɔsu ɔtse ma?”

50 Ne Yesu ɔɣere ɔrõgo gɔmɔ sɔ, “Fɔ kafɔkaɔe ɔɔi-ɔ ne ɔso keke i isobue ame.”

## 8

### *Marõgo Mawẽ Ma Losiai Yesu Kama.*

1 Ɖwi kama ne, Yesu ɔki i simagẽ gu ngorowase wiriwiria ame ɔɣe Itõme Bielea i sigarakadekõ iso. Ɖ marasuãdze iweo-inyɔ ana siai wũ.

2 Marõgo mawẽ ma i Yesu ɔsa sinye agbãagbã gu mma ame ɔsa siwarã lalaa ɔɔi ana ɔsiai wũ. Ma ndẽ mawẽ nde Maria gɔ mase marɔ Magdalase, ngo ame i Yesu ɔsa siwarã lalaa aka akɔɔze ɔɔi.

3 Ɖwẽ ana nde Yohana gɔ ɔrã marɔ Kusa gɔ nse ɔbara karabara i Igara Herodes atõmekaxekõ le ɔkpakpa awe. Ɖmama ana nde Susana gu mamama gbodzoo ma losiai Yesu masu ma karana mabuai wũ gu ẽ marasuãdze.

### *Yesu Ɖɔe Igbã I Ɖraɔquisadze Ɖwẽ Iso.*

<sup>4</sup> Maturi gbodzoo to mabɔre i simagẽ agbãagbã ame maba Yesu kɔre. Gɔ maba maasakanya ne, Yesu ɔpe ma igbã negbe sɔ,

<sup>5</sup> “Kpẽdze ɔwẽ ɔse ɔraɖui kasakɔ. Gɔ ɔto ɔsa ne, ɔwẽ ɔfere i ɔri iso maturi ɔse iso ne kurodzai ɔrere kuɖe ne.

<sup>6</sup> ɔwẽ ana ɔɔo i ata iso ɔee gɔ ɔre kere ne, ɔ ɔɖuɖu ɔkpi alasɔ ɔ siɖu iibo karɔ.

<sup>7</sup> ɔraɖui ɔwẽ ana ɔbo i kuposẽ ndẽ, ne ɔso gɔ ɔre ne, kuɔa kufu wũ iso, ne ɔso ɔkpi pelepele.

<sup>8</sup> ɔee ɔwẽ ana ɔɔo i karɔ see iso. Gɔ ɔre ne, ɔɔɔ abi, ɔwẽ abi kulafa kulafa.”

Ne Yesu ɔyere ma sɔ, “Ngɔ mba atsue si ɔno nne nto loɔe!”

### *Nne ɔso I Yesu ɔte Ara I Agbã Ame.*

<sup>9</sup> Yesu marasuãdze ɔkare wũ sɔ ɔɖi igbã negbe karɔ ɔtã ma.

<sup>10</sup> Ne ɔyere ma sɔ, “ɔaa ɔɖi ɔ sigarakadekɔ awerera karɔ ɔte mi. ɔee maturi mama ne, agbã ame maano sɔ,

‘si mato manya ne, maibatsue.

fiɛ si mato manɔ ne, maibano karɔ.’

### *Yesu ɔɖi ɔraɖuisadze Igbã Karɔ.*

<sup>11</sup> “Igbã ne lope karɔ ngbe ne. ɔraɖui gɔ mato masa nde ɔaa itɔme.

<sup>12</sup> ɔraɖui gɔ loɔo i ɔri kurue se le maturi ma nse manɔ itɔme fiɛ ɔbosam se ɔba ɔamɔẽ ne ɔɖi i ma situ ame. Ise itã sɔ maibawo ɔfo ɔɖe fiɛ maana idj.

<sup>13</sup> Ngɔ ana loɔo i ita iso ne, ɔse le maturi ma lonɔ itɔme fiɛ mafɔ ne ku isoɔo ɔluwẽ, ɔee iibo i ma ame wodoroo. Ne ɔso ma kafɔkaɖe ɔwi se

kurukutu go si ita iya iso oba ma iso ne, mase mafẽ.

<sup>14</sup> Ngo ana loxo i kuposẽ ame ne, ose le maturi ma lono itõme xee kayiiso imararã gu karana gu ngbã ide se iya ifu ma so maisẽ mawo iti ore fie maaxõ abi abe.

<sup>15</sup> Oraqui go loxo i karõ sɛɛ iso õ wũ ne, ose le maturi ma lono itõme fie imoẽ ma otu gbaã gu karõ iboso. Maya teteree gbogboogbo ise iabo kawirikõ maaxõ abi gbodzo.

### *Tã So Okaniɛ Si Ofiɛ Otã Maturi.*

<sup>16</sup> “Kuwẽ iise otsue okaniɛ osu okola i kabui ame xee osu oxedza i karekõ kayirino. Xee otara wũ osia i ira kolea iso so si õasa ofere i kakõ biara so si oturi biara obo iyo ne, õanya kame sekelee.

<sup>17</sup> Ira biara ne makola i kakõ biara ne, mato maadi ne mabo i ogbami. Ira biara ne mafu ara ne, mato maadi ne mabo ikpawai ame.

<sup>18</sup> “Midzuẽ so i kumego miakã atsue alaso ngo mba ara ne, maatã wũ mabua, xee ngo mba ara kekeĩ ne, kekeĩ go ame obu so oba ne, maamoẽ mafõ wũ iso.”

### *Nna Nde Yesu Onyi Gu O Manyiibi?*

<sup>19</sup> Yesu onyi gu õ manyiibi oba õ kore, xee maiwo Yesu onya ala kumego i maturi omuni wũ oso.

<sup>20</sup> Owẽ oba õaxere Yesu so, “Fo onyi gu manyiibi xe i inyamo mato mabie-o.”

<sup>21</sup> Ne Yesu to oxere ma odudu so, “Wũ onyi gu wũ manyiibi nde mma nse mano Yaa itõme fie mase mabara i ne iso.”

### *Yesu Otindza Awe.*

<sup>22</sup> Iyi iwě ne, Yesu gu ñ marasuãdze obo i okolo ame. Ne ɔyere ma so, “Mitã bowara ibu bokelɛ ɔkpokpo gɔmɔ isɛ.” Ne ɔso mabo i okolo ame marui.

<sup>23</sup> Gɔ masia ndu iso kekeĩ kere ne, sirɛ ɔsu Yesu. Ɔluwě awe ɔtse ikpě teteree gɔ mma ɔduɔdu mpia i okolo ame ngbã owe i imɔrě ame ala ndu ɔtse okolo ame ibo.

<sup>24</sup> Marasuãdze ɔbore mabo wũ maatara wũ so, “Tete! Ɔkpi boto lo!”

Mmɔ i Yesu ɔta ɔya ɔtɔme ɔpia ɔwiri gu ndu me nto miɔa so. Ɔluwě ne, ira biara ko lolo kanaanana.

<sup>25</sup> Ne ɔto ɔkare marasuãdze so, “Be idɛ ɔso fie mina kafɔkaɔɔ?”

Ƴɛɛ ifĩ ɔmɔě ma ibara ma ɣii ne mato makare so so, “Mme ɔturi igbã ɔɔɔ ngbe? Ɔto ɔɔɔgu ɔwiri gu ndu ika makã wũ atsue!”

### *Yesu Ɔsa Siwarã Lalaa Ɔɔɔ I Ɔrɛrě Ɔwě Ame.*

<sup>26</sup> Yesu gu ñ marasuãdze ɔwara ɔpo makele Gadara ibuiti ame si abɔrɛ i Galilea isɛ.

<sup>27</sup> Ɔluwě gɔ Yesu ɔso ɔbɔrɛ i okolo ame ne, ɔrɛrě ɔwě gɔ ame i siwarã lalaa pia ɔsaregu wũ. Ɔrɛrě gɔgbe ɔbɔrɛ i ɔmagě gɔmɔ ame fie ɔwi gbodzoo ne, ɔsɛ owe ɔki isɔisɔ. Ɔise ɔbie so ɔasɛ i ayo ame, ɣɛɛ ɔwi biara ne, ɔsɛ owe i maturi kabiarakɔ.

<sup>28</sup> Gɔ ɔnya Yesu ne, ɔla kulu teteree ɔpɛ agegě i Yesu ngbatɔ. Ɔyere wũ teteree so, “Yesu, Ƴaa gɔ ndɛ Ɔlesate Ɔbi! Be ato abie abɔrɛgu i wũ kɔrɛ? Loto-ɔ i kukpa daakpadzě me kutsue!”

29 Ɔrerẽ gɔgbe ɔɣe ngbo ala Yesu ɔtɔme ɔpia siwarã dze mpia i ɔ̃ ame so, “Bɔre i ɔ̃ ame fe!” Ɔwi gbodzoo si siwarã dzegbe si ɔrerẽ gɔgbe iso ne, si manyi wũ nroɔ gu ngba ala ngɔsɔngɔsɔn kɔra ne, ɔse ɔmɔẽ ɔfefẽ fie sise siɔi wũ ɔbɔre ɔkele fafui ame.

30 Yesu ɔkare wũ so, “Nda marɔ-ɔ?”

Ne ɔtã mmuai so, “Mme marɔ Iseguri ne.” Ɔɣe ngbo alaso siwarã lalaa dze mpia i ɔ̃ ame ɔsi.

31 Mmɔ i Siwarã to sitã Yesu iti so ɔdaafuɔɔza ma ɔpia i iwo gudua ne ame maawe inyɛ.

32 Makparako gbodzoo mawẽ ɣe i kabemi iso mato maɔe ara. Ne siwarã lalaa to sitã Yesu iti so ɔtã ma mabo i makparako ma mmɔ ame. Ne Yesu ɔtã ma ɔri ne.

33 Siwarã dzegbe ɔbɔre i ɔrerẽ ame sibo i makparako ame, ma ɔɔɔɔ ɔtere kpitikpitikpiti maso kabemi mabo i itubu ame makpi.

34 Gɔ mma nto manyɔ makparako iso ɔnya nne loba ne, matere makele ɔmagẽ ame mase maɣere maturi ɔɔɔɔ gu ngorowase ɔɔɔɔ.

35 Maturi ɔbɔre maba so si maba maanyɔ nne loba. Gɔ mabo Yesu kɔre ne, manya so ɔrerẽ gɔ ame i Yesu ɔsa siwarã lalaa ɔɔi ka ɔsi i Yesu ngbatɔ, ɔpia awu, iti ame ɔɔkpa waɪ. Ne ɔso ifɔ ɔmɔẽ ma ɔɔɔɔ.

36 Mma lonya nne loba ne, maɣere matsɔra kumegɔ ibara fie siawarã lalaa ɔbɔre i ɔ̃ ame fie ɔsare.

37 Nnegbe ɔso ne, Gadara karɔ gu kã abuiti maturi ɔɣere Yesu so ɔbɔre i ma karɔ iso alaso manigã. Ne ɔso Yesu ɔbo i ɔkolo ame ɔledza irui.

38 Mmɔ i ɔrɛrɛ̃ gɔ i Yesu ɔsa ɔpe wũ nrõ sɔ, “Tã me losiai-ɔ.”

Yɛɛ Yesu iinɔgu wũ karɔ̃, ɔɣere wũ sɔ,

39 “Kpese kele fɔ iyo si ase aaxɛ nne i Yaa ɔbara ɔtã-ɔ.” Ne ɔso ɔrɛrɛ̃ gɔgbe ɔkpese ɔkele ma ɔmagɛ̃ ame ɔse ðawe ɔɣe ara wa ɔduɔu i Yesu ɔbara ɔtã wũ.

*Yesu Ɔsa Yairo Ɔbi Birɔ̃gomi Gu Ɔrɔ̃go Ɔwɛ̃.*

40 Ɔwi gɔ i Yesu ɔwara ɔpo ɔkpese ɔba kama ise ne, maturi gbodzoo ɔsaregu wũ kukaako alaso mato manyɔ wũ ɔri.

41 Ɔrɛrɛ̃ ɔwɛ̃ gɔ marɔ Yairo fie ɔɔɔ ma Yudase kasarekɔ makpakpa ndɛ̃ ɔwɛ̃ ɔba ðape agegɛ̃ i Yesu katɔ̃ ɔtã wũ iti sɔ ɔsiai wũ ɔba ð iyo,

42 alaso ð ɔbi birɔ̃gomi ɔwɛ̃ saã gɔ loofɔ le ako aweo-anyɔ ne, ɔre ɔto ɔnyɛ ðoro ɔkpi.

Gɔ Yesu ɔrui ɔsiai wũ ne, maturi ɔmini wũ mato malili so.

43 Maturi magbe ndɛ̃ ne, ɔrɔ̃go ɔwɛ̃ gɔ i ara to afere ako aweo-anyɔ buu ana pia. Ɔrɔ̃go gɔgbe ɔɔnina ð sikã ɔduɔu ɔsu ɔbie so kua ɣɛɛ ðina isosare.

44 Ɔbo i maturi ndɛ̃ ɔbara pɔkɔsɔɔ ɔpegu Yesu awu kutsueti i kama ise. Ɔluwɛ̃ ne, ara ko lonyua wũ ɔfere.

45 Mmɔ i Yesu to ɔkare sɔ, “Nna ɔɔɔ lopegu me?”

Yɛɛ ɔbiara ɔsɛ̃. Ne Petro ɔɣere wũ sɔ, “Bokɔse, nyɔ kumegɔ i maturi ɔki malɔ-ɔ!”

46 Yɛɛ Yesu ɔɣe sɔ, “Loɣe sɔ ɔnyiiɔ ɔpegu me alaso ɔle ɔwɛ̃ ɔbɔre i wũ ame.”

47 Gɔ ɔrɔ̃go ɔnya sɔ ðibawo ɔwere ɔso ne, ɔbɔreɔgu ifɔ̃ ɔto ɔti ɔkpakpa ɔba ðape agegɛ̃ i Yesu



katõ i maturi odudu ano. Ogere Yesu nne oso oregu wũ gu kumego ona isosare oluwẽ.

<sup>48</sup> Ne Yesu ogere wũ so, “Wũ obi birõgomi, fo kafokade losa-o. Kele i isobue ame.”

<sup>49</sup> Go Yesu xe i mmõ otogu itõme negbe ixe ne, mapia oturi maboregu i ma Yudase kasarekõ okpakpa go maro Yairo iyo so oba õagere wũ so, “Fo obi birõgomi okpi ne oso kanyua ratedze kutsue oqaa.”

<sup>50</sup> Yee go Yesu ono ne, ogere Yairo so, “Daanigã, fode kere so fo obi to õasare.”

<sup>51</sup> Go mase maabo Yairo iyo ne, Yesu iitã kuwẽ ori so obo iyo kame ido Petro gu Yohanes gu Yakobo gu obirõgomi maxese.

<sup>52</sup> Maturi odudu xe i mmõ mato mabiegu kulu, xee Yesu ogere ma so, “Minyua obie, alasõ obi iikpi, sire kere oto ore.”

<sup>53</sup> Go oxe ngbo ne, mama wũ alasõ maxe so õokpi.

<sup>54</sup> Ne Yesu omõẽ obirõgomi korõ, okpere wũ so, “Obi, ta ya!”

<sup>55</sup> Obirõgomi ko loregẽ ota ose. Yesu ogere ma so mabie irere matã obi si ode.

<sup>56</sup> Ira negbe obara õ maxese xii, xee Yesu ogere ma so madaaxere kuwẽ nne loba i mmõ.

## 9

*Yesu Opia O Marasuãdze Iweo-inyo Itõme Bielea Kayekõ.*

<sup>1</sup> Yesu okpere õ marasuãdze iweo-inyo osirakanya ne otã ma ori gu ole so masa siwarã lalaa odudu si masa sinye agbãagbã ana.

<sup>2</sup> Ɔsese ma sɔ makɛɛ maaxɛ Ƴaa sigarakaɔɔkɔ iso itɔ̃me si masa manyese.

<sup>3</sup> Si maarui ne, Yesu ɔɣere ma sɔ, “Midaasu kuiru mila i irise ame le ɔsedziri ɣee akpo ɣee aɔera ɣee sikã. Midaasu awu nyɔare sɔ mianyuarã i ɔri.

<sup>4</sup> Iyo biara ne ame mafɔ mi ne, miwe i mmɔ gbɔgbɔɔgbɔ miarui i ɔmagẽ gɔmɔ ame.

<sup>5</sup> Ngbego masẽ maifɔ mi ne, si miarui i mmɔ ne, mikpakpa mi ngba sise mifere le Ƴaa kutsue ikpadzẽ ne loaba ikparĩ.”

<sup>6</sup> Marasuãdze ɔrui mabo i nsekɔ memɔ ame mato maɣe Itɔ̃me Bielea masa maturi sinye i kakɔi biara.

### *Herodes Ikpɔkpɔto I Yesu Iso.*

<sup>7</sup> Gɔ Herodes gɔ nto ɔɔɔ Galilea karɔ̃ iso ɔno ara wa nto aba ngbe ne, ɔkpɔkpɔto alaso maturi mawẽ to maɣe sɔ Ndupiedze Yohanes loɔta ɔbɔre i makpise ame ɔpia ngbã.

<sup>8</sup> Mawẽ ana to maɣe sɔ Eliya ɔɔɔ looledza iba. Fie mawẽ ana sɔ Ƴaa kanyamaɔɔɔɔɔ kuere ɔwẽ ɔɔɔ lookpese ɔba maɣe wũ.

<sup>9</sup> Ne Herodes to ɔɣe sɔ, “Lotã matu Yohanes iti, ne ɔso nna ɔɔɔ nto ɔbara ara wa nto lonɔ ngbe?” Ne ɔso Herodes ɔbie ɔri gɔ iso ɔaki fie ɔanya Yesu.

### *Yesu Ɔtã Maturi Gbodzoo Aɔera Maɔe Mami.*

<sup>10</sup> Katɔ̃memasɔɔɔɔɔ ɔba maaxere Yesu nwa ɔɔɔɔ mabara. Ne ka ɔko ma kerekere marui makɛɛ ɔmagẽ gɔ marɔ sɔ Betsaida ame ne.

11 Gɔ maturi ɔnɔ ngbɔ ne, masiai ma kama makɛɛ mmɔ. Yesu ɔ̃ wũ ɔfo ma ɔɣere ma ʒaa sigarakadekɔ̃ itɔ̃me fie ɔsa mma nto manyɛ.

12 Iyɛkɛɛ ame ne, katɔ̃memasedze iweo-inyɔ ɔba maɣere Yesu sɔ, “Ɖi ma ɔri si makɛɛ ngorowase mɛ lobore mimatã ngbe si mase maabie aɖera gu ngbego maare ala ngbe ɔfe idzoro gu ayo ame.”

13 Mmɔ i Yesu to ɔɣere ma sɔ, “Mi mɔmɔ mitã ma irere maɖe.”

Ne mato maɣere wũ sɔ, “Araɖea wa ɔɖuɖu boba ngbe nde abolo abo aru gu afara anyɔ. Ato abie sɔ bose boaxa araɖea botã maturi gbodzoo magbe?”

14 Marerẽ kerekere i ma ndɛ aadɛ le maturi kukpi kuru mmɔ. Ne Yesu to ɔɣere ɔ̃ marasuãdze sɔ, “Mitã ma mase i akuri ame le siru siru awe.”

15 Ne gɔ marasuãdze ɔbara ngbɔ ne,

16 Yesu ɔsu abolo abo aru gu afara anyɔ wamɔ, ɔkɔle anɔ kato. Gɔ ɔpe ʒaa siba i wã iti ne, ɔbebese ɔtã ɔ̃ marasuãdze sɔ masu maɣɛɣɛ mmamɔ.

17 Gɔ ma ɔɖuɖu ɔɖe ara mami fie marasuãdze ɔsa nwa lobuburi kanya ne, mana kusesei kuweo-kunyɔ.

### *Petro Ɖɖi Yesu Ɖte Sɔ Ɖ Nɖe Kristo.*

18 Gɔ Yesu ɔnɔwɛ to ɔkparama kayi iyi iwɛ ne, ɔ̃ marasuãdze ɔwe i ɔ̃ kɔre. Ne ɔto ɔkare ma sɔ, “Nna i maturi se maɣe sɔ loɖe?”

19 Ne matã wũ mmuai sɔ, “Mawɛ se maɣe sɔ fo nde Ndupiedze Yohanes, mawɛ ana sɔ fo nde Eliya, fie mawɛ ana se maɣe sɔ ʒaa kanyamadɖidze kuere ɔwɛ loɔkpese ɔba ngbã.”

<sup>20</sup> Mmɔ ɔto ɔkare ma sɔ, “Ne mi ɣee? Nna miɣe sɔ loɔe?”

Petro ɔfo kanya sɔ, “Fo nde ɔaa Kristo ne.”

*Yesu ɔɔe Ika I ɔ Kukpi Gu Ita Iso.*

<sup>21</sup> Mmɔ i Yesu ɔsɛ ɔtã ma teteree sɔ madaɣere kuwɛ itɔme neɓe.

<sup>22</sup> Yesu ɔledza ma iɣere sɔ, “Ikote sɔ mme, ɔturi Awune ɔbi, awe inye gbodzoo i ma Yudase makpakpa gu masɔredze makpakpa gu mmara matedze nrɔɔ ame maasɛ me, maɔoe me. ɔee ikpenɛ teare ne, ɔaa to ɔatara me lowe ngbã.”

<sup>23</sup> Mmɔ ɔto ɔɣere ma ɔɔɔɔ sɔ, “Si ɔrere ɔbie sɔ ɔasiai me ne, ɔsɛ so si ɔsu ɔ inyewe ɔnyigbã si ɔawo me ɔsiai.

<sup>24</sup> Alaso ɔbiara go loakpɛ i ɔ ngbã iti ne, ɔto ɔayura me, ɣee ngo loanyua ɔ ngba ala wũ ɔso ne, ɔto ɔana ngbã me loise miro.

<sup>25</sup> Mme kusia i ɔturi ana si kayi iso ɔɔɔɔ karana ɔkpese ɔ kare fie ɔina ngbã me loise miro?

<sup>26</sup> Si mme gu wũ ara ite to ikpɛ ɔrere kunuare ne, mme, ɔturi Awune ɔbi, mme wũ ɔto ɔakpɛ me kunuare ku ɔwi go ame loaba i wũ ikpawai gu wũ ɔse ɔaa ɔle gu ɔ makpabo sekelea ɔɔɔɔ ikpawai ame.

<sup>27</sup> Nto loɣere mi gbaã sɔ mi ndɛ mawɛ i ngbe iibakpi fie ɔaa aadi ɔ Sigarakadekɔ ɔle ɔte.”

*Yesu ɔfnikirã ɔ Kumiamia I Kube Iso.*

<sup>28</sup> Le ɔape ɔwɛ kama go Yesu ɔɣere ma ara wagbe ne, ɔko Petro gu Yohanes gu Yakobo maya kube kuwɛ makele itititɛ sɔ maakparama kayi.

29 Gɔ ɔto ɔkparama kayi ne, ɔ̃ katɔ̃ ko lokpaki kato kafie futututu gɔ ta ɔ̃ ara wa ɔpia to atsue anɔmi.

30 Ɔluwẽ ne, marerẽ inyɔ ma nde Mose gu Eliya ɔba maaya i ɔ̃ kɔre mato maɖegu wũ ika.

31 Maba i Ƴaa sigarakaɖekɔ̃ ikpawaĩ ame fie maɖe ku Yesu ika i ɔri gɔ iso ɔ̃aki fie ɔ̃abara Ƴaa kuɖɔe i ɔ̃ kukpi i Yerusalem iso.

32 Petro gu ɔ̃ malaa ɔre sire dzoroo, Ƴee gɔ mata ne, manya Yesu i ɔ̃ ikpawaĩ ame gu maturi inyɔ ma nyɛ wũ i kɔre.

33 Gɔ maturi inyɔ mamɔ to marui ne, Petro ɔɣere Yesu sɔ, “Tete, bo ngbe iba ɔbua ile gbaã! Tã bope akpayo ate i ngbe. Iwẽ itã-ɔ, iwẽ itã Mose fie iwẽ ana itã Eliya.” Ɔ mɔmɔ kɔra iiɣe ara wa ɔɣe i ngbe.

34 Gɔ ɔɣe i mmɔ ɔto ika idɔɔ ɔso ifu ma iso ne ɔso ifɔ̃ ɔmɔ̃ marasuãdze gbaã.

35 Ne manɔ silɔ i idɔɔɔ ame gɔ sito siɣe sɔ, “Wũ ibiete gɔ losia ikparĩ ngbe ne, mikã wũ Atsue!”

36 Gɔ silɔ dzemɔ ɔlo ikaɖe ne, manya sɔ Yesu ɔnɔwẽ lokuti ɔɣe i mmɔ. Marasuãdze ɔma kanya i ara wagbe iso. Maiɣere kuwẽ nne manya ku ɔwi gɔmɔ ame.

*Yesu Ɔsa Siwarã Lalaa Ɔɖi I Ɔbirerẽ Ɔwẽ Ame.*

37 Gɔ kaɖe ɔsẽ ne, Yesu gu ɔ̃ marasuãdze ite mammɔ ɔso mabɔre i kube iso maba. Maturi gbodzoo ɔba maasaregu wũ.

38 Ne ɔrerẽ ɔwẽ i mmɔ to ɔla kulu ɔɣe sɔ, “Ratedze! Loto-ɔ i kukpa, nyɔ wũ obi! Wũ obi ɔwẽ saã!

39 Siwarã lalaa ɔ to siɖaa wũ go sito sitã so ðala kulu teteree, ɔluwẽ sipuri wũ siwuĩ i karõ iyo minyatu ka mise wũ i kanya. Si iba ngbo ne, ise ibua iwe ɔle, ina ɔpã fie ise ikpa wũ.

40 Lotã fo marasuãdze iti so masa siwarã dzegbe matã me ɣεε maiwo.”

41 Mmo i Yesu to ɔɣere ma so, “Mi kiniogbe maturi ma kafokade lotegεε fie miba atsuele! Ku mme ɔwi loawe i mi kore fie loayara so lotã mi lotui?” Ne ɔɣere ɔrerẽ gomɔ so, “Ko fo obi bo me ngbe.”

42 Go obi to oba ne, ɔluwẽ siwarã ɔpuri wũ siwuĩ i karõ oleso ɔto. Ne Yesu ɔtõme ɔpia siwarã lalaa dzemo ɔsa obi ɔtara wũ ɔta ð ose ne.

43 ɣaa ɔle siare gogbe obara maturi ɔduɖu ɣii.

### *Yesu Dledza Ika Iɖe I ɔ Kukpi Iso.*

Go Yesu Kurabarara togu maturi ibara ɣii ne, ɔɣere ð marasuãdze so,

44 “Midaayara nne nto loba loayere mi! Mato maadji mme, ɔturi Awune ɔbi, matã maturi.”

45 ɣεε mainɔ nne ɔɣere ma karõ. ɣaa ɔsu ira negbe ɔkola ma so mainɔ karõ fie mato manigã so maakare wũ ana.

### *Yesu ɔɖi ɔturi Go Loɖo ɔte.*

46 Kakpadzẽ oba i marasuãdze ndẽ so ma nna nde ngo loɖo pelepele.

47 Go Yesu ɔtsue ma adzuni ɔso ne, ɔko ɔbiεε ɔwẽ oba ðayɛza ma i katõ.

48 Ne ɔto ɔɣere ma so, “ɔbiara go lofo ɔbiεε gogbe i wũ iyere ame ne, mme iɖe ɔfo. Fie ɔbiara go lofo me ne, ɔfo ngo lopia me katõme. Alaso

oturi go nse obo so karõ i mi odudu ndẽ ne, õ nde ngo lokole odo pelepele ne.”

*oturi Go Loitsiri-ɔ Ne, ɔye-ɔ I Kama.*

<sup>49</sup> Mmo i Yohanes to ɔgere wũ so, “Bokose, bonya owẽ go oto osa siwarã lalaa i fo iyere ame xee ne, botindza wũ so onyua ala õide bo ndẽ owẽ.”

<sup>50</sup> Ne Yesu to ɔgere õ marasuãdze so, “Midaatẽ wũ ori, alaso si oturi iita ɔye mi iso ne, mitsue so ɔye mi i kama.”

*Samaria Maturi Mawẽ ɔsẽ Yesu.*

<sup>51</sup> Go owi go i Yaa aasu Yesu okelagu kato ɔpetepete ne, obara õ adzuni so õakela Yerusalem.

<sup>52</sup> ɔpia mawẽ odeggu katõ so mase maaledza ara mase i Samaria akorowa awẽ matã õ iba.

<sup>53</sup> Yee go mmo maturi ɔtsue so Yerusalem oto ofe okela oso ne, maifo wũ.

<sup>54</sup> Go õ marasuãdze inyo ma nde Yohanes gu Yakobo onya ne, makare wũ so, “Bokose, ato abie so bokpere oto si obore i kato obo õatsuedza ma?”

<sup>55</sup> Ne Yesu ofiniki osẽ ma so, “Miiye siwarã dze nto siɔe mi iso! Alaso mme, oturi Awune ɔbi, iiba so loawora maturi ngebã xee obo loba so loadi me bowũ.”

<sup>56</sup> Ne õ gu marasuãdze orui makele omagẽ mama ame ne.

*Mawẽ Obie So Maasiai Yesu.*

<sup>57</sup> Go mato makele ne, orerẽ owẽ obo õayere Yesu so, “Loasiai-ɔ kakoi biara ga aakela.”

<sup>58</sup> Ne Yesu otã wũ mmuai so, “Maboi lalaa ba awo wa ame mase mawere fie kurodzai ana ba ayo, xee mme, oturi Awune ɔbi, na iti kasiakõ.”

59 Ne Yesu to ɔɣere ɔmama ana sɔ, “Siai me.”

Yɛɛ ngɔmɔ ɔtã wũ mmuai sɔ, “Bosate, loasiai-ɔ, ɣɛɛ dɔ me ɔri si nse loabiara tete tɔtɔ.”

60 Ne Yesu to ɔɣere wũ sɔ, “Tã mma nse le makpise si mabiara ma makpise, ɣɛɛ fɔ ne kele aaxɛ Yaa sigarakadekɔ itɔme.”

61 Ɔwɛ ana ɔɣɛ sɔ, “Bosate lobie sɔ loasiai-ɔ, ɣɛɛ ne, tã me lose loamala wũ maturi so tɔtɔ.”

62 Ne Yesu ɔɣere wũ sɔ, “Ngɔ loise ɔbara ɔ karabara ku ɔ ɔtu ɔɔɔɔ iikote ɔtã Yaa sigarakadekɔ.”

## 10

### *Yesu Ɔpia Ɔ Masiidze Sikɔdze-inyɔ Katɔme.*

1 Nnɛgbe kama ne, Bosate ɔɔi marerɛ sikɔdze-inyɔ mama gɔ ɔpia ma inyɔ inyɔ, ɔɣere ma sɔ made wũ katɔ makele simagɛ gu ngorowase me ame ɔto ɔbie sɔ ɔase.

2 Ɔɣere ma sɔ, “Ɔraɔui gɔ maasɔrɛ ɔsi ɣɛɛ marabaradze iisi. Ne ɔso mitã kakpekɔ sate iti sɔ ɔsese marabaradze ɔ kakpekɔ ame.

3 Mikelɛ! Nto lopia mi le maserɛrɛrɔ abi i magidi ndɛ.

4 Midaasu sikã kawumi ɣee ndokota ɣee akpo mila. Midaatui i ɔri sɔ mito miya kuwɛ.

5 “Iyo biara ne ame miabo ne, miɔe katɔ miɣere ma sɔ, ‘Isobue itã iyo nɛgbe maturi.’”

6 Si ngɔ nse ɔɔɔe isobue pia i iyo nɛmɔ ame ne, mitã sɔ mi isobue si isiai wũ. Yɛɛ si kuwɛ na ngbɔ ne, misu mi isobue kaya miruigu.

7 Miwe i iyo biara ne ame maafɔ mi. Araɔea igbã biara ne maatã mi ne, miɔe si mine. Ikote



so maatã rabaradze ã ađera. Midaawe mikiki, mibore i iyo ne ame mikelẽ imama ame.

<sup>8</sup> “Ɖmagẽ biara gɔ ame maafɔ mi ne, miđe nne masu matã mi.

<sup>9</sup> Misa manyese i ɔmagẽ gɔmɔ ame si miyere ma so, ‘Yaa sigara ɔđewi ɔɔbore ɔbo mi.’

<sup>10</sup> Yee si mise ɔmagẽ ɔrere ame fie maifo mi ne, mirui mikelẽ ma itiri si miyere ma so,

<sup>11</sup> ‘Mi ɔmagẽ ame ɔsebu gɔ lota ɔfere bo i ngba kɔra ne, boɔkpakpa bofere mi. Yee minyigi so Yaa sigara ɔđewi ɔɔbore ɔbo mi!’

<sup>12</sup> Nto losia ita lotã mi so iase pɔkɔsɔ itã Sodom ɔmagẽ ido ɔmagẽ gɔmɔ maturi!

### *Simagẽ Siwẽ Maturi Ɖsẽ Yesu Itõme.*

<sup>13</sup> “Ndzo miđe mitã mi Korazin maturi! Fie ndzo miđe mitã mi Betsaida maturi! Alaso si awawãra wa igbã lobara i mi ame iđe lobara i Tiro gu Sidon simagẽ ame ne, tee maakpase mase i ndõ ame mapia ara wa loate so maɔfiniki mabore i ma akpi ame!

<sup>14</sup> Yaa to ãanyɔ Tiro gu Sidon simagẽ nnya ɔɔɔ mi ku atõme iyeyi.

<sup>15</sup> Mi Kapernaum maturi ne, i mi adzuni ame ne, mito mibie so miakole so mise miabo kato, yee Yaa to ãabɔ mi karõ mikelẽ ta ikpibio!”

<sup>16</sup> Mmɔ i Yesu to ɔyere ã marasuãdze so, “Ɖbiara gɔ loakã mi atsue ne, mme iđe ɔkã atsue fie ɔbiara gɔ loasẽ mi ne, mme iđe ɔsẽ. Ɖbiara gɔ loasẽ me ne, ngo lopia me katõme ɔsẽ.”

### *Marasuãdze Sikɔdze-Inyɔ Ɖkpese Maba Yesu Kɔre*

17 Maturi sikɔdze-inyɔ mamɔ ɔkpese maba ku isoɔɔ maba maaxere wũ sɔ, “Bosate, ta siwarã lalaa to sikã bo atsue i fɔ iyere ame.”

18 Ne Yesu to ɔxere ma sɔ, “Lonya Ɔbosam ɔkpase ɔbɔre i kato le kumego i kado se ɔma awe.

19 Mikã atsue! Lotã mi ɔle sɔ miawo maxe gu siboitete iso ɔnene xe kuira iibabara mi. Miade Tsirise ɔle ɔduɔdu iso fie kuira iibabara mi.

20 So si sidaaxɔ mi sɔ siwarã lalaa to sikã mi atsue. Ye sɔ si siɔ mi sɔ Ya ɔtsere mi axere ɔpia i ɔ sigarakdekɔ ɔko ame.”

### *Yesu Ɔle Ya.*

21 Ɔwi gomɔ ame ne, Siwarã Bielea isoɔɔ ɔbo i Yesu ame ɔduɔdu ne ɔxe sɔ, “Tete, Kato gu Karɔ Sate, nto lole-ɔ sɔ asu ara wa lowere manɔgbadze gu makotsuese ne, adi wã ate mabiete. Fie gbaã ne, Tete, ngbɔ ikote-ɔ ne.”

22 Mmɔ ɔtse ma iyere sɔ, “Tete ɔsu ara ɔduɔdu ɔpia me i nroɔ ame. Kuwẽkuwẽ iixe Ɔbi idɔ Ɔse ɔnɔwẽ, fie kuwẽ ana iixe Ɔse idɔ Ɔbi gu mma i Ɔbi ɔbie sɔ ɔadi ɔ Ɔse ɔte.”

23 Ne Yesu ɔfiniki ɔnyɔ ɔ marasuãdze i iwere ame ɔxere ma sɔ, “So si siɔ mi gbaã sɔ mito minya ara wa mito minya i ngbe!

24 Nto loxere mi sɔ ne, Ya kanyamadidze gbodzo gu magara ana ɔbie teteree sɔ manya ara wa mito minya, xe mainya, xe si manɔ ara wa mito minɔ, xe mainɔ.”

### *Yesu Ɔpe Ma Igbã I Ɔ Samariase Ɔwẽ Kayiri-bielea Ibara Iso.*

25 Mmaratedze ɔwẽ ɔba Yesu kɔre so si ɔba ñala Yesu ɔnyɔ. Ɔkare wũ so, “Ratedze, be loabara fie loana ngbã me loise miro?”

26 Ne Yesu ɔta wũ mmuai ɔkare wũ so, “Be i Ɔko Sekelea Ɔɣe? Fie nda anɔ itɔme nemo karɔ?”

27 Ne ɔrerẽ gɔmɔ to ɔɣere wũ so, “Ɖɔe Bosate Ƴaa ku fo ɔtu ɔɖuɖu ku fo siwarã ɔɖuɖu ku fo ɔle ɔɖuɖu ku fo adzuni ɔɖuɖu ana si aɖɔe fo ɔnyii le kumego ato aɖɔe so.”

28 Ne Yesu to ɔɣere wũ so, “Gbaã iɖe. Bara ngbo ne ato aase ngbã.”

29 Ƴee go mmaratedze gɔgbe to ɔbie so ñatã so ibe ɔso ne, ɔledza Yesu i kare so, “Nna nde wũ ɔnyii?”

30 Ne Yesu to ɔɣere wũ so, “Ɖwi ɔwẽ ame ne, ɔrerẽ ɔwẽ ɔbɔre i Yerusalem ise ɔto ɔkele Yeriko ɔmagẽ ame. Mayukukpe ɔse maamɔẽ wũ i ɔri iso, mape wũ maɖi wũ igbe maɖi ta ñ iso ara fie manyua wũ mase so ka ɔtsɔra ɔkpi.

31 Iba so Ƴaa sɔredze ɔwẽ to ɔfe i ɔri gɔmɔ iso. Ƴee go ɔnya ngo maɖi igbe i ɔri kurue ne, ɔki ise ise ɔfe.

32 Iifo ɔwi, ɔ Levise ɔwẽ ñ wũ ɔba ñaki i mmo ɔfe. Go ɔnya ɔrerẽ gɔgbe ne, ɔki i kurue ɔfe.

33 Ƴee ɔ Samariase ɔwẽ go nto ɔfe i ɔri gɔmɔ iso ne, go ɔba ñanya ɔrerẽ gɔgbe ne, ñ ara ɔɖo wũ kayiri.

34 Ɖbore ɔbo wũ, ɔsu nnoĩ gu ndã ɔnukutu wũ aɣei ame ɔnyi wã kukaako. Ɖputa ɔrerẽ gɔgbe ɔsia i ñ mɔmɔ boi iso. Ɖko wũ ɔkelegu mafɔ kafokɔ fie ka ɔnyɔ wũ iso.

35 Go kaɖe ɔsẽ ne, ɔɖi sikã ɔtã mafɔ kafokɔ nyoisose ɔɣere wũ so, ‘La ɔnyɔ wũ iso. Si

lookpese loba ne, loatã-ɔ ira biara ne aledza inina i ñ iso.' "

<sup>36</sup> Ne Yesu to ɔkare mmaratedze gogbe so, "I fo adzuni kanya ne, maturi ite magbe ndẽ ne, nna afo aɔe so ɔɔe onyii ɔtã ngo lobo i mayukukpe nroo ame?"

<sup>37</sup> Ne mmaratedze to ɔtã mmuai so, "Ngo lonyo wũ nnya."

Ne Yesu to ɔɣere wũ so, "Fo wũ kele si ase aabara ngbo."

### *Yesu Ɔkɛle Marta Gu Maria Kɔre.*

<sup>38</sup> Go Yesu gu ñ marasuãdze ɔrui maɣo ɔri ne, mase maabo ɔmagẽ ɔwẽ ame. Mmo mase maatu ɔrogo ɔwẽ go maro Marta fie ɔfo ma i ñ iyo ne.

<sup>39</sup> Marta ba onyiiibi go maro so Maria. Ɔ ne, ɔkpase ɔse i Yesu katõ ɔto ɔno ñ ara wa ɔto ɔte.

<sup>40</sup> Iyo karabara ɔɔɔɔ ɔba kaasia i Marta ɔnoɔwẽ iso go idaa wũ ɔtu. Ne ɔso ɔba ñaxere Yesu so, "Bosate, go wũ onyiiibi onyua iyo karabara ɔɔɔɔ ɔsia me i iso ne, aibaxere wũ kuira? Yere wũ so ɔba ñabuai me!"

<sup>41</sup> Mmo i Yesu to ɔɣere wũ so, "O Marta, ato aɔaa so i ara gbodzoo iso lo!"

<sup>42</sup> Yee ne, ira ka iwẽ pe lonya so aabie, fie isee nemo i Maria ɔɔi go kuwẽ iisibafo wũ ne iso."

## 11

### *Yesu Ɔte Ɔ Marasuãdze Kumego Maakparama Kayi.*

<sup>1</sup> Iyi iwẽ ne, Yesu ɔwe i kakoi kawẽ ɔto ɔkparama kayi. Go ɔro ne, ñ marasuãdze mawẽ ɔba ñ kore maɣere wũ so, "Bosate, te bo kumego

boakparama kayi le Yohanes ote ñ marasuãdze awe.”

<sup>2</sup> Ne Yesu to oxere ma so, “Si mito mikparama kayi ne, miye so,

‘Bo ose,

tã so boaro fo iyere i kuware ame.

Fo sigara idje si iba i bo ndẽ.

Tã bobara fo kudæ

i karõ iso le mase mabara i kato.

<sup>3</sup> Tã bo ikpenẽ ame araãea iyi biara.

<sup>4</sup> Si asu bo akpi atse bo,

alaso bo wũ bose bosu botse oturi biara go loyere bo.

Daatã so boabo i kalakanyo ame.

Yee di bo boregu i akpi ame.’ ”

<sup>5</sup> Ne Yesu to oxere ñ marasuãdze so, “Si mi ndẽ orere ose ñ olaa iyo ku kasẽ ndẽ ose ñatara wũ so, ‘Wũ olaa, nye abolo abo ate tã me,

<sup>6</sup> alaso wũ olaa owẽ ose i ori oãa ñabo me kinio, yee lona ku araãea wa loatã wũ!’

<sup>7</sup> “Si fo olaa gomo oxere-o so, ‘Daaba aãa me! Bo gu wũ mabi ka bore fie boosẽ akui ana. Loisibawo oledza ita iba iatã-o kuir.’

<sup>8</sup> Si iba ngbo ne, be idje aabara? Nto loyere mi so si kulaa kerekere oso ne, ñibata. Yee kumego aye atogu wũ iti itã oso ne, oto ñata otã-o ira biara ne ato abie.

<sup>9</sup> “Ne oso nto loyere mi so, mikare ara si maatã mi ara, mibie ara si miana, mipe kukui korõ si maasese mi iyo.

<sup>10</sup> Alaso oãiara go nse okare ira ne, ose ofo. Oãiara go nse obie ira ne, ose ona ne, fie oãiara

gɔ nse ɔkpura kukui kɔrɔ̃ ne, mase masese matã wũ.

11 “Fie mi ma nde maɣese ne, mi ɔwẽ aasu aɣe ɔtã ñ obi si ɔkare wũ ikpe?”

12 Ƴee ɔsu ɔboitete ɔtã wũ si ɔkare wũ ikɔkɔɣɔ?

13 Si mi ma nde makpibaradze kɔra ɣe kumegɔ miasu ara see mitã mi mabi ne, iyo mi ɔse gɔ mpia i kato ɣee? Be ɔso ñibasus ñ Siwarã Bielea ɔtã mma nto makare wũ?”

*Mawẽ Ɔkpadzẽgu Yesu Atõme I Ɔ Ɔle Iso.*

14 Ɔwi ɔwẽ ne, Yesu to ɔsa siwarã lalaa dze lotã so ɔturi iito ɔwo ika ɔde. Ne gɔ siwarã dzemo ɔbɔre i ɔmumu gɔmɔ ame ne, ɔtse ika idɛ ne ɔso ibara mma nɣe i mmɔ ɣii.

15 Ƴee ma ndẽ mawẽ ɔɣe so, “Siwarã lalaa igara Beelzebul ɔde lotã wũ ɔle gɔ ɔsu ɔto ɔsa siwarã lalaa ɔɔi.”

16 Mawẽ ana ɔla Yesu manyɔ ne ɔso maɣere wũ so ɔbara iwawãra ɔte so Ƴaa kɔre ɔbɔre.

17 Ƴee Yesu ɣe nne mpia i ma adzuni ame. Ne ɔso ɔɣere ma so, “Karɔ̃ biara ga maturi loɣeɣe so mato makpẽgu so ne, karɔ̃ gamɔ to kaakpese ikpakpi. Ngɔ ame si iyo irere maturi ɔta maɣe so iso mato makpẽgu so ne, iyo nemɔ to iasasame.

18 Ne ɔso si Ɔbosam sigarakadekɔ ɔta siɣe so iso ne, nda i sigarakadekɔ dzemo aawo ɔya? Nto loɣe ngɔ ala mito miɣe so nto losa siwarã lalaa i Beelzebul iyere ame.

19 Si Beelzebul ɔle iso nto losa sã ne, nna ɔle iso i mi masiaidze to masa siwarã lalaa maɔi i maturi ame? Mi mɔmɔ masiaidze to maatã mi ipo.

20 ҮӼЕ si Үaa Siwarã ole ame nto losa siwarã lalaa ne, mitsue kukaako so Үaa sigara oḁewi ooba ðabo mi ndě.

21 “Si oturi go mba ole onyome akpadza oto oḁzuě ð iyo ne, ð kaira iibayu.

22 ҮӼЕ si ngo mba ole oḁo wũ oba ðakpěgu wũ fie oḁe wũ iso ne, oto ðafo ð akpapkěra wa oḁuḁu oḁsu oto oḁzuě so ala oḁsu ð karana ðaxexex ð malaa.

23 “Ngo loixegu me ne, mitsue so ota oxex me iso gbaã. Ngo loito osagu me ara kanya ne, oto osamarã ara.

*Siwarã Lalaa Ikpese Iba.*

24 “Si masa siwarã lalaa maḁi i oturi ame ne, sise sikexe siawe siki sibie kawekõ i kakorekõ. Si siina kukakoi ne, sise sixerex so so, ‘Loakpese lokexe iyo nE ame masa me maḁi.’

25 Ne oso siaba sianya so maofie iyo nemo ame maledza ira biara se kukaako.

26 Iyo siakpese sikexe siako siwarã lalaa aka akodze mama dze lonyanyari siḁo se sibua so iso. Maabo i ngomo ame mawe, ne oso ð kawirikõ to kaanyanyari kaḁo ð karõkasekõ.”

*Yesu Ote Ara I Oturi Go Mba Isoxo Momo Iso.*

27 Go Yesu oxex ara wagbe oro ne, orõgo owě i maturi ndě mmo ola kulu oxex so, “So aaxo orõgo go loxe-o gu ngo lotã-o inye amemel!”

28 Ne Yesu to otã wũ mmuai so, “Mma nto manox Үaa itõme fie mato mabara i ne iso i so aaxo!”

*Yesu Osě So Oibabara Iwawãra Ote.*

29 Go maturi ma loki malo Yesu oosi mabua ne, oxexex ma so, “Minyo kumego kiniogbe maturi

ba ɔtile! Mato mabie awawāra sɔ maanya χεε maibanya kuiwē idɔ Ƴaa kanyadidze Yona ire igbā.

<sup>30</sup> Kumεgo ame i Ƴaa kanyadidze Yona ɔde ikparī ɔtā Niniwe maturi ne, ngbo ame i Ɖturi Awune Ɖbi ana aade ikparī ɔta kiniogbe maturi ne.

<sup>31</sup> Atōme iχeyi ne, Igararōgo go lobɔre i bo karō kala ise to ɔata ɔya ɔtā mi kiniogbe maturi ipo, alaso ɔse ɔri dzoroo ɔbɔre i kayi iti tsɔra ɔba ɔakā Salomo atōme wa ame i inogba pia atsue. Ƴεε nto loyere mi sɔ ngo inogba loɔo Salomo ire pia i mi ndē ngbe.

<sup>32</sup> Niniwe maturi to maata maya masō mi arɔī i katō ku atōme iχeyi. Alaso ɔwi go i Yona ɔyere ma Ƴaa itōme ne, mafiniki i ma ara lalaa wa mato mabara ame. Ƴεε nto loyere mi sɔ ne, ngo loɔo Yona pia i mi ndē ngbe!

### *Yesu Ɖte Ara Wa Loatā Ɖturi Ikpawaī.*

<sup>33</sup> “Kuwē iise ɔtsue ɔkānie ɔsu ɔwerera χεε ɔfu ara. Ƴεε ɔse ɔtara ɔsia i ngbego i maturi ma loabo iyo aanya kukaako.

<sup>34</sup> Ɖturi anɔmi nde ɔkanie atā wū. Si fɔ anɔmi to anya kukaako ne, iyo fɔ ame ɔɔɔɔ ɔkpa. Ƴεε si fɔ anɔmi iito anya kukaako ne, idududu sɔɔ idɛ i fɔ ame.

<sup>35</sup> Ne ɔso nyo sɔ aibatā ikpawaī ne mpia i fɔ ame ɔkpese idududu.

<sup>36</sup> Si ikpawaī ɔyi i fɔ ame ɔɔɔɔ fie fɔ kukakoi na i idududu ame ne, tsue sɔ fɔ iso ɔɔɔɔ ɔkpa le kumεgo matsue ɔkanie masia i ira iso fie iyo ɔɔɔɔ ame ɔkpa awe.”



*Yesu Otã Ma Farisise Gu Mmara Matedze Ipo.*

<sup>37</sup> Gõ Yesu oðe ika oro ne, o Farisise owẽ okpere wũ so oba ãađe ara i õ iyo. Okelẽ ose ãase i iyo ame so maade ara.

<sup>38</sup> Ibara o Farisise gomo xii go onya so Yesu iifore nroõ le kumego i kubarara ote kanya fie otse adera ide.

<sup>39</sup> Ne oso Bosate oyere wũ so, “Mi ma Farisise ne, mise mifore mi aderoi gu akoi kama xee ne, mi ame oyigu otile gu anyanyara odudu ibara.

<sup>40</sup> Madzimifo! Yaa go lobara ira kama ne, iide õ ame lobara kame ne?

<sup>41</sup> Misu ira biara ne mpia i mi aroi gu akoi ame mitã mawereba si mi ira biara aakpa sekelee i Yaa katõ.

<sup>42</sup> “Ndzo miđe mitã mi ma Farisise! Mise miđi mi aradea ika weova ta aposarebi, ibura, sikoma agbãagbã mitã Yaa. Yee mise so miibađe atõme i ori iso fie miidže Yaa ana. Ara wagbe ikote so miasu mibua i nwa mimõẽ mito iso ne. Yee miibanyua kuiwẽ mise.

<sup>43</sup> “Ndzo miđe mitã mi ma Farisise! Alaso mise mibie nsekõ kolea i mi kusarekõ. Mise mibie so maturi si maya mi ku karõ iboso i kuşa ame.

<sup>44</sup> “Ndzo miđe mitã mi, alaso mise le akpibio wa maise ikpo fie maturi se maki i wã iso i idaatsue ame.”

<sup>45</sup> Mmo i mmaratedze owẽ i ma ndẽ to oyere wũ so, “Ratedze, Si ađe ngbo ne, ato atia bo bo wũ.”

<sup>46</sup> Ne Yesu otã wũ mmuai so, “Ndzo miđe mitã mi mmara matedze ana. Ato wa i maturi iibawo

osore ne, wã ađe misu misorera ma fie miito mibara adzuni so miabuai ma masore wã.

<sup>47</sup> “Ndzo miđe mitã mi alaso mitsue Yaa kanyamađidze ma lookpi akpibiɔ, ɣεε ne, mi mawa lođoe ma.

<sup>48</sup> Fie mi mɔmɔ to mitɔrã misia so ara wa i mi mawa obara ne, apia mi isoxɔ. Mađoe Yaa kanyamađidze, ne mi wũ miotsue ma akpibiɔ ne.

<sup>49</sup> Nnegbe osɔ i Yaa iwola oɣε so, ‘Loasese wũ kanyamađidze gu makpabo i ma ndě, mađoe mawě, makpěgu mawě.’

<sup>50</sup> Ne osɔ kiniogbe maturi oduđu ne, mato maakpadzě ma kutsue i Yaa kanyamađidze ma oduđu mađoe, ita i karɔkasekɔ iba iabo kinio.

<sup>51</sup> Ita i owi go mađoe Abel ise iabo Zakaria go mađoe i isɔrekasege gu ngbegɔ marɔ so kasekelekɔ ndě. Gbaã nto loɣere mi so Yaa to oakpadzě kiniogbe maturi kutsue i ma oduđu itil!

<sup>52</sup> “Ndzo miđe mitã mi mmara matedze! Alaso iyo ne ame i iwola pia ne, misě ne akui mise. Mi mɔmɔ ne, misě so miito mibo i ne ame. Mma ana nto mabie so maabo ne, mitě ma ori so madaabo.”

<sup>53</sup> Go Yesu orui i mmɔ ne, ma Farisise gu mmara matedze onagu wũ sikipã gbaã matse wũ atɔme ikpadzě gu i ara agbãagbã iso.

<sup>54</sup> Mabie ori go iso maaki fie oɣε inyakpi irere fie maaya i ne iso matã wũ ipɔ.

## 12

### *Yesu Ote Ara I Mila Ara Ibara Iso.*

<sup>1</sup> Go maturi kukpi kukpi oɔba maasakanya fie mato malili so manene so ne, Yesu otse o

marasuãdze iḡere sɔ, “Midzuẽ so i ma Farisise mila ara wa loakpɔkpɔtora maturi iso.

<sup>2</sup> Ira biara ne mafu ara ne, mato maabusi ne. Fie ira biara ne mabara i iwere ame to iare kayi.

<sup>3</sup> Ne ɔso ibiara ne maḡe i idududu ame ne, ito iaba i inyamo. Awerera gu ara wa maḡe i iyo kame ɔɖuɖu ne, mato maape wã imomo.

### *Minigã Ḳaa Ne Iiɖe Maturi.*

<sup>4</sup> “Wũ malaa, nto loḡere mi sɔ midaanigã mma loadɔe siturina fie ne kama ne, maisibawo kuiraa ɔbara.

<sup>5</sup> Ɖturi gɔ ikote sɔ mianigã ne, loadɔi wũ lote mi. Minigã Ḳaa gɔ si ɔɔɔɔe ɔturi ɔro ne, ɔba ɔle ana sɔ ɔasu wũ ɔpia i itɔkpe ne loise inyi ame. Loḡere mi sɔ ɔ lokote sɔ mianigã ne.

<sup>6</sup> Iiɖe kupere kunyɔ mase marɔɔẽ kunagini kuru? Ḳee Ḳaa ano iise ata i kukawẽ iso.

<sup>7</sup> Mi ati siwerẽ kɔra ne, Ḳaa ḡe sã kusime. Ne ɔso ne, midaanigã alaso mifo kuḡa miɔo kunagini gbodzoo.

### *Miya I Yesu Kama Teteree.*

<sup>8</sup> “Loto loḡere mi kukaako sɔ ngo loaya i maturi katɔ ɔḡe sɔ wũ ɔre ɔɖe ne, Mme Ɖturi Awune Ɖbi mme wũ nto loḡe ngbo ame i Ḳaa makpabo ɔɖuɖu katɔ i ɔ iso.

<sup>9</sup> Ḳee ɔbiara gɔ loasẽ me i maturi katɔ ne, Mme Ɖturi Awune Ɖbi mme wũ nto loasẽ wũ i Ḳaa makpabo ano.

<sup>10</sup> Ɖturi biara gɔ loḡe inyakpi i mme, Ɖturi Awune Ɖbi, iso ne, Ḳaa to ɔasu ɔtse wũ. Ḳee ngo loḡe imusuora i Siwarã Bielea iso ne, Ḳaa iibasus ɔtse wũ.

11 “Si makpadzē mi makelegu ma Yudase kasarekō xee makpakpa xee magara katō so maaxegu mi atōme ne, midaamararā so so be miase miaxe xee nda miadj̄i so kanya.

12 Alaso Siwarā Bielea to siate mi nne miaxe si owi gomō ooxo.”

*Ranase Dzimifo Owē Iso Itōme.*

13 Orerē owē i maturi ndē i mmō oxere Yesu so, “Ratedze, xere wū onyiibi so otā boxe so bo ose ara wa onyua ose bo.”

14 Mmō i Yesu to otā wū mmuai so, “Wū oturi, nna lobara me atōmexedze gu ngo loaxe mi ara?”

15 Ne Yesu to oxere ma odudu so, “Minyo tuee si minyo so i kanobebe biara iso, alaso oturi ngbā mōmō na i ō karana ga oba ame.”

16 Ne Yesu to ope ma igbā negbe so, “Ranase owē owe go karō lolē kukaako oso ō oadui obua ole gbaā.

17 Ne oso oxere so so, ‘Go nna ngbego loafere wū oadui kiniō ne, be loabara?’

18 “ ‘Nne loabara nde so, loabiebie wū siwu lotsue sixete dze lomō sidō ndzegbe. Iyo loana ngbego loafere wū oadui odudu.

19 Loaxere so so, “Iti obua ile me. Oadui go lona to ōase ako ako. Loawarā, lođe ara, lone ara, lona isoxo.” ’

20 “Xee Yaa oxere wū so, ‘Fo dzimifo! Kasē gagbe ame nto lofo fo ngbā ne. Nna lođe ara wa odudu asakanya ase so ngbe?’ ”

21 Ne Yesu owirigu ma so, “Ngbo iase itā ngo lotā karana ofu so xee ona kuira i Yaa ano ne.”

*Yaa Se Onyo Ō Mabi Iso.*

<sup>22</sup> Ne Yesu to ɔɣere ɔ̃ marasuãdze so, “Ne ɔso nto loɣere mi so midaamarã so i mi ngbã, nne miade gu nne miapia iso.

<sup>23</sup> Ngbã ɔfo kuɣa miɔo aɖera fie sosina ɔfo kuɣa siɔo arapia.

<sup>24</sup> Minyo kukparodza go i ɔwiri ame, kuise kupe ɔraɖui, ngbo ame kuise kusorẽ ɔraɖui ana ne. Kuna siwu gu awumi. Ƴεε Ƴaa se ɔtã kɔ̃ aɖera. Mi ne, mifo kuɣa miɔo kukparodza kokooko.

<sup>25</sup> Mi nna loawo ikpenε iwẽ ɔsu ɔbua i ɔ̃ agbanayi iso iki i imararãso ame?

<sup>26</sup> Si miibawo kaira ɔbara i ara wiriwiria wagbe iso ne, iyo midaamararã so i ara mama iso.

<sup>27</sup> “Minyo kumεgo adziri se ale ɔnyo si afere aɣɔla. Aise ata ɖɔti ɣee awe ɔkati atã so. Ƴεε loɣere mi so, Igara Salomo kɔra si ɔkere so ne, ɔise ɔle ɔnyo le kudziri go lofere aɣɔla.

<sup>28</sup> Ƴaa nse ɔkere sikua ngbo. Sikua dze mpia nome korãkaɖe maokpẽ sã mafere i ɔto ame matsuedza. Si Ƴaa to ɔnyo sikua iso ngbo ne, ɔ̃ibabara ɔtã mi ma loɔo Sikua? Be ɔso i mi kafokade ɔfoforo ngbo?

<sup>29</sup> Ne ɔso midaasu mi ɔtu misia i nne miade ɣee miane iso, midaamararã so i ne iso.

<sup>30</sup> Alaso mma loifo Ƴaa made ne, ara wagbe iso masu ma ati masia ne. Mi ɔse ɣe ara wa ɔɖuɖu lonya mi.

<sup>31</sup> Ƴεε ne, mila miɔbu iti ame i Ƴaa sigarakaɖekɔ̃ iso si ɔ̃asu ara wagbe ɔɖuɖu ɔbua mi.

*Misu Anɔ Misia I Ƴaa Sigarakaɖekɔ̃ Iso.*

32 “Wū masiaidze ma loisi, midaanigã. Alaso Yaa isoꝝo idε so ðatã mi ð sigarakadekõ.

33 Misu mi iso ara mirõdẽ si mibara mi karana karabara i mawereba iso. Mibie sikã akpo wa loise anina mise so i kato. Mmõ ne, kaase kpoõ, kuwẽ iibapegu fie kaibaro ana. Alaso yukukpe iibawo mmõ obo fie makorokpe ma nse manina ara ana iibawo mmõ obo.

34 Alaso ngbego i fõ karana se ne, mmõ i fõ otu ana aawe ne.

### *Yesu Oyere Ō Marasuãdze So Manyo Tuee.*

35 “Miledza so mitã ira biara ne loaba si mi sikanie ana si sidaanyi

36 le maɖabo ma nto manyo ma okõse go ngba orõgo kakokõ ori so ðaba. Fie si obo ðakpura kukui korõ ne, maasese wū oluwẽ.

37 Maɖabo mamõ aana isoꝝo si ma okõse aaba ðanya ma so manyo tuee mato manyo ð iba ori. Nto loyere mi so, ðakpasa okati otã mase i karõ, ð mõmõ otã ma aradea so maɖe.

38 So abua siꝝo ma si ðaba ku kasẽ ndẽ xee oɖeserã obo ðanya so manyo ne, sire iisu ma.

39 Kiniõ ne, mitsue so si iyosate xe owi go ame i yukukpe aaba ðayu wū ne, ðibatã wū ori so obie ð iyo obo i kame.

40 Ne oso mi wū ne, minyo tuee alaso mme, Oturi Awune Ōbi, to loaba loabore mi iso ku owi go miito minyo ori.”

### *Ikote So Oɖabo Aakã Atsue.*

41 Mmõ idε i Petro to okare Yesu so, “Bosate, bo kere ato ape igbã negbe eberε maturi oɖoɖu ato?”

<sup>42</sup> Mmọ i Yesu to ọ̀xẹ sọ, “Ọ̀dabo gọ mba iwola fiẹ ọ̀sẹ ọ̀bara ara i ọ̀ri iso ne, ń i ń ọ̀kọsẹ sẹ ọ̀su ọ̀bara mađabo tsọra nyọisose sọ ńatã ma arađea i ọ̀wi sẹẹ iso ne.

<sup>43</sup> Nyọ, so to siaxọ ọ̀dabo gọmọ gbaã, si ń ọ̀kọsẹ ọ̀ba ńanya sọ ọ̀to ọ̀bara ngbọ!

<sup>44</sup> Gbaã ne, nto loyere mi sọ ọ̀kọsẹ gọmọ to ńasu ọ̀dabo gọgbe ọ̀sẹra i ń ara ọ̀duđu kanya.

<sup>45</sup> Yẹẹ si ọ̀dabo gọmọ ọ̀xẹre so sọ, ‘Wũ ọ̀kọsẹ to ńawe ina ọ̀pã i ọ̀ri gọ ọ̀kpa ame,’ Ne ọ̀so ọ̀tse ọ̀de gu ọ̀nẹ, ọ̀rẽ ndã, ọ̀pẹ mađabo tsọra, marerẽ gu marõgo ọ̀duđu ne,

<sup>46</sup> ń ọ̀kọsẹ to ńaba ńabo ku ọ̀wi gọ i ọ̀dabo iito ọ̀nyọ wũ ọ̀ri. Mmọ ne, ń ọ̀kọsẹ to ńakpadzẽ wũ kutsue i matsuelese ndẽ.

<sup>47</sup> “Ọ̀dabo gọ nyẹ ira ne i ń ọ̀kọsẹ sẹ ọ̀bie sọ ọ̀bara ọ̀tã wũ yẹẹ ọ̀sẽ sọ ńito ọ̀bara ne, ipẹ to iabo wũ gbaã.

<sup>48</sup> Yẹẹ ọ̀dabo gọ loiye nne i ń ọ̀kọsẹ to ọ̀bie sọ ọ̀bara fiẹ ọ̀bara nne lokote itã ipẹ ne, ń ipẹ iibafe isi. Ngo matã ara gbodzoo ne, mato maakare ara gbodzoo mabọregu i ń kọre. Ngo ana matã ara abua afe isi ne, ngbọ ame maakare mabọregu i ń kọre ne.

### *Maturi To Maḡeḡe So Ala Yesu Ọso.*

<sup>49</sup> “Yaa kutsue ikpadzẽ ne nse le ọ̀to losu lobo kayiiso. Fiẹ wũ kayiri tee ọ̀to gọmọ ọ̀wara.

<sup>50</sup> Yaa itupie iwẽ to iaba me iso fiẹ lona iwarã kuiwẽ gbọgbọgbọ inyewe nẹgbe ọ̀wi ọ̀fẹ ọ̀ro.

<sup>51</sup> Mibu sọ isobue idẹ losu lobo kayiiso? Ooḡo! Iidẹ isobue losu lobo yẹẹ iḡeḡe so idẹ.

<sup>52</sup> Ita i kinio ne, iyo ne ame i maturi iru pia ne, mato maata maya so iso. Ma inyo to maata maya ite iso fie ite ana to maata maya i inyo iso.

<sup>53</sup> Ose to ãata oya i ã obi birereĩ iso fie obirereĩ to ãata oya ã ose iso. Mabi manyi to maata maya ma mabi birõgomi iso fie mabirõgomi ana to maata maya ma manyi iso. Marã manyi to maata maya ma mabire iso fie mabire ana to maata maya ma marã manyi iso.”

*Yesu Oka Maturi Ma Oto Odegu Ika.*

<sup>54</sup> Yesu oxere ma ana so, “Si minya so adodo to abore i kuõẽ iyo kabokõ ne, mise miõe so kado to õape, fie ise iba ngbo ana.

<sup>55</sup> Si minya so owiri to okpẽ obore i kala ise ne, mise miõe so awururu ka aba fie ise iba ngbo.

<sup>56</sup> Maladze! Mise miwo kudokpo onyo õõe kumegõ i kayi aase, õõe miito miwo owi go ame mipia onya oõi ite!

*Yesu Ote Kumegõ Maaledza Maturi Inyo Ndẽ.*

<sup>57</sup> “Be oso miibabo i ara ame minyo so imele nle go miabara?

<sup>58</sup> Si fo gu oturi ona atõme fie oko-o oto okelõgu atõmekaxekõ ne, ki i ori biara iso si aledza mi gu wũ inyo ndẽ fie miabo atõmekaxekõ. Si iide ngbo ne, oto õasu-o otã matõmexedze, ma wũ masu-o matã mma nse mamõẽ maturi mamõẽ-o mapia i iyo.

<sup>59</sup> Fie lobie so mitsue so ato aawe i iyo karekõ gbõgbõõgbõ owi go atã kuso go ato kapere tsora aro.”



## 13

*Si Miifniki I Situ Ame Ne, Mito Miakpi Miwo.*

<sup>1</sup> Ɔwi gɔmɔ ame ne, mawẽ ma mpia i mmɔ ɔɣere Yesu kumεgɔ i Pilato ɔɔɔe Galilea maturi mawẽ ku ɔwi gɔ mato mafẽ ara matã Ƴaa.

<sup>2</sup> Mmɔ i Yesu ɔkare ma sɔ, “Mifo miɔe sɔ Galilea maturi mamɔ nde makpibaradze maɔɔ ɔso fie maɔɔe ma ngbɔ?”

<sup>3</sup> Ooɣo, iide ngbɔ ide! Ƴεε nto loɣere mi sɔ si miinyua ara lalaa ibara ne, mi wũ ngbɔ ame miakpi ne.

<sup>4</sup> Maturi iweo-farafana ma i Siloa iyo kɔlea nεmɔ ɔbie ifu ɣεε? Mifo miɔe sɔ ma nde makpibaradze maɔɔ mma ɔɔɔɔ mpia i Yerusalem?

<sup>5</sup> Ooɣo, iide ngbɔ ide! Nto loɣere mi sɔ si miifniki minyua mi akpi ibara ne, ngbɔ ame i mi ɔɔɔɔ aakpi ne.”

*Yesu Ɔpe Igbã I Kuɔɔdziri Gɔ Loito Kuɣɔ Abi Iso.*

<sup>6</sup> Yesu ɔpe igbã nεgbe sɔ, “Ɔwi ɔwẽ ame ne, ɔrεrẽ ɔwẽ ɔwe gɔ lopia kuɔɔdziri i ɔ kakpekɔ ame. Ɔse kuɔɔdziri gɔgbe katɔ sɔ ɔɔɔie kɔ abi, ɣεε ɔina kuiwẽ.

<sup>7</sup> Mmɔ ɔɣere ngɔ nto ɔnyɔ kakpekɔ iso sɔ, ‘Ako ate sɔɔ loɔba loabie adziribi i kudziri gɔgbe iso fie loina kuiwẽ ne. Ɖae kɔ alasɔ kuto kunina karɔ ga iso kuɣe.’

<sup>8</sup> “Ƴεε ngɔ nto ɔnyɔ kakpekɔ iso ɔtã wũ mmuai sɔ, ‘Bokose, tã botã kɔ iko iwẽ saã bobua bonyɔ. Loakuri kɔ kayirino lofere ara wa loatã karɔ ida lonyɔ.

<sup>9</sup> Si kuḡõ abi ne, iyo ile. Ḳee si kuiḡõ abi ne, boawo kõ oḡae opeyu.' ”

*Kakpadzẽ Mama I Iwarãyi Iso.*

<sup>10</sup> Iwarãyi iwẽ iso ne, Yesu ose ñate ara i ma Yudase kasarekõ.

<sup>11</sup> Orõgo owẽ ana owe i mmo go siwarã lalaa onyera wũ ako aweo-farafana soõ. Siwarã dzegbe otã so orõgo gogbe oko, ñise owo ota oya tɔrɔrɔ.

<sup>12</sup> Go Yesu onya wũ ne, okpere wũ oxere so, “Orõgo, onna isosare!”

<sup>13</sup> Yesu osu ñ nroõ osia wũ iso. Oluwẽ ne, orõgo gogbe ko lota oya tɔrɔrɔ otse Ḳaa ile.

<sup>14</sup> Sikpã omõẽ okpakpa go nto onyo kasarekõ mmo iso gbaã so Yesu osa nyese ku Iwarãyi iso. Ne oso oxere maturi oḡuḡu so, “Boba ayi akuo wa boasu bobara bo karabara ne oso si irere to mi ndẽ orere fie oto obie so masa wũ ne, oba i ayi wamõ ame ne iide Iwarãyi iso!”

<sup>15</sup> Mmo i Bosate to otã wũ mmuai so, “Mi mal-adze, manantsuĩ gu mafirimu ma nse mabara mi karabara ne, mi nna loikurisi ma i siwẽ ame so makele ndu kanekõ?”

<sup>16</sup> Ḳee ne, Abraham ñ owa tete go i Obosam opia onye ako aweo farafana ngbe ne, iikote so maasa wũ ku Iwarãyi?”

<sup>17</sup> Itõme ne i Yesu oxere ngbe otã so kunuare okpẽ ñ matsirise Ḳee maturi tsora ona isoḡo i awawãra wa oto obara oḡuḡu iso.

*Yesu Osu Ḳaa Sigarakadẽkõ Okoteragu Kadzirimi Kawẽ.*

18 Ne Yesu to ɔkare ma sɔ, “Miɣe nne maasu ʎaa sigarakadekɔ̃ makateragu? Be idɛ boasu bokateragu iakote?”

19 Ise le idziribi kosoi iwẽ ne i ɔrerẽ ɔsu ɔse ɔape i ɔ̃ kakpekɔ̃ ame. Gɔ ɔradui gɔgbe ɔre ne, ɔmɔ ɔkpese kudziri siare gɔ kurodzai aabara ayo i kɔ̃ akpa ame.”

*Yesu ɔsu ʎaa Sigarakadekɔ̃ ɔkoteragu Inyagẽ Kua.*

20 Yesu ɔledza ma igbã mama ipɛ iɣe sɔ, “ʎaa sigarakadekɔ̃ se siɣa le ngbe.

21 Ɖrɔ̃go ɔwẽ ɔsu inyagẽ kua ɔpia i mmɔre me losi ame, ɔkpɔkɔto ɔsakanya gbɔgbɔɔgbɔ mmɔre ɔduɔdu ɔnyagẽ.”

*Yesu Ɖɣe Sɔ Ngbã Kayogodɔ̃ Se Mɔmɔrĩ*

22 Yesu ɔwe ɔki i simagẽ gu ngorowase ame ɔto ɔte maturi ara ku ɔwi gɔ ɔto ɔkɛle Yerusalem.

23 Mmɔ i ɔrerẽ ɔwẽ to ɔkare wũ sɔ, “Tete, maturi kɛkɛĩ kere loana idj?”

Ne Yesu to ɔtã wũ mmuai sɔ,

24 “Pia kube si aki i kayogodɔ̃ mɔmɔrĩa ame. Alaso maturi gbodzoo to maabie sɔ maaki i mmɔ mabo ɣee maibawo ɔbo.

25 Ɖwi to ɔba gɔ iyosate to ɔata ɔmɔẽ kukui ɔsẽ. Iyɔ mi ma lokuti miɣe i kayoma to miatse kukui ikpukpura iɣe sɔ, ‘Tete, sese bo iyo!’

“ʎee iyosate gɔmɔ to ɔɣe sɔ, ‘Loiɣe mi!’

26 “Iyɔ mito miaɣe sɔ, ‘Bo gu-ɔ ɔɔɛ ara bone ara fie ate ara i bo ɔmagẽ ame!’ ”

27 “ʎee ɔto ɔaledza mi iɣere sɔ, ‘Loiɣe ngbego mibore! Mirui me i kɔre, mi ara lalaa mabaradze ɔduɔdu.’

28 “Kaku gu inyewe aaba si minya Abraham gu Isak gu Yakob gu Yaa kanyamaɗidze ɔɗuɗu i Yaa sigarakadekō ame xee Yaa aasa mi so midaabo.

29 Maturi to maabore i kuɣɛkaborekō gu kō iyo kabokō maba. Maabore i kato gu kala ise maba maasakanya i Yaa sigarakadekō maɗe ara mane ara.

30 Maturi mawẽ ma nde matsora to maakpese maɗeakatō. Fie maɗeakatō mawẽ to maakpese matsora.”

*Yesu Ba Kuɗɗe Ɔtã Yerusalem.*

31 Ɔwi gomo ame ne, ma Farisise mawẽ ɔba Yesu kore maba mayere wũ so, “Bara mala si abore ngbe akere kakoi mama ala Igara Herodes to ɔbie so ɔaɗɔe-ɔ.”

32 Ne Yesu to ɔgere ma so, “Mikere miayere ran-inadze gomo so, ‘Nome ne, loasa siwarã lalaa loɗi i maturi ame, losa manyese ise iabo korãkaɗe. Ikpenɛ teare iso ne, loaro wũ karabara.’

33 Ne ɔso kinio ne, ita i nome ise iabo koranowẽ ne, loaxo ɔri. Alaso iikote so maɗɔe Yaa kanyadidze i kakoi mama ido Yerusalem ɔmagẽ ame.

34 “Yerusalem, Yerusalem! Fo go maturi nto maɗɔe Yaa kanyamaɗidze, fie mase mabara mma i Yaa ɔpia katōme i fo kore ɔtile mapɛ ma ata. Ɔwi gbodzoo ame loɔware nroɔ losɔ-ɔ so loafu fo maturi le koko ɔnyi se ɔware ɔ abue ɔfu ɔ mabi xee masẽ so lodaabara.

35 Nnegbe ɔso ne, Yaa to ɔaɗi ɔmagẽ gogbe atsue. Nto loyere-ɔ gbaã so ne, aisibanya me gbogboogbo ɔwi go miala kulu miɣe so, ‘Maale ngo nto ɔba i Bosate iyere ame!’ ”

# 14

## *Yesu Dledza Dorerẽ Dwe Isa Ku Iwarãyi Iso.*

<sup>1</sup> Iwarãyi iwẽ ne, Yesu ose ma Farisise okpakpa owẽ iyo go makpere wũ so obo ãađe ara. Mma lowe mmo okarã anɔ i ã iso totoroo.

<sup>2</sup> Dorerẽ owẽ go nroõ gu ngba loxe obo ã kore.

<sup>3</sup> Ne Yesu to okare mmara matedze gu ma Farisise mamɔ so, “Bo mmara ne, mitã bo ori so bosa onye ku Iwarãyi eberere miitã bo ori?”

<sup>4</sup> Ƴee maiwo kaira oxɛ. Ne Yesu omoe dorerẽ gogbe korõ osa wũ fie ođi wũ ori ne.

<sup>5</sup> Mmo oto oxere ma so, “Mi ndẽ nna obi xee nantsuĩ loakpase obo i ibu xee iwo ame ku Iwarãyi fie ãibađi wũ i Iwarãyi nemo iso?”

<sup>6</sup> Ƴee maiwo wũ itõme mmuai otã.

## *Yesu Dxe Kumegɔ Maabo So Karõ Gu Mafɔ Ifɔ Iso.*

<sup>7</sup> Go Yesu onya kumegɔ i mma makpere mabo adera kađekõ i mmo to makpẽ mabie nsekõ kolea ne, ope ma igbã negbe so,

<sup>8</sup> “Si oturi okpere-o so ba ã orõgo kakokõ ne, daase aase i kasekõ kolea pelepele. Alaso iawo obo so okpere omama go lokole odo-o ana obo i mmo.

<sup>9</sup> Daatã so ngo lokpere mi inyo oduđu aaba ãaxere-o so, ‘Tã ngogbe si obo ãase i mmo.’ Iyo ka aba aata aase i katsorakõ go kunuare amoe-o.

<sup>10</sup> Ƴee si makpere-o makelegu kakoi ne, se aase i iyara kosoi iso. Si ngo lokpere-o obo obo ãanya-o ne, ãaxere-o so, ‘Wũ olaa, ta ba se i iyara siare negbe iso.’ Nnegbe to iakole-o kato i maturi mama ma makpere mabo oduđu anɔ.

11 Alaso obiara go nse okole so kato ne, Yaa to ðabo wũ karõ fie oturi biara go lobo so karõ ne, Yaa to ðakole wũ kato.”

12 Ne Yesu to ofiniki oxere ngo lokpere wũ obo aradea kadekõ so, “Si ato akpere maturi so maba maade adera i fo iyo ne, daakpere fo malaa xee fo manyiibi xee fo maledze ma mba karana. Alaso ma wũ mato maakpere-o le kumego akpere ma so maba maade ara. Si iba ngbo ne, tsue so maobara mati-o kuso.

13 Yee si ato ana isoxo negbe igba ne, kpere mawereba gu mma lofefẽ mafu maise mawo ose, mma lokpi kasekase gu manobiedze.

14 Nnegbe loata Yaa ofere-o kusekuse ne. Alaso mmamo iibawo-o kuso kukuwẽ otã. Yaa to ðatã-o kuso ku iyi ne i maturi sekelea aata mabore i makpise ame.”

### *Makpere Maturi So Maba Maade Ara I Yaa Sigarakadekõ.*

15 Go mma nsi mato maade ara owẽ ono itõme negbe ne, oxere Yesu so, “So to siaxo mma loade ara i Yaa sigarakadekõ gbaã!”

16 Ne Yesu to oxere wũ so, “Owi owẽ ame ne, orerẽ owẽ okpere maturi gbodzoo so maba ð oporõ katukõ maba maade ara.

17 Owi go maowa adera maro fie ira biara okote ne, opia ð madabo so mase maaxere mma odudu okpere so ka maba alaso ira biara okote!

18 “Yee ma odudu otse kafara itu. Odeakatõ oxere odabo so, ‘Loxa karõ kawẽ, ne oso lose loanyo ka go itã so loibawo aba.’ ”

19 “Omama ana so, ‘Loḡa manantsuĩ iweo ma loakpẽ matã me i wũ kakpekõ ame. Ōri ka nto loḡo so loanyo kumego maawo karabara obara ne oso loibawo oba.’ ”

20 “Omama ana so, ‘Kinio ame loyiri orõgo ne, ne oso loibawo oba.’

21 “Ōḡabo okpese ose ñaxere ñ okose ara wagbe oḡuḡu. Sikipã omõẽ okose gbaã ne oxere oḡabo so, ‘Pe siwa kele siri iso gu amamai oḡuḡu ame i simagẽ ame si akpere mawereba gu maturi ma lofefẽ mafu gu manobiedze gu mma lokpi kasekase oḡuḡu abo.’

22 “Ōḡabo ose ñabara ngbo, ne okpese oba ñaxere ñ okose so okpere ma obo xee ne, kasekõ okuti kase gbodzoo ana.

23 Mmo i ñ okose to oledza wũ iyere so, ‘Kele aaki i sivurã iso gu nsekõ si akpere maturi abo so wũ iyo oḡuḡu ayi ku maturi.

24 Nto loxere-o so mma oḡuḡu lokpere so tee maba wũ oporõ katukõ ne, ma kuwẽ iibati wũ aḡera onyo!’ ”

### *Ato Aawe Anye Si Aḡe Rasuãdze.*

25 Ōwi owẽ ame go maturi gbodzoo siai Yesu ne, ofiniki oxere ma so,

26 “Ōbiara go loasiai me ne, ñibawo wũ siaidze oḡe si ñiḡe me oḡo ta ñ ose gu ñ onyi gu ñ ore gu mabi gu ñ manyiibi gu ñ momo.

27 Ngo loisore inyewe onyigbã osiai wũ nsegbai ne, ñibawo wũ rasuãdze oḡe.

28 “Si orere to obie so ñatsue iyo siare ne, ñaḡe katõ ose i karõ obu ara wa oḡuḡu lonya gu wã

kuḡa ɔnyɔ si ɔba sikã ðawo ɔtsue ɔro toto fie ðase karõ.

<sup>29</sup> Si ðibara ngbo ne, si ðopia ne i karõ ame ɔro ne, ðanyua iyoku ɔxedza. Mma ɔduɔdu lonya iyoku negbe to maatse wũ ima iḡe sɔ,

<sup>30</sup> 'Ngogbe ɔtse iyo itsue ḡee ðiwiri.'

<sup>31</sup> "Si igara ɔrere to okεε ðakpẽ kakpã ku makpakpẽdze kukpi kuweo fie ma gu igara go loakpẽ ba makpakpẽdze kukpi sinyɔ ne, ikote sɔ ðabu iti ame ɔnyɔ toto si sɔ ð ole go ɔba aawo ð tsirise gomo okpẽgu.

<sup>32</sup> Si onya sɔ ona ole ngbo ne, ðapia ð maturi mase maasaregu igara nyɔare gomo matã wũ iti sɔ ðibawo wũ okpẽgu ne ɔtã mafere kanya ndu toto kora fie igara gomo aaba kakpãtõ."

<sup>33</sup> Kawirikõ ne, Yesu ɔḡere ma sɔ, "Ngbo ame i mi ndẽ kuwẽ iibawo wũ rasuãdze ɔde si ðisẽ sɔ pelepele ne.

*Ara Wa Nna Kusia Ne, Maaɔi Wã Mawiri.*

<sup>34</sup> "Mma ba ɔmerẽ. ḡee si me ɔmerẽ ɔoro ne, aisibawo ɔri kuwe iso ɔki ɔpia me ɔmerẽ.

<sup>35</sup> Miide ira ne maasu mapia karõ ida ḡee mafere me i aku kawirikõ. Maasu me masa mawiri.

"Ne ɔso mi ma mba atsue si mino nne nto loḡe!"

## 15

*Yesu ɔpe Igbã I Masere Ma Loyu Iso.*

<sup>1</sup> Iyi iwẽ ne, ma lampofodze gu akpi mama mabaradze ɔba Yesu kore sɔ si maba maano ð itõme.



2 Ma Farisise gu mmara matedze mawě otse wũ iḡete iḡereso sɔ, “Ɔrerě gogbe se ɔfo makpibaradze ɔdegu ma ta adera!”

3 Ne ɔso Yesu ɔpe ma igbã negbe sɔ,

4 “Si mi ndě ɔrere ba masere kulafa fie ma ndě ɔwě ɔyu ne, be ɔabara? Ɔibanyua kasiwě-kaiwě ɔḡedza i adera kaɔekɔ ɔanyonyo ngo loyu gbogboogbo ɔanya wũ?”

5 Fie si ɔnya wũ ne, ɔana isoḡo gbaã ɔputa wũ ɔsia i iloi.

6 Ɔsore wũ ɔbo iyo ɔba ɔakpere ɔ mala gu magbamikui ɔḡere ma sɔ, ‘So ɔḡo me gbaã alaso lonya wũ sere go loyu ne ɔso minagu me isoḡo!’

7 Nto loḡere mi sɔ ngbo ame i isoḡo siare aawe i Ƴaa sigarakadekɔ ɔɔduɔ i kpibaradze ɔwě saã go lofiniki i ɔ otu ame ɔso ido maturi kasiwě-kaiwě ma loinya ifiniki ne.

### *Yesu Ɔpe Igbã I Sikãfudza Ibi Ne Loyu Iso.*

8 “Si ɔrɔgo ba sikãfudza abi aweo fie ɔyura iwě ne, be mifo miɔe sɔ ɔabara? Ɔatsue okanie ɔfie ɔ iyo ɔɔduɔ ame ɔnyonyo siyokã ɔɔduɔ ame gbogboogbo ɔanya ne.

9 Fie si ɔnya ne ne, ɔto ɔakpere ɔ mala gu magbamikui ɔsirakanya ɔḡere ma sɔ, ‘So ɔḡo me gbaã alaso lonya wũ sikã ibi ne loyu ne ɔso minagu me isoḡo.’

10 Nto loḡere mi sɔ gbaã ne, ngbo ame i Ƴaa makpabo ana aana isoḡo i kpibaradze ɔwě saã go lofiniki ɔso ne.”

### *Ɔbirereĩ Go Loyu Fie Ɔledza Ikpese Iba Ɔ Ɔse Kɔre.*

11 Yesu okelęgu i katõ ɔɣere ma sɔ, “Ɔrerẽ ɔwẽ ɔwe mabirereĩ inyo.

12 Kosore ɔba ñatu ñ ose ɔɣere wũ sɔ, ‘Tete, su wũ kaɖekõ ga loɔɔ me si akpi tã me kinio.’ Ne ɔso ñ ose ɔɣe ñ ara ɔtã mabi ma inyoɔ.

13 “Ayi arẽsaã kama ne, kosore ɔsu ñ ara wa loɔ wũ ɔɖuɖu ɔrɔdẽ ɔfo sikã ɔpia i ɔkoto ame ɔrui okelę karõ dzorɔa kawẽ iso ngbegɔ ɔse ñase ngbã nyanyarĩa ɔnina ñ sikã ɔɖuɖu.

14 Ɔwi gɔ ñɔnina ira biara ne ɔba ɔro kama ne, kukã siare kuwẽ ɔbo i karõ gamɔ ɔɖuɖu iso gɔ itã sɔ kukã ɔkpẽ wũ gbaã.

15 Ne ɔso ɔsu sɔ ose ñatã karõ gamɔ iso ɔturi ɔwẽ sɔ ñabara karabara igbã biara ga ñatã wũ. Ɔrerẽ gɔmɔ ɔsese wũ sɔ ose ñanyɔ ñ makparako iso i akorowa awẽ.

16 Kukã ɔso ne, ɔbie sɔ si ɔna makparako aɖera wa ɔto ɔtã ma ne, tee ñaɖe fie ɣe kuwẽ iitã wũ.

17 “Kawirikõ ne, ɔledza ikpese ibo sɔ ame ɔɣere sɔ sɔ, ‘Wũ ɔse maɖabo ma nse mabara ñ karabara kɔra ne, mase mana aɖera maɖe mami akuti. Ne mme losi ngbe kukã to kuɖoe me ne!

18 Loata loko tete kɔre lose loɔɔere wũ sɔ, “Tete, lobara ikpi, loɔere ɔ gu ɣaa.

19 Loisikote sɔ aakpere me sɔ fo ɔbi. ɣe su me bara le fo maɖabo ma nse mabara fo karabara ndẽ ɔwẽ.” ’

20 Ne ɔta ɔmala ñ ara ɔɔo ñ ose kɔre ɔri ne.

“Gɔ ɔse dzoroo ne, ñ ose ɔnya wũ ɔɖi ite sɔ ñ ɔbi ɔɖe nto ɔba. Ɔ ara ɔɖo wũ kayiri ne ɔtere ɔse ñɔmini wũ ku isoɔo ne.

21 “Mmɔ i obi gɔgbe ɔɣere ɔ̃ ose sɔ, ‘Tete, lobara ikpi i Ƴaa gu fɔ iso. Loisikote sɔ aakpere me sɔ fɔ obi.’

22 “Ƴɛɛ ne, ɔ̃ ose ɔkpere ɔ̃ maɖabo ɔɣere ma sɔ, ‘Mipɛ siwa si midji ara sɛɛ mipia wũ. Mipia wũ inyi si misu ndokota sɛɛ ana miba miapia wũ.’

23 Ne kama ne, mise mianyo nantsuĩ gɔ loɔbo idɔ midɔe si boba boadɛ iyi.

24 Alaso wũ obi gɔgbe ne, bosu wũ sɔ ɔ̃okpi ɣɛɛ ɔkpese ɔba ngbã. Ɔyu fie boledza wũ inya ana.’ Ne ɔso matse iyi idɛ.

25 “Ɔwi gɔmɔ ame ne, obi kpakpare ɔ̃ wũ ɔkpa iputu ame. Gɔ ose ɔto ɔba fie ɔ̃ɔbore ɔbo iyo ne, ɔtse aka gu katɔ kulu inɔ iyo ame.

26 Ne ɔkpere ɔɖabo ɔwɛ ɔkare wũ sɔ, ‘Be nto ikele i katɔ̃ i iyo ame?’

27 “Ɔɖabo ɔtã wũ mmuai sɔ, ‘Fɔ onyiibi lookpese ɔba kaa. Ne ɔso i fɔ ose ɔtã maɖoe nantsuĩ gɔ mba idɔ alaso ɔ̃ixɛ sɔ ɔ̃akpese onya wũ onyɔa.’

28 “Nnɛgbe ɔtã sɔ sikipã ɔmɔɛ ɔbirereĩ kpakpare gbaã ne ɔso ɔsɛ sɔ ɔ̃ito ɔkele iyo. Ne ɔ̃ ose ɔbɔre ɔkele ɔ̃ kɔre i inyamo ose ɔ̃atã wũ iti sɔ ɔrui ɔba iyo.

29 Ƴɛɛ obi ɔfiniki ɔkare ɔ̃ ose sɔ, ‘Be ɔso i mme gɔ mme nto lobara-ɔ karabara ako gbodzoo ndɛ nwagbe le fɔ ɔɖabo fie loibara kuira lota loya-ɔ iso ne, aitã me nane katepuĩ sɔ bo gu wũ malaa si bosu bopia so isoɣɔ?’

30 Ƴɛɛ gɔ fɔ obi gɔ lonina fɔ karana ɔsɛ ɔ̃asu ɔsiai marɔ̃go ɔbara ara nyanyarĩa ɔkpese ɔba ɔmagɛ ame ne, aɖoe bɔi gɔ mba idɔ atã wũ.’

31 “Mmo i ñ ose to ɔɣere wũ so, ‘Wũ obi, fo ne, bo gu-ɔ mpia ngbe ɔwi biara fie wũ ira biara ne, fo ire ide.

32 Ƴεε ne, ikote so boade iyi, bona isoɣo alaso fo ɔnyibi gogbe ne, bosu so ɔkpi ɣεε ɔkpese ɔba ngbã. Ɔyu fie boledza wũ inya.’ ”

## 16

### *Ara Nycisose Ɔwẽ Gɔ Loibara Ara I Ɔri Iso.*

1 Yesu ɔɣere ñ marasuãdze so, “Ɔwi ɔwẽ ame ne, ranase ɔwẽ owe gɔ ɔba ɔɔabo gɔ nse ɔnyɔ ñ ara iso. Maba maɣere ranase gogbe so ɔɔabo gɔ nto ɔnyɔ ñ ara iso to ɔnina wũ sikã.

2 Ne ɔso ranase ɔkpere ñ ɔɔabo gogbe ɔɣere wũ so, ‘Be ide nto lonɔ i fo iso ngbe? Wũ ara wa ɔɔɔɔdu ato anyɔ iso ne, su siko bo si boki i ara ame alaso aisibawo wũ ara ɔnyɔ iso ita i kinio.’

3 “Mmo i ɔɔabo gogbe to ɔɣere so so, ‘Wũ ɔkɔse ka ɔfo me karabara iso. Be loala loɔbara? Lona ɔle gɔ loakpẽ. Ara iwanyi ana to iakpẽ me kunuare.

4 Eɣεẽ! Loɣe nne loabara fie si wũ karabara ɔbɔre me i nroñ ame ne, wũ malaa aafɔ me manyɔ me iso i ma ayo.’

5 “Ne ɔso ɔkpere mma ɔɔɔɔdu nto ñ ɔkɔse kuso ɔwẽ ɔwẽ. Ɔkare ɔɔeakatɔ so ‘Nda ato wũ ɔkɔse?’

6 “Ne ngɔmo ɔtã wũ mmuai so, ‘Nnoĩ akuku siare kulafa.’

“Ne ɔɔabo gogbe ɔɣere wũ so, ‘Su fo kuso gɔ ato ɔko bo. Se i karñ si atserɛ so akuku siru kere lookuti aatã.’

7 “Ngbo ame ɔkpere ɔmama ana gɔ nto ma kuso so, ‘Fo ɣεε? Nda kuso ato?’

“Sose gomo ò wũ oye so, ‘Loto atita sikoto kulafa kuso.’

“Ne odabo gogbe ohere wũ so, ‘Su fo oko go ame botsere fo kuso bopia bo si atsere fasinafasina apia.’

<sup>8</sup> “Nnegbe oso ne, okose gogbe ole ò odabo go nna onukuare ngbe ala ò inogba i kayu siri dze iso okigu wũ oso. Gbañ ne, mma nsi ngbã matã kayi gagbe ara ne, masu ma anò masia nne mato mabara iso kora maḍo mma nto mabara Yaa sigarakadekõ karabara.”

<sup>9</sup> Ne Yesu okelagu i katõ ohere ma so, “Misu mi kayiiso karana mibuai maturi. Iyo si kaba kaaro ne, Yaa aafõ mi opia i ò kasekõ.

<sup>10</sup> “Obiara go nse omõ ara wiriwiria ola i onukuare ame ne, maatã wũ ori i ara siare ana iso. Obiara go loise ode onukuare i ara wiriwiria ame ne, õibade onukuare i ara siare ana iso.

<sup>11</sup> Ne oso si miimõ kayiiso karana mila i onukuare ame ne, nda maabara fie mafõ mi maḍe i siwarã ara wa i Yaa se otã iso?

<sup>12</sup> Fie si aide onukuare i ara wa nde oturi mama are iso ne, nda iabara fie maasu fo momo are matã-o?

<sup>13</sup> “Odabo kuwẽ iibawo makose inyo osumu. Si iide ngbo ne, oto ðaḍe owẽ otsiri owẽ. Yee ðaware owẽ ota oya owẽ iso. Miibawo Yaa gu karana osore.”

### *Yesu Ote Ara Mama Ana.*

<sup>14</sup> Go ma Farisise onò ara wa i Yesu oye ne, mabara wũ ayiãra alasò mase maḍe sikã gbañ.

<sup>15</sup> Mmo i Yesu ohere ma so, “Miḍe maturi ma nse mate so le masee i maturi anò. Yee Yaa xe mi

situ ɔduɔdu ame. Alaso ara wa lofo kuɣa i maturi ano ne, anyanyara aɔe i ʎaa ano.

<sup>16</sup> “Mose mmara ɔko gu ʎaa kanyamaɔidze ara wa matsere mase ne, abara wã karabara ise iabo Ndupiedze Yohanes ɔwi. Ita i ɔwi gɔmɔ ne, minɔ sɔ mato maɣe Itɔme Bielea i ʎaa sigarakaɔekɔ iso. Fie ɔbiara to ɔkpɛ sɔ ɔana ori ɔbo i mmɔ.

<sup>17</sup> ʎee ne, ise pɔkɔsɔɔ sɔ kato gu karɔ aawã iɔo sɔ maakpasera mmara kakpoi kosoɔi tsɔra maɔi.

<sup>18</sup> “Ɔrerɛ biara gɔ losɛ ɔ ɔre fie ɔyiri ɔmama ne, marɔgo rɔdze ɔɔe. Fie ɔrerɛ gɔ loyiri ɔrɔgo gɔ masɛ ne, ɔsiai ɔturire.

*Yesu Ɔɣe Ranase Ɔwɛ Gu Lazaro Iso Itɔme.*

<sup>19</sup> “Ɔrerɛ ranase ɔwɛ gɔ nse ɔpia ara wa lofo kuɣa fie ɔwe i isoɣɔ ame i ɔ ngba ayi ɔduɔdu ame ɔwe.

<sup>20</sup> Wɛreba ɔwɛ ana gɔ marɔ sɔ Lazaro ɔwe. Aɣei ɔkã ɔ iso ɔduɔdu fie mase masu wũ maase i ranase gɔmɔ kayogodɔ.

<sup>21</sup> Ɔse ɔnyɔ ori sɔ si ranase gɔmɔ to ɔɔe ara ne, kupupui gɔ nse kukpakpase i mmɔ aayɔ wũ ɔɔe. Ta makpekpe se maba maaxaxa ɔ aɣei ame.

<sup>22</sup> “Wɛreba gɔgbe ɔba ɔakpi, ne ʎaa makpabo ɔba maasore wũ makelegu Abraham kɔre i kato ne. Ranase gɔmɔ ana ɔba ɔakpi ne mabiara wũ ne.

<sup>23</sup> I makpise aɔe ne, ranase ɔwe i inyewe ame. Ne gɔ ɔkɔle ano kato ne, ɔnya Abraham i kato gɔ Lazaro si wũ i kɔre.

<sup>24</sup> Mmɔ ɔto ɔkpere sɔ, ‘Tete Abraham! Nyɔ me nnya si atã Lazaro si ɔsu ɔ irɔi ɔpia i ndu ame ɔba ɔasora ɔɣora me i ɔnyagemi iso si ibara me pɔkɔsɔɔ alaso nto lona ibo i ɔto gɔgbe ame!’

25 “Υεε Abraham ογere wũ so, ‘Wũ obi, nyigi so i fo ngbã ame ne, afo fo ara see odudu. Fie Lazaro ð wũ ne, ara nyanyarĩa kerekere ofo. Υεε kinio ne, ka oto ona isoyo fie fo wũ ato awe inye.

26 Ne kama ana ne, kuwe titiiti kuwẽ pia i bo gu-o inyo ndẽ. Si oturi obie so ðawara obo mmo ne, ðibawo. Ngbo ame i kuwẽ iibawo mi kore mmo ana obore obo ngbe ne.’

27 “Mmo i ranase gomo to ογere wũ so, ‘Tete Abraham, loto-o i kukpa so pia Lazaro si ose wũ ose iyo.

28 Loba manyiibi rerẽ iru ma mpia ngbã. Tã ose ðaka ma teteree so madaaba ngbe ne inye we ογede.’

29 “Ne Abraham to ογere wũ so, ‘Fo manyiibi ba ara wa i Mose gu Υaa kanyamadidze otsere mase. Ikote so maakã ara wamo atsue mabara i wã iso!’

30 “Mmo i ranase to ογε so, ‘Tete Abraham, maibakã itõme nemo atsue. Υεε si oturi obore i makpise ame ose ðayere ma ne, mato maakã wũ atsue mafiniki i ma akpi ibara ame.’

31 “Υεε Abraham ογere wũ so, ‘Si maibakã Mose gu Υaa kanyamadidze itõme atsue ne, si oturi ota obore i makpise ame ngbe okere ma kore kora ne, maibakã wũ atsue!’ ”

## 17

### *Daatã So Oturi Abara Ikpi Ala Fo Iso.*

1 Yesu ογere ð marasuãdze so, “Ara wa loatã oturi obara ikpi to aaba, γεε ne, ndzo midẽ mitã ngo iso aaki fie aaba.

<sup>2</sup> Si masu kukote siare manyi masarã wũ i ome fie mafuĩdza wũ mapia i opo ame kora ne, ialẽ wũ ido kutsue go i Yaa aakpadzẽ ngo loatã mabiete magbe obo i ikpi ame.

<sup>3</sup> Ne oso minyo so kukaako nne mito mibara.

“Si fo onyii obara-o ikpi ne, sã tã wũ. Si ofiniki ne, su tse wũ.

<sup>4</sup> Si oγere-o ikpe ikodze i ikpene iwẽ ame fie okpese obo ãatã-o iti ikpe ikodze odudu ne, su tse wũ.”

*Matã Yesu Iti So Otã Ma Kafokade Si Kamõ Kabua.*

<sup>5</sup> Yesu katõmemasedze otã wũ iti so, “Bokose, tã so bo kafokade aamõ kabua.”

<sup>6</sup> Ne Bokose oγere ma so, “Si mi kafokade omõ le susuruba ibi ne, miγere kudziri gogbe so, ‘Rui ngbe kele opo ame.’ Fie iaba ngbo ana.

*Yesu Oγe Kumego I Oḡabo Sese Se Obara Karabara.*

<sup>7</sup> “Mibu nnegbe minyo. Si mi ndẽ owẽ ba oḡabo go nto okpẽ otã-o xee oto onyo fo maboi iso fie ose i sia obo ãabo ne, aγere wũ so obo ãase i karõ mala si ode ã aradea?

<sup>8</sup> Ooγo! Yee oγere aγere wũ so, ‘Ledza so si asẽ okati ndẽ si awa adera atã me. Si loode lone loro ne, fo wũ aade ane fo are.’

<sup>9</sup> Iinya so aape oḡabo siba i ã Karabara iti.

<sup>10</sup> Ngbo ame ise itã mi ana ne. Si mibara ira biara ne loγere mi so mibara ne, miγe so, ‘Maḡabo kere boḡe fie nne lokote so boabara kere ide bobara.’ ”



*Yesu Ɔsa Marerẽ Iweo Mawẽ Ma Nto Manye Ɔnye Retɛa.*

<sup>11</sup> Gɔ Yesu ɔɔɔ Yerusalem ɔri ne, ɔki i Samaria gu Galilea kumɛ iso.

<sup>12</sup> Ne gɔ ɔto ɔba ɔ̃abo akorowa awẽ ame ne, marerẽ iweo mawẽ ma nto manye ɔnye retɛa ɔba matu wũ. Manyɛse magbe ɔya dzoroo,

<sup>13</sup> ne mala kulu teteree sɔ, “Tete Yesu, nyo bo nnya!”

<sup>14</sup> Gɔ Yesu ɔnya ma ne, ɔɔɔere ma sɔ, “Mikɛɛ maisu so mite Ƴaa Masɔredze si manyɔ mi kukaako.” Gɔ marui mato makele ne, manya sɔ maɔna isosare.

<sup>15</sup> Ƴɛɛ gɔ ma ndẽ ɔwẽ ɔnya sɔ ɔ̃ɔna isosare ne, ɔɔɔe ɔfiniki ɔto ɔle Ƴaa ku silɔ teteree.

<sup>16</sup> Ɔba ɔ̃ape agegẽ i Yesu katɔ ɔɔɔe wũ siba. Ɔrerẽ gɔgbe ne, ɔ Samariase ɔɔɔe.

<sup>17</sup> Mmɔ i Yesu to ɔkare sɔ, “Iɔɔe mi maturi iweo miɔɔe losa ɔɔɔe? Kaiwẽ tsɔra ne le maki?”

<sup>18</sup> Nda ibara fiɛ ɔfo gɔ loɔɔe ɔ Yudase ɔnɔwẽ loakpese ɔba ɔ̃ape Ƴaa siba?”

<sup>19</sup> Mmɔ i Yesu ɔɔɔere wũ sɔ, “Ta ya si akɛɛ. Fɔ kafɔkade ɔtã-ɔ isosare.”

*Yesu Ɔte Kumɛgɔ I Ƴaa Sigara Iɔɔe Aaba.*

<sup>20</sup> Ma Farisise mawẽ ɔkare Yesu sɔ maɔbie sɔ maatsue ɔwi gɔ tutuutu i Ƴaa sigara ɔɔɔewi aaba. Ne Yesu to ɔtã ma mmuai sɔ, “Ƴaa sigara iɔɔe iibaba i ɔri gɔ iso i maturi aanya.

<sup>21</sup> Kuwẽ iibaɔɔe sɔ, ‘Minyo! Iɔba ngbe!’ ɔɔɔe ‘Nyo mmɔ.’ Alaso Ƴaa sigara iɔɔe ka ipia i mi ndẽ.”

22 Ne Yesu to ɔɣere ð marasuãdze sɔ, “Ɔwi to ɔba gɔ miabie sɔ mianya mme, Ɖturi Awune Ɖbi, iyi iwẽ, ɣee miibanya!

23 Maturi to maaba maɣere mi sɔ ‘Minyɔ wũ i mmɔ!’ ɣee ‘Minyɔ wũ i ngbe!’ ɣee midaase mianyonyo me i mmɔ!

24 Alaso le kumego i kado se ɔma i kato kase kawẽ ise iabo kase nyɔa ne, ngbo i Ɖturi Awune Ɖbi iyi nemɔ to iase ne.

25 ɣee tɔtɔ ne, ikote sɔ loaki i inyewe gbodzoo ame kiniɔgbe maturi ɔsẽ me.

26 “Ara wa loba ku Noa ɔwi ne, wã ame loaba ku ɔwi gɔ ame i Ɖturi Awune Ɖbi aaledza iba ne.

27 Maturi to maɖe manɛ, marerẽ to mayiri marɔgo fie mato masu marɔgo matã sɔ mayiri gbɔgbɔɔgbɔ iyi ne i Noa ɔbo i ɔkolo siare gɔmɔ ame. Kado ɔpe, siwore ɔyi si fo karɔ, ndu ɔɖoe maturi ɔɖuɖu.

28 “Ito iase le kumego i Lot ɔwi ɔse awe. Maturi to ɔɖe gu ɔne mato maɖe kuɣa ana. Mawẽ to mapia ɔraɖui mma to matsue ayo.

29 Iyi ne i Lot ɔbɔre i Sodom ne, ɔto gu akaĩ wa nse afɔrẽ nyanyarĩ ɔpe abɔre i kato afere ɔmagẽ iso, ma ɔɖuɖu ɔtsue.

30 “Ngbo ame iase ku iyi ne mme, Ɖturi Awune Ɖbi, aaba ne.

31 Iyi nemɔ ne, ngɔ nsia i ð isã si ɔdaaso ɔba karɔ sɔ ɔto ɔba ðabo iyo kame ɔsu ð kuirra. Ngbo ame ngɔ nɣe i sia si ɔdaaɣe sɔ ðakpese ɔse kaa ðasu kuirra ne.

32 Minyigi nne lobara Lot ɔre!

<sup>33</sup> Ūbiara gɔ loakpɛ sɔ si ũadji ũ ngbã ne, ɔto ũayura me. Ḃεε ũbiara gɔ loayura ũ ngbã to ũaledza me ina.

<sup>34</sup> Kasɛ gamɔ ne, maturi inyɔ to maare i ara iso. Ḃaa to ũako ɔwɛ ɔnyua ɔwɛ ɔrara.

<sup>35</sup> Marŕgo inyɔ to maala maɔkɔte ɔraũ i kukɔte iso Ḃaa to ũako ɔwɛ, ɔnyua ɔwɛ ɔse.

<sup>36</sup> Marerɛ inyɔ to maaya mala maɔbara karabara, Ḃaa to ũako ɔwɛ ɔnyua ɔwɛ ɔxedza.”

<sup>37</sup> Ne marasuãdze to makare Yesu sɔ, “Bokɔse, le ise?”

Ne Yesu to ɔxere ma sɔ, “Ngbego i ira kpia se ne, mmɔ i akolomo se asakanya ne.”

## 18

### *Yesu ɔpe Igbã I Atŕmexedze Lalaa Gu Kuedze ɔwɛ Iso.*

<sup>1</sup> Yesu ɔpe ũ marasuãdze igbã si ɔte ma sɔ inya sɔ maakparama kayi ɔwi biara fie nroŕ iibafɛ ma.

<sup>2</sup> ɔxere ma sɔ, “Atŕmexedze ɔwɛ ɔwe i ɔmagɛ ɔwɛ ame gɔ loise ɔnigã Ḃaa fie ũise ɔware ɔturi ana.

<sup>3</sup> ɔmagɛ gɔmɔ ame ame ne, kuedze ɔwɛ pia gɔ ɔse ɔba atŕmexedze kɔre ɔba ɔatã wũ iti sɔ, ‘Buai me ala wũ matsirise ɔso.’

<sup>4</sup> “Ifɔ ɔwi gbodzoo gɔ atŕmexedze gɔgbe ɔsɛ sɔ ŕito ɔbara kuirã i itŕme nemɔ iso. Ḃεε kawirikŕ ne, ɔxere sɔ sɔ, ‘Atoa sɔ loito lonigã Ḃaa fie loise loware ɔturi ne,

<sup>5</sup> Kumego i kuedze gɔgbe to ɔɔaa me ɔso ne, loanyɔ sɔ lokpɛ lofɔ wũ i ũ tsirise nroŕ ame. Si iide ngbɔ ne, ɔto ũamararã me ɔɔɔe.’ ”

<sup>6</sup> Ne Bosate okɛɛ i katõ ɔɣere ma sɔ, “Mino nne i atõmexɛdze lalaa gɔgbe to ɔɣe.

<sup>7</sup> Kinio ne, ʒaa gɔ nde atõmexɛdze i ɔri bɔɔɔɔ iso ne, ñibadi ñ maturi ma nse mabie makpere wũ kasẽ i kakome? ʒaa iibaɣe itõme ɔtã ñ maturi ma nto mabie makpere wũ kasẽ i kakome?

<sup>8</sup> Nto loɣere mi gbaã sɔ ʒaa to ñaɣe ma itõme ɔtã ma ibe i ɔwi iso. ʒee ne, si Ɔturi Awune Ɔbi ɔba ne, ñanya maturi ma mba kafokade?”

*Yesu Ɔpe Igbã I Ɔ Farisise Ɔwẽ Gu Lampofɔdze Ɔwẽ Iso.*

<sup>9</sup> Yesu ɔpe igbã negbe i maturi ma nse mabu so sɔ ma ɔnɔwẽ nle fie mase manyɔ maturi tsɔra pupurii iso.

<sup>10</sup> Ne ɔɣere ma sɔ, “Ɔwi ɔwẽ ame ne, maturi inyɔ mawẽ ɔse ʒaa isɔreyo sɔ maakparama kayi. Ɔwẽ de ɔ Farisise fie ɔwẽ ana de lampofɔdze.

<sup>11</sup> Farisise okpe so ɔɣedza i kurue ne okparama kayi ɔɣe sɔ, ‘ʒaa nto lope-ɔ siba sɔ lona kanɔbebe, loise lobara maturi akpi fie loise losiai maturire le maturi mama awe. Nto lope-ɔ siba ana alaso loise le lampofɔdze gɔgbe awe.

<sup>12</sup> Nse lonyi kanya akpene anyɔ i ɔape ame fie nse lotã-ɔ wũ ira ɔɔɔɔ ika weova.’

<sup>13</sup> “ʒee lampofɔdze ñ wũ ɔya dzoroo gɔ ñibie sɔ ñakɔle ñ iti kato kɔra. ʒee ɔsu nrɔɔ ɔfu so igbegbe, ɔɣe sɔ, ‘ʒaa nyɔ me gɔ nde kpibaradze nnya!’ ”

<sup>14</sup> Ne Yesu ɔɣere ma sɔ, “Nto loɣere mi sɔ gɔ ma inyɔɔ okpese makele ma ayo ne, lampofɔdze ɔbo ʒaa anɔ ɔɔɔ ɔ Farisise. Alaso ɔturi biara gɔ nse okɔle so kato ne, ʒaa to ñabo wũ karõ. Fie

ɔturi biara gɔ nse ɔbo so karɔ̃ ne, ʏaa to ɔ̃akɔle wũ kato.”

*Yesu Se Ɔɔɔe Mabiɛɛ Gbaã.*

<sup>15</sup> Mawẽ ɔko ma mabi mabo Yesu so ɔsia ma korɔ̃ iso. Gɔ Yesu katɔ̃memasɛdze ɔnya nneɓbe ne, manyagalagu maturi mamɔ.

<sup>16</sup> ʏɛɛ Yesu ɔkpere mabiɛɛ ɔbo so i kɔre ɔɔere ma so, “Mitã mabiɛɛ si maba wũ kɔre ne midaatẽ ma ɔri, alaso ʏaa sigarakadekɔ̃ se sitã ma igbã.

<sup>17</sup> Gbagbaã nto loɔere mi so, ɔbiara gɔ loifo ʏaa sigara idɛ le ɔbiɛɛ awe ne, ɔ̃ibawo sã ame ɔkele ɔa.”

*Yesu Ɔɔɔe Ara I Maranase Gu ʏaa Sigarakadekɔ̃ Iso.*

<sup>18</sup> Ma Yudase tɔ̃ɔɔɛdze ɔwẽ ɔkare Yesu so, “Ratedze bielea, be loabara fie loana ngbã me loise miro minya?”

<sup>19</sup> Ne Yesu ɔkare wũ so, “Be ɔso fie ato akpere me ɔbielea? Ɔturi kuwẽ iide ɔbielea idɔ ʏaa ɔnɔwẽ.

<sup>20</sup> Aɔɛ ʏaa mmara me loɔe so, ‘Daadɔe ɔturi, daadɛ asɔrɔ̃, daayu kayu daadɛ fɔ ɔlaa kanya, ware fɔ ɔse gu fɔ ɔnyi.’ ”

<sup>21</sup> Mmo i ɔrerẽ gɔmɔ to ɔɔe so, “Ita i wũ sibiɛɛ ame ne, loɔbara i mmara meɓbe ɔɔɔɔ iso.”

<sup>22</sup> Gɔ Yesu ɔno nne ɔɔe ne, ɔɔere wũ so, “Ikuti-ɔ ira ka iwẽ aabara. Kele aasu fɔ ira biara rɔdẽ si asu sikã atse mawereba, si aana kusia siare i kato. Si ɔoro ne, kpese ba siai me.”

<sup>23</sup> ʏɛɛ gɔ ɔrerẽ gɔɓbe ɔno nneɓbe ne, ɔruigu isoma alaso ɔba karana gbaã.

24 Gɔ Yesu ɔnya kumεgɔ i so ɔma wũ ne, ɔɣε sɔ, “Ito iabua idɔ fiε ranase aabo i ʒaa sigarakadekɔ̃!

25 Gbaã ne, ma mmɔ ibo ba ɔle idɔ kumεgɔ i kapuipɔngɔ aaki kafe i ɔdzirikaãra iyoi ame.”

26 Mma lonɔ itɔ̃me nεgbe ɔkare Yesu sɔ, “Iyɔ nna loabua ɔna idɔ?”

27 Ne ɔtã ma mmuai sɔ, “Ira nε i ɔturi iibawo ɔbara ne, ʒaa aawo ɔbara.”

28 Ne Petro ɔɣere wũ sɔ, “Nyɔ, iyɔ bo ma lonyua bo ara ɔɔɔɔ bɔse bosiai-ɔ ɣεε?”

29 Ne Yesu to ɔɣere ma sɔ, “Gbagbaã idε. Fiε lobie sɔ mitsue sɔ ɔturi biara gɔ lonyua ɔ̃ iyo gu ɔ̃ ɔre, ɔ̃ ɔnyiibi rεrε̃ gu ɔ̃ ɔnyiibi rɔ̃go gu ɔ̃ maɣese, ɣεε mabi ɔse ala ʒaa sigarakadekɔ̃ ɔso ne,

30 ɔto ɔana ara wagbe gbodzoo i ngbã mεgbe ame gu ngbã mε loise miro minya i ɔwi gɔ nto ɔba i katɔ̃ ame ana.”

*Yesu ɔledza Ika Idε ɔkpe Tεare I ʒ Kukpi Iso.*

31 Yesu ɔko ɔ̃ marasuãdze iweo-inyɔ ɔkelegu kurue ɔɣere ma sɔ, “Mikã atsue. Boto bokεε Yerusalem ngbegɔ i ara wa i ʒaa kanyamaɔidze ɔtsere mase i mme, ɔturi Awune ɔbi, iso ɔɔɔɔ aaba i ne ame.

32 Mato maadɔ̃ me matã mma loiɔ̃ ma Yudase sɔ mabara me ayiãra. Mato maatia me, matua minyatu mafere me iso.

33 Mato maape me fiε maadɔ̃e me. ʒεε akpene ate kama ne, loata lobɔre i makpise ame.”

34 ʒεε ara wagbe ɔɔɔɔ ne, marasuãdze iino wã karɔ̃. Atɔ̃me wagbe karɔ̃ ino ana ɔwere ma. Maiɣe nne i Yesu ɔɣere ma ngbe karɔ̃.

*Yesu Ɔsa Nɔbiedze Ɔwě Gɔ Nse Ɔwanyi Ara.*

<sup>35</sup> Ɔwi gɔ i Yesu ka ɔto ɔbore ɔbo Yeriko ne, nɔbiedze Ɔwě si i ɔri kurue ɔto ɔwanyi ara.

<sup>36</sup> Gɔ ɔno maturi gbodzoo to mafe ne, ɔkare sɔ, “Be nto iba?”

<sup>37</sup> Ne mato maɣere wũ sɔ, “Yesu Nasaretse nto ɔfe.”

<sup>38</sup> Mmo ɔsia kulu teteree sɔ, “Yesu! Igara David Ɔbi! Nyɔ me nnya!”

<sup>39</sup> Maturi ma nde katɔ ɔnyagalagu wũ sɔ ɔlo kulu. Ƴεε ɔkɔle ɔ silo ɔbua ɔɣe sɔ, “Igara David Ɔbi! Nyɔ me nnya soo!”

<sup>40</sup> Ne ɔso Yesu ɔtui ɔya ne ɔɣe sɔ mako nɔbiedze mabo ɔ kɔre. Gɔ ɔba ɔabo ɔ kɔre ne, Bosate ɔkare wũ sɔ,

<sup>41</sup> “Be ato abie sɔ lobara lotã-ɔ.”

Nɔbiedze ɔtã mmuai sɔ, “Tete, lobie sɔ loanya ara.”

<sup>42</sup> Ne Yesu ɔɣere wũ sɔ, “Nya ara! Fɔ kafɔkaɔɔ losa-ɔ.”

<sup>43</sup> Ɔluwě ne, ɔtse ara inya, ɔsiai Yesu ɔto ɔle Ƴaa. Maturi gbodzoo ma lonya nneɣbe ne, ma ɔɔɔɔ ɔle Ƴaa.

## 19

*Yesu Ɔɔɔ Zakeo Ika.*

<sup>1</sup> Yesu ɔse ɔaki i Yeriko ɔmagě ame ɔfe.

<sup>2</sup> Ma lampofɔɔɔ ɔkpakpa ɔwě gɔ marɔ sɔ Zakeo fie ɔba karana gbaã ɔwe mmo.

<sup>3</sup> Ɔto ɔbie ɔri gɔ iso ɔaki fie ɔatsue ɔturi gɔ igbã i Yesu ɔɔ. Ƴεε gɔ ɔkurukutu fie maturi ana ɔsi i ɔri ɔso ne, ɔinya wũ.

4 Ne ɔso ɔtere ɔɔe ma katõ ɔse ðaya ɔsia i kudziri ame so ðanya Yesu ala ɔɔe so ɔto ðaki i mmɔ.

5 Gɔ Yesu ɔbo kudziri kayirino ne, ɔtui ɔya, ɔkɔle anɔ kato ne ɔɔere Zakeo so, “Zakeo, so ba mala, alaso fɔ iyo loabo nɔme.”

6 Zakeo ɔso mala ɔba karõ ofɔ Yesu ku isoɔɔ.

7 Mma ɔɔɔɔɔ lonya nneɔɔe ɔtse Yesu iɔete iɔe so, “Ɔrerẽ ɔɔɔbe to ɔkele ðabo i kpibaradze iyo.”

8 Mmɔ i Zakeo ɔta ɔya ne ɔɔere Bosate so, “Tete! Nyɔ, loasu wũ karana kase kawẽ lotã mawereba. Mma ɔɔɔɔɔ loɔe amumu lofo nne loikote so loafɔ ne, loakpesera ma ara lotã ma ikpe ina.”

9 Ne Yesu ana to ɔɔere wũ so, “Nɔme ne, idi ɔba i iyo neɔɔe ame. Alaso ɔrerẽ ɔɔɔbe ð wũ ne, Abraham ɔwa tete ɔɔe.

10 Fie mme, Ɔturi Awune Ɔbi, ne, loba lonyɔnyɔ mma ɔɔɔɔɔ loyu, loɔi ma.”

### *Yesu Ɔpe Igbã I Sikãretɛa Ibi Iso.*

11 Maturi to makã ara wa i Yesu to ɔɔe atsue. Ne ɔpe ma igbã neɔɔe alaso ka ɔbore ɔbo Yerusalem fie mabu so Ƴaa sigara ɔɔewi to ðaba kinio.

12 Ɔɔere ma so, “Ɔwi ɔwẽ ne, ɔrerẽ ɔwẽ ɔɔe ɔturi nyaa ɔkele karõ dzoroa kawẽ iso so maamõ wũ sigara. Si maɔro ne, ɔbara ð adzuni so ðakpese ɔba.

13 Si ðarui ne, ɔkpere ð marabaradze iweo ɔsirakanya. Ɔtã ma ɔbiara sikãretɛa ibi iwẽ, ɔɔere ma so, ‘Misu sikã dzegbe miɔe ala kuɔa si bonyɔ kusia ɔɔe miana si lona.’



14 “Υεε ὃ μῶμῶ ἀδε maturi ὀtsiri wũ. Ne ὀso mapia ma kpabo sῶ masiai wũ i kama si mase maayere igarakpakpa sῶ, ‘Boito bobie sῶ ngῶgbe aade bo igara.’

15 “Υεε γῶ masera wũ sigara maro ne, ὀkpese ὀba ὃ ἀδε. Ὁpia sῶ marῶ ὃ maḍabo ma ὀtã sikã mabῶ si maba maayε kusia γῶ maῶna.

16 “Ὁḍabo ḍeakatῶ ὀba ὃaya ne ὀyere wũ sῶ, ‘Tete, sikã dze atã me ne, loῶna sē ikpe iweo losia iso.’

17 “Ne ὃ ὀkῶse ὀyere wũ sῶ ‘Ḍafe! Ὁḍabo sεε ἀδε. Gῶ awo ara kekεĩ wagbe ὀsu ὀbara karabara ὀso ne, loasu-ῶ losera i simagē iweo kanya.’

18 “Ὁḍabo nyoare ὃ wũ ὀba ὃayere wũ sῶ, ‘Tete, lona sikã dze atã me ikpe iru losia iso!’

19 “Ne ὃ ὀkῶse ὀyere ὀḍabo gῶgbe ὃ wũ sῶ, ‘Fῶ ne, loasu-ῶ losera i simagē iru kanya!’

20 “Ὁḍabo mama ὃ wũ ὀba ὃayε sῶ, ‘Tete, ὀnya fῶ sikã dze atã me i ngbe. Losu sē lope ikpo i wũ ὀkati ikpakpai ame.

21 Ntῶ lonigã-ῶ alasῶ aba ὀle, ase asu ara wa loiḍe fῶ are sῶ fῶ are. Ngbegῶ aikpē ana ne, mmῶ ase asu fῶ aradea ne.’

22 “Ne ὃ ὀkῶse to ὀyere wũ sῶ, ‘Ὁḍabo lalaa ἀδε! Fῶ μῶμῶ kanya ame atῶme loasu lotã-ῶ ipῶ! Ayε sῶ ὀturi γῶ mba ὀle loḍe, fie nse losu nne loiḍe wũ ire lokpesera wũ ire. Nse losu aradea i ngbegῶ loipe ὀraḍui.

23 Gῶ ayε ngbῶ ne, be ὀso fie aisu wũ sikã ase aapia i sikã kakolakῶ? Mmῶ ne, kumεkumε iḍe ne, loyε sῶ nto loana sē gu kusia lofῶ.’

24 “Ne ὀyere mma nyε i mmῶ sῶ, ‘Mimῶē ὃ sikã mifῶ mitã ὀḍabo γῶ lona kusia ikpe iweo.’

<sup>25</sup> “Υγε maturi ma nxe i mmɔ ɔxere wũ sɔ, ‘Tete, ɔɔabo gɔmɔ ka ɔba sikã abi aweo koko!’

<sup>26</sup> “Ne igara gɔmɔ ɔxere ma sɔ, ‘Gbaã nto loxere mi sɔ ngo mba ara ne, maatã wũ mabua. Ɖbiara gɔ nna kaira ne, kekeĩ gɔ ame ɔba ne, maamɔẽ mafɔ wũ iso.

<sup>27</sup> Kinio ne, wũ matsirise ma loito mabie sɔ loɔe sigara ne, mibo ma i wũ katõ miba miaɔe.’ ”

### *Yesu Ɖbo Yerusalem.*

<sup>28</sup> Gɔ Yesu ɔxere ma ara wagbe ɔro ne, ɔɔe ma katõ ɔxo Yerusalem ɔri.

<sup>29</sup> Ɖwi gɔ ɔɔbore ɔbo Betfage gu Betania i Nnoĩ Adziri Kube kurue ne, ɔpia ɔ marasuãdze inyo sɔ maɔe katõ.

<sup>30</sup> Ɖxere ma sɔ, “Mise kamageĩ ga i bo katõ ngbe ame. Si mibo ne, mito mianya ɔfirimu ibi iwẽ ne makɔra mayedza fie kuwẽ iise ne iso ɔnya. Mikurisi ne mibo me ngbe.

<sup>31</sup> Si ɔrere ɔkare mi sɔ be ɔso mito mikurisi ne ne, miyere wũ sɔ, ‘Bokɔse nto ɔbie ne.’ ”

<sup>32</sup> Gɔ marasuãdze magbe ɔrui maɔo ɔri ne, manya ira biara le kumego i Yesu ɔxere ma awe.

<sup>33</sup> Ɖwi gɔ mato makurisi boi ne, ɔ masate ɔkare ma sɔ, “Be ɔso mito mikurisi wũ?”

<sup>34</sup> Ne marasuãdze ɔtã ma mmuai sɔ, “Bokɔse nto ɔbie wũ.”

<sup>35</sup> Mako ɔfirimu ibi mabo Yesu. Maware ma sikati masia boi kama ne ka mabuai Yesu ɔta ɔse iso ne.

<sup>36</sup> Gɔ marui ne, mawẽ ɔware ma sikati mase i ɔri sɔ ɔse iso.

<sup>37</sup> Ɖwi gɔ i Yesu ɔɔbore ɔbo Yerusalem ngbego i ɔri ɔtse iso i Nnoĩ Adziri Kube iso ne, ɔ

marasuãdze gbodzoo òtse Ƴaa siba ipɛ mato mafa kayiɖu teteree iki ò ara siare wa manya ɔso.

<sup>38</sup> Mato maɣe sɔ,  
 “Ƴaa kusekuse itã igara go nto ɔba i Bosate iyere ame!  
 Isobue si iwe i Ƴaa sigarakadekõ ɔɖuɖu! Ƴaa ɔkpe nde ikpawai!”

<sup>39</sup> Ne ma Farisise mawẽ i maturi ndẽ to maɣere Yesu sɔ, “Ratedze, sɛ fo marasuãdze sɔ malo kulu!”

<sup>40</sup> Ne Yesu ɔtã ma mmuai sɔ, “Gbaã nto loɣere mi sɔ si malo kulu ne, ata to aatse kulu ila.”

*Yesu Ɔbie I Yerusalem Iti.*

<sup>41</sup> Go Yesu ɔbore ɔbo ɔmagẽ fie ɔnya wũ ɔsese ne, ɔbie nnome i ò iti.

<sup>42</sup> Ne ɔɣe sɔ, “Lobie sɔ tee gbaã ne, aatsue nome nne lokotegu-ɔ fie iatã-ɔ isobue. Ƴee ipɛ i kinio ne, aito anya adji ite!

<sup>43</sup> Ɔwi to ɔba go fo matsirise to maaki malɔ-ɔ i kakoi biara. Mato maatẽ-ɔ mapia masẽ kuyogodõ go ɔɖuɖu ame aawo ɔki ɔbore.

<sup>44</sup> Mato maabie ɔmagẽ gɔgbe maɖoe maturi ma ɔɖuɖu mpia i ò ame. Maibanyua ita kuiwẽ mase i ne kasekõ. Alaso asẽ sɔ aibatsue ɔwi go i Ƴaa ɔba sɔ ɔba ɔɖi-ɔ!”

*Yesu Ɔsa Kuɣamaɖese Ɔɖi I Ƴaa Kasɔrekõ.*

<sup>45</sup> Yesu ɔse òabo Ƴaa isɔreyo ɔtse kuɣa maɖese ma mpia i mmɔ isa idji.

<sup>46</sup> Ne ɔɣere ma sɔ, “Matsere mapia i Ɔko Sekelea ame sɔ Ƴaa ɔɣe sɔ, ‘Wũ iyo ne, maakpere ne sɔ iyo ne ame mase makparama kayi.’ Ƴee miosu ne mibara mayukukpe kawerekõ!”

47 Iyi biara ne, Yesu ɔte ara i ʒaa kasɔrekɔ̃ mmɔ. ʒaa masɔredze makpakpa gu kaɔe matɔɔdedze gu mmara matedze ɔbie sɔ maadɔe wũ.

48 ʒɛɛ maiɣe ɔri gɔ iso maaki alaso maturi gbodzoo pia mmɔ fie mato makā wũ atsue totoroo.

## 20

### *Ma Yudase Ɔkpadzẽgu Yesu Atõme I Ɔ Ole Iso.*

1 Iyi iwẽ gɔ Yesu pia ɔto ɔte maturi ara i ʒaa isɔreyo ɔɣere ma Itõme Bielea ne, masɔredze makpakpa gu mmara matedze gu kaɔe matɔɔdedze ɔba mmɔ.

2 Ne mayere wũ sɔ, “ʒere bo ngbegɔ ana ɔle gɔ ato abara ala karabara abɔregu. Nna lotā-ɔ ɔle gɔ?”

3 Ne Yesu ɔɣere ma sɔ, “Mitā lokare mi ira iwẽ si mitā me mmuai.

4 Yohanes gɔ lɔpie maturi ndu ne, le ɔna ã ɔle ɔbɔregu. ʒaa kɔre eɛbere maturi kɔre ɔbɔre?”

5 Ne matse so iwararāgu sɔ, “Be idɛ boaxɛ? Si boɣe sɔ ʒaa kɔre ɔna ɔle ɔbɔregu ne, ɔto ãakare bo sɔ, ‘Be ɔso fie miifo wũ miɔe?’

6 Fie si boɣe sɔ maturi kɔre ɔfo ɔbɔre gu ne, mma loba maasakanya ngbe to maape bo ata alaso ma ɔɔɔdu ɔfo maɔe sɔ ʒaa kanyadidze i Yohanes de.”

7 Ne ɔso ne, matā wũ mmuai sɔ, “Boiɣe ngbegɔ ɔna ã ɔle ɔbɔregu.”

8 Ne Yesu ã wũ ɔɣere ma sɔ, “Mme wũ loibayere mi ngbegɔ lona wũ ɔle lobɔregu fie nto lobara karabara gagbe.”

*Yesu Ɔpe Igbã I Mafɔ Ma Nto Manyɔ Kakpekɔ Iso.*

<sup>9</sup> Ne Yesu Ɔpe ma igbã negbe sɔ, “Ɖwi ɔwẽ ne, ɔrerẽ ɔwẽ ɔkpẽ adziribi kakpekɔ. Gɔ ɔto ɔkele ɔri dzoroa ɔwẽ ɔso ne, ɔsu kakpekɔ ɔpia i mapaase nroɔ ame sɔ manyɔ kã iso matã wũ.

<sup>10</sup> Gɔ ɔwi ɔɔɔ sɔ maasɔrẽ adziribi wamɔ ne, ɔpia ɔ ɔɔabo ɔwẽ sɔ ɔse ɔafɔ ɔ kaɔekɔ ga loaxo wũ ɔbo i mapaase ma mpia i sia kɔre. Yee mapaase mamɔ ɔmɔɛ ɔɔabo gɔgbe mapɛ wũ, masa wũ masese nroɔ kunu.

<sup>11</sup> Ne ɔso ɔpia ɔɔabo mama. Yee ɔ wũ mapaase mamɔ ɔpe wũ, masopara wũ, makpesera wũ masese nroɔ kunu.

<sup>12</sup> Ɖledza ɔɔabo tɛare ipia. Ɖ ne, mapɛ wũ maɔi wũ igbe masa wũ maɔi i sia mmɔ.

<sup>13</sup> “Ne kakpekɔ Sate gɔmɔ ɔkare sɔ sɔ, ‘Be loabara? Loasese wũ ɔbi ɔɔese. Lofɔ loɔe sɔ mato maaware wũ.’

<sup>14</sup> “Yee gɔ mapaase ɔnya ɔbi gɔmɔ ne, maɔere sɔ sɔ, ‘Nya kakpekɔ Sate mɔmɔ ɔbi nto ɔba ngbe. Mitã boɔoe wũ si ara wagbe ɔɔuɔu aakpese bo are!’

<sup>15</sup> Ne ɔso mafuɔdza wũ maɔi i ɔkpã ame ne maɔoe wũ ne.”

Ne Yesu ɔkare ma sɔ, “Be i kakpekɔ sate aabara mafɔ magbe?

<sup>16</sup> Ɖto ɔaba ɔaɔoe mapaase magbe ɔɔi i kakpekɔ ame ɔbie maturi mama ɔpia i kã ame.”

Gɔ maturi ɔno ngbo ne, maɔe sɔ, “Ooɔo, iibaba ngbo!”

<sup>17</sup> Yesu ɔkarã ma ano iso ɔkare ma sɔ, “Yaa itɔme ne matsere mase ngbe karɔ xe?”

'Ita ne i mayotsuedze ɔsẽ sɔ iile ne,  
 ne loba iakpese ita ne lonya ido pelepele ne.'  
 18 Ɖbiara gɔ loatura i ita nɛmɔ iso ne, ɔto ɔafefẽ  
 dukuduku. Fie si ita nɛmɔ ɔkpase iwuĩ ɔrere ne,  
 ito iakɔte wũ dɛkperɛɛ."

*Yesu Ɖte Ara I Lampo Itã Iso.*

19 Mmara matedze gu masɔredze makpakpa  
 ɔbie sɔ si mamɔẽ Yesu mmɔ alaso maye sɔ ma  
 iso ɔpe igbã nɛmɔ. Ƴɛɛ manigã maturi mamɔ.

20 Ne ɔso ne, matɛ ɔri mama gɔ iso maaki fie  
 maamɔẽ wũ ibie. Mapia maturi i iwere ame sɔ  
 mabara so le mma nto manyɔnyɔ ɔnukuare si  
 mase maakare Yesu atɔme wa loapia wũ i kulu  
 ame si maawo wũ ɔɔi ɔtã ma Romase abã.

21 Ne ɔso kanyamaɔaese magbe ɔkɛɛ Yesu  
 kɔre mase maakare wũ sɔ, "Ratedze boye sɔ fɔ  
 ne, ɔnukuare ara ase ate ɔwi biara. Boye sɔ fɔ  
 ara ite ame ne, aise anyɔ ɔturi i katɔ Ƴɛɛ ase aƳɛ  
 nne loabo Ƴaa anɔ iidɛ nne i maturi se maɔɔɛ.

22 Bobie sɔ Ƴere bo si ile sɔ boatã ma Romase  
 Igarakpakpa lampo."

23 Ƴɛɛ gɔ Yesu ka ɔƳɛ ma adzuni nyanyarã ɔso  
 ne, ɔkare ma sɔ,

24 "Misu sikãfudza ibi iwẽ mibo me. Nna iti gu  
 iyere nsia iso ngbe?"

25 Ne matã wũ mmuai sɔ, "Igarakpakpa  
 Kaisaro ire idɛ."

Ne Yesu ɔƳere ma sɔ, "Misu nne ndɛ Kaisaro  
 ire mitã wũ si misu nne ndɛ Ƴaa ire ana mitã  
 Ƴaa."

26 I maturi katõ mmɔ ne, maiwo wũ ɔmɔẽ i itõme kuiwẽ iso. Ati ɔmɔ ma i mmuai me i Yesu ɔtã ma iso fie ibara ma yii ana.

*Yesu Ɔɔɔe Ika I Makpise Ita Gu Kuyiriso Iso.*

27 Ma Zadukise ma nse maɣe so makpise iisibata ɔba Yesu kɔre maba maakare wũ so,

28 “Ratedze, Mose ɔtsere ɔpia i mmara ame ɔtã bo so, ‘Si ɔrerẽ ɔkpi ɔnyua ñ ɔre fie maiɣe ɔbi ne, ɔrerẽ gɔmɔ ɔnyiibi si ɔsu kpise ɔre ɔyiri. Mabi ma i ñ gu kpise ɔre gɔmɔ aaye ne, maanyɔ ma le ñ ɔnyiibi gɔ loɔkpi mabi.’

29 Ɔwi ɔwẽ ame ne, manyiibi rerẽ ikɔdze mawẽ ɔwe. Kpakpare ɔyiri ɔrõgo, iina ɔpã kere ɔba ñakpi ɔɣe wũ gɔ maiɣe ɔbi.

30 Ɔ ɔkpeama gɔ nsiai wũ ɔyiri kuɛdze gɔmɔ.

31 Ɔtare ñ wũ ngbɔ ame gbɔgbɔɔgbɔ ise iabo ɔkɔdzeva. Ma ɔɔɔɔɔ ɔyiri ɔrõgo gɔmɔ makã maiɣe ɔbi.

32 Kawirikõ ne, ɔrõgo ñ wũ ɔba ñakpi.

33 Kiniɔ ne, si makpise ɔba maatã ne, ma ndẽ ɔmele loayiri ɔrõgo gɔgbe gɔ ma ikɔdze ɔɔɔɔɔ ɔyiri wũ manya?”

34 Yesu Ɔtã ma mmuai so, “Marerẽ gu marõgo se mayiri so i ngbã meɣbe ame.

35 Ƴee marerẽ gu marõgo ma ɔɔɔɔɔ ma lokote so maata mase ngbã me loise miro ne, maisibayiri so i ngbã memɔ ame.

36 Maase le Ƴaa makpabo awe gɔ maisibakpi manya. Ka maɔe Ƴaa mabi ala maɔta mabɔre i makpise ame.

37 Mose ɔtsere ɔpia i Ɔko Sekelea ame so makpise to maaledza ita iwe ngbã. Alaso ɔwi

gɔ ame ɔɣɛ i miyu kadzirimi ga nto katsue kɔrɛ ne, ɔkpere ʏaa sɔ Abraham ʏaa gu Isak ʏaa gu Yakob ʏaa.

<sup>38</sup> Magbanadze ʏaa ɔɔɔ, iide makpise ɔre ɔɔɔ. Ne ɔso i ɔ̃ kɔrɛ ne, makpise ana ba ngbã.”

<sup>39</sup> Mmara matedze mawẽ ma nɣɛ i mmɔ ɔɔɔ kanya sɔ, “Ratedze, abua atã mmuai gbaã!”

<sup>40</sup> Ne kama ne, kuwẽ iisiwe ɔtu ɔkare wũ kuiru.

### *Nna Ɔbi Nɔɔ Kristo?*

<sup>41</sup> Yesu ɔkare ma sɔ, “Be ɔso fie maturi sɛ maɣɛ sɔ Kristo ne, David ɔwa tete ɔɔɔ?”

<sup>42</sup> Alasɔ David mɔmɔ ɔɣɛ i ɔ̃ Sinɔ ɔko ame sɔ, ‘Bosate ɔɣere Wũ Sate sɔ,  
“Sɛ i wũ kuɔearɔ̃ iso

<sup>43</sup> gbɔgbɔɔgbɔ loasu fɔ matsirise lopia i fɔ ngba kayirino?” ’

<sup>44</sup> Si David to ɔkpere wũ sɔ ɔ̃ Sate ne, nda iabara fie Kristo aadɛ David ɔ̃ ɔwa tete?”

### *Yesu Ɔka Ɔ Marasuãdze Sɔ Madzuẽ So I Mmara Matedze Iso.*

<sup>45</sup> Ɔwi gɔ i ma ɔɔɔɔɔ ɣɛ mato makã nne i Yesu to ɔɣɛ atsue ne, ɔɣere ɔ̃ marasuãdze sɔ,

<sup>46</sup> “Midzuẽ so i mmara matedze iso. Mase maɔɔɔ mawe maki ku ma awu siare. Mase mabie sɔ maturi si mabɔ sɔ karɔ̃ maya ma i kuɣa ame. Mase mabie nsekɔ̃ kɔlɛa i ma Yudase kasarekɔ̃ gu sipɔrɔ̃ katukɔ̃.

<sup>47</sup> Mase mate so lɛ makuɔdze mabuaidze ɣɛɛ masɔsɔla ma mafɔ ma ara. Mase mate so iki i ma kayi ikparama tagbaraa ame. Ne ɔso ma kutsue ikpadzẽ to iasi gbaã!”





<sup>10</sup> Yesu ɔkelegu i katõ ɔɣere ma so, “Karõ to kaakpẽ gu karõ fie sigarakadekõ aka anyo to aakpẽgu so.

<sup>11</sup> Karõ to kaati i ngoi. Kukã siare to kuabo fie sinye agbãagbã ana to siaba. Afõra ana to aabore i kudokpo.

<sup>12</sup> “Si ara wagbe aaba ne, mato maamõẽ mi, makpẽgu mi. Mato maakõ mi makelegu ma Yudase kasarekõ, maapia mi iyo. Mato maakõ mi makelegu magara gu matõdɛdze katõ so maayegu mi atõme ala wũ ɔso.

<sup>13</sup> Ɔwi gõmõ ame loadɛ ɔwi sɛɛ go ame miaɣɛ Ƴaa Itõme Bielea ne.

<sup>14</sup> Mibara mi adzuni so miibamararã so kumegõ miadji so kanya iso.

<sup>15</sup> Alaso nto loatã mi atõme gu iwola ne kanya i mi matsirise kuwẽ iibawo ɔya manya.

<sup>16</sup> Mi mayese gu manyiibi gu mi mõmõ malɛdze gu mi malaa to maadji mi matã. Mato maadɔe mi mawẽ.

<sup>17</sup> Ɖbiara to õatsiri mi ala wũ ɔso.

<sup>18</sup> Ƴɛɛ nane ɔnidzo iibase mi i iso.

<sup>19</sup> Miya teteree fie miana ngbã me loise miro.

### *Yesu Ɖɣɛ Kumegõ Maabiɛ Yerusalem.*

<sup>20</sup> “Ɖwi go mianya so makpakpɛdze ɔba maaki malo Yerusalem ne, mitsue so ɔmagẽ ɔbiɛwi ɔɔɣo.

<sup>21</sup> Mma mpia i Yudea si matere makele abe iso, mma mpia i ɔmagẽ ame si matere mabore. Mma mpia i miya si madaakpese maba ɔmagẽ ame.

<sup>22</sup> Alaso ɔwi gõmõ to õadɛ kutsue ikpadzẽ ɔwi le kumegõ i Ɖko Sekelea Ɖɣɛ ɔse awe.

23 Ɔwi gomo to ɔawe ole ɔtã marõgo ma nto nyiri gu matalepo ma nto mabi yete. Inyewe siare to iaba i karõ gagbe iso. Yaa kutsue ikpadzẽ to iaba maturi magbe iso.

24 Mato maadoe mawẽ ala ipemi fie maamõẽ mawẽ ana makelegu nrõ mama iso. Mma loide ma Yudase to maade sigara ku ɔtile i Yerusalem iso ise iabo ɔwi go i Yaa ɔtorã ɔtã ma.

### *Ɖturi Awune Ɖbi To Ɖaledza Iba.*

25 “Awawãra agbãagbã to aaba i kuɔẽ gu ɔgbaworeti gu awami iso. Kayiiso ɔduɔu to kaayu ɔriinyɔ. Ifõ siare to iamõẽ maturi ala kumego i ɔpo to ɔasia so ara ɔso.

26 Maturi to maasẽ kulele ala ifõ ne nto ma go maiye nne nto iaba i kayi ɔduɔu iso ɔso. Sile dze i kuɔokpo ame ɔduɔu to siati teteree i sã kusekõ.

27 Ne kama ne, Ɖturi Awune Ɖbi to ɔabore i adodo ame gu ɔ ole gu ifie teteree ame.

28 Si ara wagbe ɔnya asõ katõ ne, miledza so si mitse ɔri inyo alaso mi idj ɔwi ɔobore ɔbo.”

### *Misuã Ara I Kuɔedziri Iso.*

29 Ne Yesu to ɔpe ma igbã iwẽ so, “Mikarã ino i kuɔedziri gu adziri agbã mama iso.

30 Si minya so ato adj aɔata yete ne, mise miye so kuse ɔɔɔo.

31 Ngbo ame si minya ara wagbe to aba ne, mitsue so Yaa sigarakadekõ ɔobore sibo.

32 “Nto loyere mi so ara wagbe ɔduɔu to aaba fie mi mawẽ ma nye ngbe aakpi miro.

33 Kato gu karõ to kaafe, yete wũ atõme iibafe anya da.

*Ikote Sɔ Mianyo Tuee Midzuẽ.*

<sup>34</sup> “Minyo so kukaako sɔ miibanina owi i ɔdegbodzo gu itarẽ iso. Midaase mimararã so i kayiiso ara iti. Si iide ngbo ne, iyi nemo to iapatu imoẽ mi le iyebi.

<sup>35</sup> Ito iapatura kayiiso maturi ɔduɖu.

<sup>36</sup> “Ne ɔso midzuẽ so si mila miokparama kayi owi biara sɔ miana ɔle miya teteree mibore i inyewe nemo ame sɔ miaya bololo i ɔturi Awune ɔbi ano.”

<sup>37</sup> Ayi wamo ɔduɖu ne, Yesu ɔsu ɔte maturi ara i Yaã kasorekõ. Kutsue biara ne, ɔse ɔkele Nnoĩ Adziri Kube iso ɔawe i kasẽ ame.

<sup>38</sup> Kaya tutuutu biara ne, maturi ɔduɖu se mata maba isoreyo maba maakã ɔ ara ite atsue.

## 22

*Masoredze Makpakpa ɔse Iti Ame Sɔ Maadoe Yesu.*

<sup>1</sup> ɔwi ɔɔɔo go ma Yudase aade Boɖobodo Go Loita Iyi ne mase maro ana sɔ Kukpi ɔtakuwara Bo Iyi.

<sup>2</sup> Ƴee go Ƴaa masoredze makpakpa gu mmara matedze to manigã maturi ɔso ne, matse ori go iso maaki fie maadoe Yesu i iwere ame ibie.

*Yuda Ono Karõ Sɔ ɔaɖi Yesu ɔtã.*

<sup>3</sup> ɔbosam obo i Yuda go maro Iskariot fie ɔ wũ ɔde Yesu marasuãdze iweo-inyo ndẽ ɔwẽ ame.

<sup>4</sup> Ne ɔso Yuda ɔkele Ƴaa masoredze makpakpa gu mma nse madzuẽ Ƴaa isoreyo makpakpa kore mase maase iti ame i ori go iso ɔaki fie ɔaɖi Yesu ɔtã ma.

<sup>5</sup> Mana isoḡo gbaã, ne oso maḡe so maatã wũ kuso.

<sup>6</sup> Yuda ñ wũ ono karõ, ne oso otse ori see go iso ñaki fie ñaḡi Yesu otã ma ibie.

*Yesu Jledza So Otã Kukpi Otakuwara Bo Iyi Iḡe.*

<sup>7</sup> Iyi oḡa iaḡo ne mase maḡe Boḡobodoḡo Go Loita Iyi fie owi ḡomḡo ame ame mase maḡoe Kukpi Otakuwara Bo Sere maḡe ana ne.

<sup>8</sup> Yesu Oḡia Petro gu Yohanes oḡegu katõ so, “Mise mialedza Kukpi Otakuwara Bo aḡera wa boḡe mise.”

<sup>9</sup> Ne mato makare wũ so, “Le ato abie so boledza bose?”

<sup>10</sup> Ne oḡere ma so, “Si mibo Yerusalem oḡagẽ ame ne, Oḡerẽ owẽ go nsore ndu ku ibui to ñasareḡu mi. Misiai wũ mise miabo i iyo ne ame ñabo.

<sup>11</sup> Miḡere iyo nemḡo sate so, ‘Ratedze so bokare-o so, “Mme iyo nse go mme gu wũ marasuãdze aḡe Kukpi Otakuwara Bo aḡera?” ’

<sup>12</sup> Oto ñate mi iwẽ i iyo siare ne matsue masia i kato fie maledza ne, mase kuta ayara. Miledza ibiara mise i mmḡo.”

<sup>13</sup> Go maḡo ori ne, mase maanya ira biara le kumegḡo i Yesu oḡere ma. Ne mawa Kukpi Otakuwara Bo aḡera ne.

*Maḡe Bosate Araḡea.*

<sup>14</sup> Go owi oḡo ne, Yesu gu ñ katõmemasedze ose i karõ so maḡe ara.

15 Ne ɔɣere ma sɔ, “Idɛ wũ kuɖɔe kokooko sɔ loadɛgu mi Kukpi Ɔtakuwara Bo aɖera wagbe fiɛ inyɛwe aatu me.

16 Nto loɣere mi sekelee sɔ loisibaɖe aɖera wagbe lonya gbɔgbɔɔgbɔ ɔwi gɔ boano wã karɔ̃ i Ƴaa sigarakadekɔ̃.”

17 Ne kama ne, Yesu ɔsu itãkɔi, ɔɣe Ƴaa Siba. Ne ɔɣere ma sɔ, “Mifo si mine mitã so.

18 Nto loɣere mi sɔ ita i kinio ito ikele ne, loisibane ndã meɣbe gbɔgbɔɔgbɔ ɔwi gɔ i Ƴaa sigara idɛ aaba.”

19 Ne ka ɔsu bodobodo ɔɣe Ƴaa siba i ɔ̃ iti ne. Ɖɛse wũ kusekuse ɔsu ɔtã ma. Ne ɔɣere ma sɔ, “Wũ sosina dze losu lotã i mi iti ngbe ne. Mibara ne si misu minyigi me.”

20 Ngbo ame ɔsu itãkɔi ne ame i ndã pia ɔtã ma gɔ maɖe ara maro. Ne ɔɣere ma sɔ, “Ikɔi neɣbe nde Ƴaa kanya ɣete ga ɔto ɔnyigu mi ikparĩ ala wũ ima ne loafere i karɔ̃ ala mi ɔso ne.

21 Ƴɛɛ ne, mitsue sɔ ngo loadɔ me ɔtã wũ matsirise si ɔto ɔɖegu me aɖera i ngbe.

22 Mme, Ɖturi Awune Ɖbi ne, nto loakpi le kumegɔ i Ƴaa ɔsia ita. Ƴɛɛ ne, ndzo mitã ngo loadɔ me ɔtã.”

23 Ne matse so ikakare sɔ, ma ndẽ nna loabara ira neɣbe igbã.

### *Nna Nɖe Ngɔ Loɖo I Marasuãdze Ndẽ?*

24 Kakpadzẽ kawẽ ɔbo i marasuãdze ndẽ mabie sɔ matsue ma ndẽ ngo nde ɔsiare pelepele.

25 Ne Yesu ɔɣere ma sɔ, “Kayiiso magara ma loide ma Yudase se mate so mapia mma mato

made iso fie maba ole i ma iso. Magara magbe se mafera so so ma nde Maturi Malaa.

<sup>26</sup> Үεε iikote so iase ngbo i mi ndē. Ngo nde osiare i mi odudu ndē ne, o ikote so abara so obiete si mi todedze si osu so obara odabo.

<sup>27</sup> Nna nde okpakpa? Ngo nsi i karō oto ode ara eberε ngo nto otu wū oporō? Ikpa sekelee so ngo nsi i karō oto ode ara loḡo. Үεε lopia i mi ndē le ngo nto osumu mi awe.

<sup>28</sup> Mioḡia kube misiai me i wū amorē owi odudu ame.

<sup>29</sup> Kumεḡo ame i Tete otā me ole so loḡe maturi iso ne, ngbo ame loatā mi ole mi wū ne.

<sup>30</sup> Mito miade mineḡu me ara i wū sigarakadekō fie miasε i sigara ayara iso mide sigara i Israel nle aka aweo-anyo iso.”

*Yesu Oḡε Ose So Petro To Jasē Wū.*

<sup>31</sup> Ne Yesu to oḡere Simon Petro so, “Simon Simon! Kā atsue! Үaa otā Obosam ori so ola mi onyo si onyo mma nde masεε gu mma loile le kumεḡo i kpēdze se ofuri simoḡo oḡi i kamō ame.

<sup>32</sup> Үεε ne, Simon, lookparama kayi i fo iti so fo kafokade iibakpase. Si okpese aya parataa ne, pia fo manyiibi tsora ole.”

<sup>33</sup> Ne Petro to oḡere wū so, “Bokose, loḡe teteree so si inya ne, maapia bo gu-o i iyo ḡee lokpigu-o.”

<sup>34</sup> Ne Yesu oḡere Petro so, “Petro, nto loḡere-o so kasē gagbe si kōko aadi kanya ne, ato aasē me ikpe ite so aiye me.”

*Sikā Kakotoi Gu Akpo Gu Ipemi.*

<sup>35</sup> Ne Yesu to okare ñ marasuãdze so, “Ōwi go lofe ame go lopia mi katõme fie mme so midaasu sikã kakotoi xee akpo xee ndokota ne, ira iwẽ onya mi?”

Ne matã wũ mmuai so, “Ooxo kaira iinya bo kuwẽ.”

<sup>36</sup> Mmɔ i Yesu to oxere ma so, “Yee kinio ne, obiara go mba sikã kawumi xee akpo ne, osu ola. Ngɔ nna ipemi ne, osu ñ arapia orɔdẽ si ose ñaxa ipemi.

<sup>37</sup> Fie nto loxere mi so, Ōko Sekelea ame itõme ne loxe so, ‘Maaka wũ mapia i maturi lalaa ndẽ’ ne, ka iba ngbo. Alaso ira ne matsere i wũ iso ne, ikote so iaba i ne ame.”

<sup>38</sup> Ne marasuãdze to maxere wũ so, “Bokose, Nyɔ! Nya apemi anyo ngbe!”

Ne oxere ma so, “Ka ile.”

### *Yesu Okparama Kayi I Nnoĩ Adziri Kube Iso.*

<sup>39</sup> Yesu obore i omagẽ ame okelɛ Nnoĩ Adziri Kube iso le kumegɔ ose oɔɔe obara. Ō marasuãdze ana siai wũ.

<sup>40</sup> Go obo mmɔ ne, Yesu oxere ñ marasuãdze so, “Mikparama kayi si miibabo i ilainyo ame.”

<sup>41</sup> Ōrui onyua ma okelɛ katõ kekeĩ ne ope agegẽ okparama kayi oxɛ so,

<sup>42</sup> “Tete, si aatorã ne, di inyewe ikoi negbe boregu me iso iide wũ kudɔɔe so bara ne fo kure.”

<sup>43</sup> Ne Yaa Kpabo owẽ obore i kato oba ñapia wũ ole ne.

<sup>44</sup> I isomaraã siare ame ne, oledza kayi ikparama ku ano retɛa. Awururu wa nto obore wũ iso se le ima nto ifere i karõ.



<sup>45</sup> Gɔ Yesu ɔta i ngbegɔ ɔto ɔkparama kayi ne, ɔkpese ɔkɛɛ ɔ marasuãdze kɔrɛ. Ɔba ɔnya sɔ mato mare sire alaso isoma ɔmɔɛ ma.

<sup>46</sup> Ne ɔxere ma sɔ, “Be ɔso mito mire sire? Mita si mikparama kayi si miibabo i ilainyɔ ame.”

### *Masɔredze Makpakpa Ɔmɔɛ Yesu.*

<sup>47</sup> Gɔ Yesu xe ɔtogu ma ika idɛ ne, maturi gbodzoo ɔba maabo ma iso. Yuda gɔ ndɛ marasuãdze iweo-inyɔ ndɛ ɔwɛ ndɛ ma katɔ. Ɔkɛɛ Yesu kɔrɛ ɔse ɔamini wũ.

<sup>48</sup> Yesu ɔkare Yuda sɔ, “Yuda, iminigu asu ato adɔ me, Ɔturi Awune Ɔbi atã?”

<sup>49</sup> Ɔwi gɔ i marasuãdze ma mpia i mmɔ gu Yesu ɔnya nne nto iba ne, makare wũ sɔ, “Bokɔse, bokpɛgu ma ala bo apemi?”

<sup>50</sup> Ne marasuãdze ndɛ ɔwɛ ɔdɔ ipemi ɔtu masɔredze ɔkpakpa pelepele ɔɔabo kudɛarɔ kut-sue ɔdɔ ne.

<sup>51</sup> Yesu ɔsɛ ɔtã ma sɔ, “Midaabara!” Ɔpɛgu ɔɔabo gɔmɔ kutsue kere ne ɔsa wũ ne.

<sup>52</sup> Ne Yesu to ɔkare masɔredze makpakpa gu kasɔrɛkɔ madzuɛse makpakpa gu kaɔɔ makpakpa ma loba mamɔɛ wũ sɔ, “Be ɔso fie mito kudziriku gu apemi le turidɔese loɔɔ?”

<sup>53</sup> Lowe i mi kɔrɛ i ma Yudase isɔrɛyo iyi biara xe miimɔɛ me. Yaa lotã mi ɔri gɔgbe fie idududu ame ɔle nto ɔɔɔ mi iso kinio.”

### *Petro Ɔsɛ Yesu.*

<sup>54</sup> Mamɔɛ Yesu makɔ wũ makelegu masɔredze ɔkpakpa pelepele iyo. Petro ana siai ma i kama kama.

55 Mapia otó i inyamó, ne osó Petro ò wū osé òasé i ma kóre.

56 Gó odábo rǒgo ówě onya Petro si i otó katǒ mmó ne, onyo wū totoroó óye só, “Ngogbe ò wū Yesu siaidze ówě óde.”

57 Yéé Petro osé óye só, “Orǒgo, loiye wū kóra!”

58 Ówi kurukutu kama ne, ówě ana onya Petro odj ite ne óyere wū só, “Fó wū ma ndě ówě adé.”

Yéé Petro óledza íye só, “Oreréí, iide mme lode!”

59 Si iabara le odowū kama ne, oreré mama ana gó nyé i mmó óledza iroí ikará teteree só, “Kakpadzě kukawě na i ne ame só oreré gogbe ana osiai Yesu alaso Galilea oturi óde.”

60 Yéé Petro otá mmuai só, “Nyó me oreré, nne ato aye ngbe ne, loiye kuirá i ne iso.” Gó óye otó óye nnegbe ne, makoko odj kanya.

61 Ne Bosate ofiniki onyo Petro ne. Onyigi nne i Bosate óyere wū só, “Si makoko aadj kanya nme kasé gagbe ne, ato aasé me ikpe ite só aye me.”

62 Petro obore okéle inyamó osé óabie teteree.

*Mma Lodzue Yesu Obara Wū Axiara, Mape Wū*

63 Mma nto madzue Yesu otse wū axiara ibara ípe wū.

64 Masu ira manyi wū katǒ mape wū iyó maokare wū só, “Yere bo ngo lope-ó!”

65 Matia wū i siri agbāagbā ana iso.

*Yesu Oya I Matǒmeyedze Katǒ.*

66 Gó kađe osé ne, kađe makpakpa gu Yaa masoredze makpakpa gu mmara matedze osakanya ne mako Yesu mabo ma katǒ ne.

<sup>67</sup> Mma losakanya i mmɔ ɔkare Yesu sɔ, “Yere bo si fɔ nde Kristo.”

Ne ɔtã ma mmuai sɔ, “Si loxere mi ira irere kɔra ne, miibafɔ miɖe.

<sup>68</sup> Fie si lokare mi itɔme irere ne, miibatã me mmuai.

<sup>69</sup> Yee ita i kiniɔ ito ikelɛ ne, Yaa, ɔlesate to ɔtara me, ɔturi Awune ɔbi, ɔsera i ɔ kuɖearɔ iso.”

<sup>70</sup> Ne ma ɔɖuɖu to makare wũ sɔ, “Iyo ite sɔ fɔ nde Yaa ɔbi?”

Ne ɔtã mmuai sɔ, “Ise le kumegɔ miɖe.”

<sup>71</sup> Ne maye sɔ, “Iisinya sɔ kuwẽ aaba ɔayere bo kaira i ɔ iso. Bo mɔmɔ ɔɔnɔ ara wa ɔto ɔɖe!”

## 23

### *Pilato ɔkare Yesu Atɔme.*

<sup>1</sup> Ne ma ɔɖuɖu ɔta mako Yesu makelɛgu Pilato ne.

<sup>2</sup> Matse wũ kanya idae sɔ, “Bomɔẽ ɔrerẽ gɔgbe gɔ ɔto ɔkã bo aɖe kaɖe ɔyura. ɔto ɔxere ma sɔ madaatã lampo gɔ i ma Romase igarakpakpa ɔsia. ɔɖe sɔ ɔ nde Kristo fie ɔmɔẽ so sigara ana.”

<sup>3</sup> Ne Pilato ɔkare wũ sɔ, “Fɔ nde ma Yudase igara?”

Ne Yesu ɔta wũ mmuai sɔ, “Ise le kumegɔ aɖe.”

<sup>4</sup> Ne Pilato ɔxere masɔredze makpakpa gu mmamɔ sɔ, “Loinya sɔ ɔxere mmara kumiwẽ.”

<sup>5</sup> Yee ma kanya ɔwe ɔle teteree sɔ, “ɔ ara wa ɔto ɔte to abo ikpɔkpɔto i ma Yudase ɔɖuɖu ndẽ. ɔse ne karɔ i Galilea, ne ɔɔbo ne i ngbe ana ne.”

### *Herodes ɔkare Yesu Atɔme.*

<sup>6</sup> Ɔwi gɔ i Pilato ɔno itɔ̃me neɓbe ne, ɔkare sɔ, “Galilea ɔturi ɔde neɓbe?”

<sup>7</sup> Gɔ ɔtsue sɔ Yesu ɔbɔɛ i Galilea ibuiti ne iso i Herodes to ɔde ne, ɔsu wũ ɔsese Herodes ala ɔba ɔpia i Yerusalem ku ɔwi gɔmɔ ame.

<sup>8</sup> So ɔɔɔ Herodes gbaã gɔ ɔnya Yesu alaso ɔ̃ɔno wũ iyere fie ɔto ɔbie sɔ ɔ̃anya wũ kokooko. Ɔbie sɔ ɔ̃anya Yesu ɔbara iwawāra iwẽ.

<sup>9</sup> Ne ɔso Herodes ɔkare Yesu atɔ̃me gbodzoo ɔɔɔ Yesu iipia wũ kanya.

<sup>10</sup> Masɔredze makpakpa gu mmara matedze ɔbɔɛ maba maɔae nnya masia Yesu iso.

<sup>11</sup> Herodes gu ɔ̃ makpakpẽdze ɔbara Yesu aɔiāra, matia wũ. Ne masu awu sɛɛ awẽ mapia wũ le igara awe fie makpesera wũ masese Pilato ne.

<sup>12</sup> Iyi nɛmɔ iso ne, Herodes gu Pilato ɔkpese malaa, ɔɔɔ sasaasa ne, maise mafe.

### *Pilato Ɔtã Yesu Kukpi Ipo.*

<sup>13</sup> Pilato ɔkpere masɔredze makpakpa gu matɔ̃dɔdɔdze gu maturi tsɔra ɔsakanya.

<sup>14</sup> Ne ɔɔɔere ma sɔ, “Miko ngɔgbe mibo me sɔ ɔto ɔkɔ maturi ɔyura i ɔri lalaa iso. I mi mɔmɔ anɔmi ame ne, loɔkare wũ atɔ̃me ɔɔɔ loinya kaira nyanyarĩa ne iso miɔɔe mito miɔae wũ kanya.

<sup>15</sup> Herodes ana ɔkpesera wũ ɔsese alaso ɔ̃inya kaira lalaa i ɔ̃ iso. Ngɔgbe iibara kaira ne loatã sɔ maadɔe wũ.

<sup>16</sup> Ne ɔso loatã mapɛ wũ kere lonyua wũ ɔkɛɛ.”

<sup>17</sup> Kukpi Ɔtakuwara Bo Iyi idɛ biara ame ne, Pilato sɛ ɔnyua yoredze ɔwẽ ɔtã ma.

18 Ne ma ɔɔɔɔ ɔtse kulu teteree so, “Doe wũ! Si anyua Baraba atã bo!”

19 Baraba gɔgbe ne, mapia wũ i iyo ala kulu gɔ ɔbara i Yerusalem ɔmagẽ ame gu ituridoe.

20 Gɔ Pilato to ɔbie so ãanyua Yesu ɔso ne, ɔledza ma ika idegu.

21 Ƴɛɛ mala kulu teteree mabua so, “Pɛ wũ matãra i kudziri iso! Pɛ wũ matãra i kudziri iso!”

22 Ne Pilato ɔledza ma ikare ɔkpẽ teare so, “Mme ikpi ɔbua ɔbara? Loinya nne ɔbara fie ikote so loatã wũ kukpi ipo. Loatã mapɛ wũ iyo loonyua wũ.”

23 Ƴɛɛ matogu kulu teteree so, “Ikote so aatã mapɛ Yesu mamatãra i kudziri iso.” Kawirikõ ne, maɔe iso iki i ma kulu ila ame.

24 Ne ɔso Pilato ɔɔɔe itõme le kumegɔ mato mabie.

25 ɔnyua ngɔ mato mabie ɔtã ma, ngɔ mapia iyo ala ã kulu ibara gu ituridoe ɔso. ɔnyua Yesu ana ɔtã ma so mase maabara wũ kumegɔ maɔɔe.

### *Makpakpẽdze Ɔpɛ Yesu Mamatãra I Kudziri Iso.*

26 Makpakpẽdze ɔkɔ Yesu maruigu. Gɔ mase i ɔri mato makele ne, manya ɔ Kirenese ɔwẽ gɔ marɔ Simon gɔ ɔbɔre i akorowa awẽ ɔto ɔba Yerusalem. Matindza wũ maya wũ iso so ɔfo ɔnyigbã gɔ i Yesu sore si ɔsiai wũ i kama.

27 Maturi gbodzoo siai Yesu i kama. Marõgo mawẽ pia i ma ndẽ gɔ mato mabie masiai wũ.

28 Mmɔ i Yesu ɔfiniki ɔyere ma so, “Yerusalem marõgo, midaabie me. Ƴɛɛ mibie mitã so gu mi mabi.

29 Alaso ɔwi to ɔba gɔ maturi aaxɛ sɔ, 'Iti lɛ malɛma gu ayiri wa ame i mabi iisɛ gu mma loitã mabi inye mameme!'

30 Ɔwi gɔmɔ ame i maturi aaxɛre abe sɔ, 'Biɛ fu bo iso!' Fiɛ maaxɛre kubemi sɔ, 'Kɔla bo!'

31 Alaso si kudziri yuɛ to kutsue kumɛgɔgbe ne, nda i kukorea aabara?"

32 Makpakpɛdze ɔmɔɛ marɛɛ inyɔ ma ndɛ maturi lalaa masegu sɔ maadɔe gu Yesu.

33 Gɔ mase maabo ngbego mase marɔ sɔ, itikui ne, mapɛ Yesu mamatãra i kudziri iso. Marɛɛ lalaa mamɔ ana ne, mapɛ ma mamatãra i kudziri iso, ɔwɛ i kuɔearɔ iso ɔnyɔare i kubena iso,

34 Ne Yesu ɔɔɛ sɔ, "Tete, su tɛ ma alaso maiɛ nne mato mabara." Ne kama ne, makpakpɛdze ɔɔɛ so Yesu arapia gɔ mabara kareremi maro.

35 Maturi xɛ i mmɔ mato manyɔ fiɛ ma Yudase matɔɔdedze ana to mabara Yesu axiãra sɔ, "Ɔɔi maturi mama, ne ɔso si ɔ ndɛ Kristo gɔ i Ɔaa ɔsia ikparĩ ne, ɔɔi so si bonyɔ!"

36 Makpakpɛdze ma wũ ngbɔ ame mabara Yesu axiãra ne. Masu ndã bea mabɔ wũ sɔ ɔnɛ.

37 Ne maɔere wũ sɔ, "Si fɔ ndɛ ma Yudase igara ne, kpɛ ɔi so!"

38 I ɔ sitikpe ne, matsɛre mamatãra sɔ, "Ma Yudase Igara i ngbe ne."

39 Maturi lalaa ma mapɛ mamatãra i kudziri iso mmɔ ɔwɛ ana ɔtia Yesu ɔɔere sɔ, "Iidɛ fɔ ndɛ Kristo? Ɖi so si aɔi bo bo wũ!"

40 Ne ɔ ɔnyɔare to ɔnyagalagu wũ sɔ, "Aisɛ anigã Ɔaa? Kutsue ikpadzɛ iwɛ saã i makpakpɛdze ɔtã bo gu wũ.

41 Bo kutsue ikpadzē ne, ikotegu bo. Alaso nne bobara ne, ne kuso boto bofo ne. Үεε ǝ ne, ǝibara ikpi kuiwē.”

42 Ne ɔɣere Yesu sɔ, “Yesu, nyigi me si abo fo sigarakadekǝ.”

43 Ne Yesu ɔɣere wū sɔ, “Gbaã nto loɣere-ɔ sɔ nɔme ne, bo gu-ɔ aasare i Paradiso ame.”

### *Yesu Kukpi*

44 Ɖwi go ipe le idɔwū iweo-inyɔ ne, kayi ɔbara guduu gbɔgbɔɔgbɔ ise iabo le idɔwū ite ame.

45 Kuɣē ɔnyi, Үaa isɔreyo ɔkati go nsa i mmɔ ɔke aka anyɔ.

46 Ne Yesu ɔla kulu teteree sɔ, “Tete, fo nroǝ ame losu wū siwarã lopia.” Go ɔɣe ngbo ne, ɔsɔra.

47 Makpakpēdze ɔkpakpa go nɣe i mmɔ fie ɔnya nne loba ɔle Үaa ɔɣe sɔ, “Gbaã idɛ sɔ ɔrerē gɔgbe ne, ɔturi sɛɛ ɔɔɛ.”

48 Go maturi gbodzoo ma loba maye mato manyɔ ara ɔnya nne loba ne, masore nroǝ i ati makpese makele ayo ku isomaraã.

49 Mma ɔɔɔɔ nɣe Yesu gu marǝgo ma losiai wū mabɔre i Galilea ɔya dzoroo manyɔ ara wa lokele i katǝ.

### *Yosef Arimatease Ɖbiara Yesu.*

50-51 Ɖrerē ɔwē go marɔ sɔ Yosef fie ɔbɔre i ɔmagē go marɔ Arimatea i Yudea karǝ iso ɔwe i mmɔ. Ɖturi sɛɛ go mase maware gbaã ɔɔɛ. Ɖ wū ɔto ɔnyɔ Үaa sigara idɛ iba ɔri. Atoa sɔ ɔpia i ma Yudase matǝmexedze ndē ne, ǝinɔgu ma karǝ i ne mabara i ngbe iso.

<sup>52</sup> Ɔkele Pilato kore ose ðakare ori so otã wũ obese Yesu kpise.

<sup>53</sup> Go mabese wũ i kudziri iso ne, osu okati fudza omuni wũ. Ne osu wũ ose ðapia i itawo ne ame maibiara kuwẽ manya ne.

<sup>54</sup> Iyi nemɔ ne, Fiɖa iɖe ne oso Iwarãyi ka iba iase karõ.

<sup>55</sup> Marõgo ma losiai Yesu mabore i Galilea ne, masiai Yosef mase maanya ngbego obiara Yesu gu kumego orara ð kpise.

<sup>56</sup> Makpese makele iyo mase maakote awa wa nse afore korokorõ fie mase masu maledza ala makpise mase. Iwarãyi iso ne, mawarã le kumego i mmara ote awe.

## 24

### *Yesu Ota Obore I Makpise Ame.*

<sup>1</sup> Kosiɖa kaya tutuutu ne, marõgo magbe ota makele maturi kabiarakõ ku ara wa maledza wũ ala.

<sup>2</sup> Go masõ ne, manya so ita ne mali matẽ ikpibio kanya ne, maoli ne mase i kurue.

<sup>3</sup> Ne oso mabo i ikpibio ame, xee mainya Bosate Yesu kpise.

<sup>4</sup> Nnegbe obara ma xii. Ne go maye mato mabu ne iso ne, maturi inyo ma awu nto afie atsue anomi obore maya ma i katõ.

<sup>5</sup> Ifõ omõẽ marõgo gbaã ne oso mabo ma ati karõ matã ma. Ne mmamɔ okare ma so, “Be oso mito minyonyo gbanadze i makpise ndẽ?”

<sup>6</sup> Ona i ngbe. Ota! Minyigi nne oxere mi go opiagu mi i Galilea so,



<sup>7</sup> ‘Mato maadji Ɔturi Awune Ɔbi matã maturi lalaa. Mato maape wũ mamatãra i kudziri iso. Fie ayi ate kama ne, Ɔto ãaledza ita ibore i makpise ndẽ.’ ”

<sup>8</sup> Ne marõgo onyigi atõme wamõ ne.

<sup>9</sup> Gõ mabore i maturi kabiarakõ mmõ ne, mase maayere katõmemasedze iweo-õwẽ gu matsõra ara wagbe.

<sup>10</sup> Marõgo magbe nde Maria Magdalene gu Yohana gu Maria gõ nde Yakobo onyi. Ma gu marõgo mama õse maayere katõmemasedze ara wagbe.

<sup>11</sup> Yee katõmemasedze õbu sõ ara wa i marõgo to maye ne, adzimirã aqe. Ne õso maifo maqe.

<sup>12</sup> Yee Petro Ɔta Ɔtere Ɔkele mmõ. Gõ Ɔbõdzo onyo ikpibio ame ne, onya Ɔkati gõ mamini kpise. Ɔisinya kuirã, ne õso Ɔkpese Ɔkele iyo Ɔto õbu nne loba ngbe iti ame.

### *Maturi Inyo Mawẽ Onya Yesu I Emaus Ori Iso.*

<sup>13</sup> Iyi nemõ ame iso ne, Yesu masiaidze inyo mawẽ se i ori mato makele Ɔmagẽ kosoi õwẽ gõ marõ Emaus. Ita i mmõ iba Yerusalem aaqe le agu akõdze õqui.

<sup>14</sup> Mase mato maqe ika i ara wa loba iso.

<sup>15</sup> Gõ mase mato maqe ika maye ara wagbe ne, Yesu mõmõ Ɔba ãatu ma Ɔsiai ma.

<sup>16</sup> Gõ manyã wũ ne, maixe sõ ã õde.

<sup>17</sup> Mmõ i Yesu Ɔkare ma sõ, “Be mise miye i ori iso?”

Matui maya mabara so nnya nnya.

18 Ne ma ndě owě go maro Kleopa okare Yesu so, “Fo onowě fo nde ofo i Yerusalem fie aiye ara wa loba i owi kurukutu gogbe ame?”

19 Ne Yesu okare ma so, “Be ara?”

Ne mapia kanya so, “Ara wa lobore i Yesu Nasaretse iso go nde Yaa kanyadidze iso. Obara awawara fie ote ara ana ku ole i Yaa gu maturi odudu ano.

20 Ma Yudase Yaa masoredze makpakpa gu bo matoddedze osu wu mapia i Roma abā makpakpa nroo ame so matā wu kukpi ipo fie mape wu mamatāra i kudziri iso.

21 Ye bonyo ori so o nde ngo loadi Israel kade odudu fie. Ne kama ne, nome nde ikpene teare go ara wagbe oba.

22 Bo ikuri ame marogo mawě oba maatara bo situ mayedza go mase maturi kabiarako maba ku kaya gagbe.

23 Mainya o kpise, ne makpese maba maayere bo so Yaa makpabo mawě oji so mate ma. Mayere ma so Yesu pia ngbā.

24 Bo ndě mawě ose maturi kabiarako mase maanya le kumego i marogo oyere bo peperepe, ye mainya wu.”

25 Ne mmu i Yesu to oyere ma so, “Miikpa ano duduudu. Mi kafokade i Yaa kanyamadidze ara wa maye iso se tegele.

26 Miiye so ikote so Kristo aaki i inyewe negbe igbā ame fie okale o sigarakadeko i ikpawai ame?”

27 Ne Yesu odidi ara wa matsere i o iso mapia i Oko Sekelea ame ita i Mose gu ara wa i Yaa

kanyamadidze ɔduɔu ɔtsere mase karɔ̃ ɔte ma ne.

<sup>28</sup> Gɔ mabore mabo ɔmagɛ kosoi gɔmɔ ne, Yesu ɔbara le ɔfe ɔto ɔfe awe.

<sup>29</sup> ʎEE matɛ̃ wũ ɔri maɣere wũ sɔ, “Kaɔe ɔɔro ɔso ne, tui we i bo kɔre ngbe.” Ne ɔso ɔse ɔ̃abo i ma kɔre.

<sup>30</sup> Ɔse ɔ̃ase i karɔ̃ sɔ si ɔɔegu ma ara. Gɔ ɔsu boɔobodo ne, ɔpe ʎaa siba, ne ɔbebese ɔsu ɔtã ma ne.

<sup>31</sup> Ɔluwɛ ma anɔ ɔbusi manya wũ maɔi ite, ʎEE ɔyu ma iso.

<sup>32</sup> Ne maɣere so sɔ, “Ɔwi gɔ ɔto ɔɔegu bo ika fie ɔɔiɔi ʎaa itɔme karɔ̃ ɔte bo i ɔri iso ne, isoɣɔ siare ɔwe i bo situ ame.”

<sup>33</sup> Mata ɔluwɛ makpese maɣo Yerusalem ɔri. Mase maanya katɔmemasɛdze iweo-ɔwɛ gɔ masi fie maturi mama ana si i ma kɔre

<sup>34</sup> mato maɣe sɔ, “Bokɔse ɔta gbaã ɔbɔre i makpise ame fie ɔɔi so ɔte Simon.”

<sup>35</sup> Ne maturi inɔ mamɔ ana ɔɣe ara wa manya i ɔri gu kumego ɔɔi so ɔte ma gɔ ɔkpɛti boɔobodo ɔtã ma ne.

### *Yesu Ɔɔi So Ɔte Ɔ Marasuãdze.*

<sup>36</sup> Gɔ maɣe mato maɣe nnegbe ne, ɔluwɛ Yesu ɔba ɔaya i ma ndɛ. Ne ɔɣere ma sɔ, “Isobue itã mi.”

<sup>37</sup> Ifɔ̃ ɔmɔɛ ma gbaã ne maɣe sɔ kpise ɔɔe manya.

<sup>38</sup> ʎEE ɔkare ma sɔ, “Be ɔso fie mikpɔkpɔto mito miwararã so?”

<sup>39</sup> Minɔ wũ nrɔ̃ gu ngba si mipɛgu me minɔ sɔ mme loɔe. Alaso kpise na sosina gu akui le mito minya sɔ loba.”

<sup>40</sup> Gɔ ɔɣere ma ngbo ne, ɔsu ɔ̃ nrõɔ gu ngba ɔte ma.

<sup>41</sup> Isoɣɔ siare ɔso ne, ida ma ifo ide, ibara ma yii. Ne Yesu ɔkare ma sɔ, “Araɖea awẽ se i ngbe?”

<sup>42</sup> Ne masu ikpe fẽa matã wũ ne.

<sup>43</sup> Ɔfo ɔwe i ma katõ.

<sup>44</sup> Mmɔ ɔto ɔɣere ma sɔ, “Ara wagbe iso lola loɔɖe mi ika gɔ lopia i mi kɔre ne. Ira biara ne matsere i Mose mmara ɔko ame gu Ƴaa kanyamaɖidze siko ame gu David Sino ɔko ame i wũ iso ne, ikote sɔ iaba ngbo.”

<sup>45</sup> Ne ka ɔbusi ma adzuni ame sɔ maano Ɔko Sekelea ame atõme karõ ne.

<sup>46</sup> Ɔɣere ma sɔ, “Ngbo matsere sɔ Kristo aawe inye ɔta ɔbɔre i makpise ame ku ikpene teare iso ne.

<sup>47</sup> I ɔ̃ iyere ame ne, maaye ifiniki gu kasukatse itõme i kaiyi ɔɖuɖu iso ita i Yerusalem.

<sup>48</sup> Mi loadji atõme wa ɔɖuɖu mino gu nwa minya kanya.

<sup>49</sup> Mme mɔmɔ to loasese mi nne i Ƴaa ɔɣe ɔse sɔ ɔasese mi. Ƴee miya misia Ƴaa ole i Yerusalem gbogboogbo ɔwi gɔ ame ɔaba mi iso ɔbɔre i kato.”

### *Ƴaa Ɔsu Yesu Ɔkelegu Kato.*

<sup>50</sup> Ne ka ɔko ma ɔbɔregu i Yerusalem mase maabo Betania kɔre. Ɔkole ɔ̃ nrõɔ ɔfere ma kusekuse iso.

<sup>51</sup> Ne gɔ ɔto ɔtã ma kusekuse ne, Ƴaa ɔsu wũ ɔkelegu kato.

<sup>52</sup> Mapɛ agegẽ masore wũ, ne makpese makele Yerusalem ku isoɣɔ siare ne.

<sup>53</sup> Mala maɔse maole Ƴaa i kasorekõ ɔwi biara.

## **Siwu**

### **Siwu: Ndamu Yεε Siwu New Testament**

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source  
files dated 26 Apr 2025

b5020a1a-c7b9-512a-9b46-1e462be571d4